



# A KHANGMOI NUNGZUITE ADING PASIAN GEELNA



A Khangmoi Nungzuite Ading Pasion Geelna  
in khangnote kha nuntak kipatna ahoihin  
khantoh theih nading bulkip piangsak ding hi.

*Siate' Khutlet*




# A KHANGMOI NUNGSUITE ADING PASIAN GEELNA




Pasian kammal:  
Thunehna




Kha Siangtho:  
Vangliatna




Tui kiphumna




Pawipi mi khat leh khat



Neekhawmna



Thungetna



Lai Siangtho  
bangci Sin Ding



Etcikna



Bulkip

<b>Pasian Inmpi</b>	
Pasian Inmpi aklamw aktuk in om nang	63-68 AD
Lai khak Anunungte	60-63 AD
Pasian dehina leh geeelna sungah Pum khat suak ding	48-57 AD
Lai khak Alaitte	
A siangtho Hehphina sungah a om lungdanna	
Lai khak Amasate	

Khazih SUNGA Na Nuntakna


DIKNA HOPHINA NUNTAANA  
 HOPHINA HEHPHINA  
 MASAVNA LAMETVA  
 SAJAFKANA  
 ASONG KI WINTONGAM  
 DAHINA KICINNA  
 VANGLIATNA KUMANDANA  
 THUPHA HONGOPHA  
 GAM LAZA NUNTAANA



Nuntakna



Pasian tawh  
Gamdaih Hun Lakna



Innkuan Letung  
Innkuan Letung  
Innkuan Letung  
Innkuan Letung



A Khangto  
Nungsuite

# A Khangmoi Nungzuite Ading Pasian Geelna

---

Siate' Khutlet

---

*A Khangmoi Nungzuite Ading Pasian Geelna: Siate' Khutlet* pen *A Khangmoi Nungzuite Ading Pasian Geelna: Nungzuite' Kisinna* tawh zatkhop ding ahi hi. Hih laibu pen naupang leh khangnote khantoh theih nading kisinna, kimawlnate leh nuntakpih ding thute kiguanga, Lai Siangtho hong hilh thute pen ngeina leh hunte in ciangtan theilo uh hi.

Tim W. Bunn and Virginia J. Dickens

Second Edition, 2022

Copyright © 2022 by New Foundations International

# A Khangmoi Nungzuite Ading Pasion Geelna

## Siate' Khutlet

Lai Siangtho munte pen Tedim Lai Siangtho - O.V. Ref. Edition le Zokam Standard Version (Thuciam Thak) pan kila hi.

ISBN: 978-0-578-86396-2

Laibu mai lim:

Alford Usher Soord (1868-1915) pen British mi limsuaih siam khat hi-a, ama suaih *The Parable of the Lost Sheep* pan a kila hi. The Lost Sheep pen 1898 kumin Royal Academy ah kilak masa-in, 1916 ciangin zong kilakkik hi. Tua lim bekbek copy 300,000 bang kibawl a, England le America gamte ah kizuak hi.

First Edition, 2021

Copyright © 2021 by New Foundations International

New Foundations International website:

<http://www.newfoundationsinternational.org/>

Kizopna ding le theihbehnop omleh:

[nfi@newfoundationsinternational.org](mailto:nfi@newfoundationsinternational.org)

## LUNG DAM KOHNA

Hih laibu hong piankhiat nadingin nulepa bang ahi Central America thuhilhna *God's Plan for His Disciples* pan khangsawn naupangte tungah hong kihawmsuk ahi hi. Martha Dickens Evans in hih sunga sinzia ding tawh kisai a thu teng hong vanpih ahih manin lungdam hi. Danielle Nash in zong lim tawh kisai hong panpih-a, naupangte limzeem a baih ding, Lai Siangtho munte a kiciapteh theih baih nadingin hong bawlsak hi. Tua bek thamlo-in Sherman Driver in hici bang a kizang thei ding laibu a suah nadingin hong hanthawnin huhna hong pia hi.

## THUMASA

Hih laibu pen naupangte Pasion Kammal Lai Siangtho pen lim, tangthu, le kimawlina tawh theisakin bulkip a neih theih ding cih ngimna tawh kigelh hi. Na tate mahmah zong sinsak bek hilo-in, naupang dangte zong Zeisu nungzui dingin na sinsak ciang, hih laibu sunga thute tungtawnin na sinpih ciang amaute mi picing hong suak takpi ding uh hi.

Hih *A Khangmoi Nungzuite Ading Pasion Geelna* (GPYD) pen *God's Plan for His Disciples* (GPHD) a zo khinsa mi khat khansuah nading ahi hi. GPYD pen GPHD tawh zatkhop ding ahi hi. Hih laibu a zang ding hilh sia khat na hihna tawh hih laibu sunga tangthu paiziate telbaih zaw dingin ahih manin zang hamtang in. Tangthu genna, laihilhzia ngeina, limte, kikapna, le dotnate pen naupangte telzawh dingin amau tawh kituakin geel in. Hih laimaite pen GPHD laimaite tawh kibang lo ding himah leh, Sinna nambatte le thulute pen kibang veve ding hi.

# NAUPANG LE KHANGNOTE HILHZIA DING ETKHOLHNA

Solomon in naupangte a pantahte tungah thu hoih mahmah khat vaikhak hi: *“Naupang khat a neu lai-in lampi man tawnsak lecin, a teek dongin lam pial nawn lo ding hi”* (Paunak 22:6). Naupangte pattahna pen Lai Siangtho tungtawnin kipan ahihna hong phawksak hi. 2 Timothy 3:16-17 sungah, *“Lai Siangtho buppi in Pasian humuapna tawh hong kipia hi a, thuhilh nading, mawhna kiphawksak nading, kibawlphat nading, le dikna thu ah kipattah nadingin a manpha hi. Tua in Pasian mipa picing a na hoih khempeuh tawh a kigingkhoh mi ahih theih nading ahi hi”* ci hi.

Naupangte pen amau ang sung bek a ente ahih manin, Lai Siangtho pen amau thu kigelhna ahih lohnam a theih uh ciangin lamdang sa ding uh hi. Naupangte in Lai Siangtho a theih ding na deih leh, Khazih pen a nungta kammal mihing aa hong piang ahihna thu musak in. Amah pen Pasian ahi hi. *“A kipat cilin Thu a om hi. Thu in Pasian tawh a omkhawm hi. Tua Thu in Pasian ahi hi”* (John 1:1).

*“Tua ciangin Thu in mihing hong suak a, eite lakah hong teengin eite in ama minthanna i mu hi. Tua in, Pa in khat bek a neih a Tapa a piak minthanna hi a, hehpihna le thuman thutak tawh a kidim hi”* (John 1:14). Zeisu pen galhang khat zong ahi hi!

Thu dang khat ngaihsut ding ah naupangte in Lai Siangtho thu a buppi in telsawm lo uh hi. Lai Siangtho sunga tangthu tampi thei kha ding uha, ahi zongin a thupipen bang hi ding hiam cih tello ding uh hi. Lai Siangtho sunga thu khat peuhpeuh amah guak tuamdin ngeilo a; khat peuhpeuh pen Lungdamna Thu ahi Khazih tawh kimemat tawntung hi.

Naupang ahihkeh a sin dingte tawh na kipat ma-in **Naupang le Khangnote Hilh Nading Ziate** pen sim masa hamtang in. Thute omzia pen a hoih thuhilhna le sinsakna ngeinate tawh a kituak ding thupi-a, naupangte sin theihzia tungtawnin zong a kibanglo zong hong om thei ding hi.

Naupangte le khangnote hilh ding le nungzui suahsak ding na hanciam laitak, eite'n i hilhna tungtawnin amaute in Khazih pen amau gumpa le Topa in sang ding ci-in ngaihsun pah sam kei in. Ahi zongin hih i sinsakna tungtawnin amaute in Khazih pen mawhna amaisakpa in hong muang ding uha, ama nungzui ding hong khensat theih ding uh a thupi ahi hi.

Laimai 9 pan 11 sunga om **Zeisu Khazih tungtawnin Gupkhiatna Ngahna** cih thulu in gupkhiatna ngah nading lampite hong huh thei ding hi.

# NAUPANGTE LEH KHANGNOTE HILH NADING ZIATE

- **Pasian hong piak nasep ciamteh gige in: naupangte Pasian Kammal le Ama Lampite hilh ding ahi hi:** “Nangmah in ngeina kipte le thukhennate amaute na hilh dinga, amau lampaina ding le amau sep dingte amaute na theisak ding hi” (Paikhiatna 18:20). “Naupang khat a neu lai-in lampi man tawnsak lecin, a teek dongin lam pial nawn lo ding hi” (Paunak 22:6).
- Kigingkhol inla hi sitset in. Sawlna le thukhunte pen sinna leh kimawlnate a hun man lianlianin sepna tawh sem in.
- Sinna khat le khat kikal kilamdanziate thei inla, kimawlnate zong a kilamdang ahihna theisak in. Naupangte in hun tomno sung bek lunglut uh hi.
- A lunglutna uh a san theih nading hanciam in. Naupangte in kimawl nuamsa uh hi. Vanzatte zong thupi-a, hilhzia le kimawlpihna tuamtuanamte anuam penpen dingin paipih in.
- Sinnate ah pumpi tawh kimawlnate zong kihelsak in. Naupangte in gamtatna tawh sin uh hi.
- Nungzuihna le enkiknate nei den in. Sinkikna in lungsim sungah teengsak thei hi.
- A nuntakna taktak tawh zuih theih ding kisinsak in (Lai Siangtho simzia, koici thunget ding, cihbang.). Naupangte in a pulakkhiat masiah sem theilo ci-in ngaihsun kei in.
- Kum phazah, laitan, le kiimlepaam thumuhna tungtawnin hih thusinna pen khel kawikawi theih ahi hi. Laisinpihzia le vanzatte pen a hun zui-in khel theih ahi hi.
- Naupangte kisp ngaihsun inla, amaute pen kampau le muhna tawh a sinte ahihna ahihkeh lai tawh kisai sinna sang nei nailo uh hi.
- Naupangte lakah a zawngkhal zawdeuhte ii kispnate awlmawh lo-in om kei in. A kism bangin sinnate zang in. Mimal bulphuhin hilhna nei zaw in. A tamzaw cih bang cih tawh pai kei in.
- Thuhilhna hoih khat tawh makaih in. Gamtat hoikte tungah thaman hoih pia inla, a kilawm lo a gamtate tungah sepsakna khat peuhpeuh tawh makaih in.
- Hih thuman mangngilh kei in: “...na khat peuhpeuh na hih uh ciangin Pasian minthan nadingin na hih un” (1 Corinth 10:31b). “Kei tawh lo-in bangmah na sem thei kei ing uh hi” (John 15:5b). “Kei hong thahatsakpa Khazih hangin na khempeuh ka hih thei hi” (Philippi 4:13).

## Kampau Leh Limte Tawh Hilhna Ding Ziate

Leitunga om Naupang leh khangno tampi takte pen kampau leh lim tawh sinna neite ahi uh hi. Pawlkhatte pen lai lam pilna ngiamin, haksatna nei uh ahih manin kampau leh lim tawh sin ding a kism ahi hi. Pawlkhatte leuleu ciangin laibu tawh sinna nei lo-in, thu kikapna, tangthu genna, lasakna leh lim tawh sinnate tungtawnin pilna zong uh hi. Naupang leh khangno a tamzawte pen gupkhatna thu a za nailo gamte ah teeng uh hi.

Kampau le lim tawh thusinte ahi naupangte in a kigelh laimalte a telzawh nading haksasading uh ahih manin, ngaihna le muhna tawh sinpih ding ka deihzaw hi. Amaute in azak, muh, ahihkeh gen thute tungtawnin 100 ah 75 bang ciamteh thei uh hi. Hilh siate in laisimna tungtawn aa hilhna pen tamzat lo ding uha, limte, kikapna le dotnate tawh kihelh toto ding hi. Kam pauna tawh a sin mite in a paukawmin midangte tung pan sin uh hi. Khat le khat, mimal kikap theih nading hun tampi la in. Limte pen amaute tungah hoih takin akhiatna a kigen ciang bekin thupi hi. Limte thupisak luatna zong peel in. GPHD le GPYD laibute sunga limte pen kampau le lim tawh thusinte ading a baihzaw dingin zang in.

Lai Siangtho a telbah theih nadingun anuai-ah ngeina pawl khat kilak hi. Tua ngeina pen Sinna 6 sunga Lai Siangtho Sinzia ding Kal Li-te tawh kibanga, Sawltak 8:26-38 sunga Philip le Ethiopia Mipa tangthu tungtawnin a kila sawn ahi hi.

1. Pasion kammal simkhawm inla, naupangte in amau muhkhiat thute gensak in. Limte zangin sinpih inla amau tung pan ngai kik in (Sawltak 8:28 en).
2. Naupangte kiangah Pasion Kammal le Limte tungtawnin a telkhiat thute lungngai-in ahihkeh ngaihsut theih ding hun la in (Sawltak 8:30 en).
3. Dotna le dawnna tawh Pasion hong gen thute kikumin, limte ii khiatna zong kikuppih in. Lai Siangtho mun khat ii a thupipen munte dotna le kikuppihna, amaute nuntakna ah a thupitna zong gensak in (Sawltak 8:31-35 en).
4. Naupangte kiangah dong in, “Tu’n bang cih ding? Na sinkhisa thute na nuntakna ah bangci bang le banghun ciang zangkhia ding na hiam?” (Sawltak 8:36-38 en.)

Hih laibu zang dingin na kipat ciangin, laibu tuamna mailam sunglamah GPYD tawh kisai lim tawh sinnate en in.

Hih laibu na zat ciangin na upna kipin, hong thahatsak dinga, naupangte le khangnote zong tua bangmah ahih ding kote thungetna ahi hi.



mun ka bawl khit ciangin kong paikik dinga ka omna munah note zong na om theih nadingun ka kiangah kong l a ding hi.”

Nang bek na hi zongin Zeisu pen a hun ciangtan omlo-in um thei, muang thei hiteh. Tua bang na hih ciangin midangte tungah zong genkhia kik inla, Pasion hong sepsak thute pulak in. Na nu na pate tung, na pastor ahihkeh na siate tungah zong gen in. Dotnop khat peuh na neih leh zong kote sungah khat peuh hong dong in.

Pasion in a tate amah muanna sungah khangcingin, picinna neih ding hong deih hi. 2 Peter 3:18a: *“I Topa le Honpa Zeisu Khazih hehpihna thupha le amah theihtelna ah na khangto un.”* Amah in a tate a Tapa Zeisu Khazih tawh kisun dingin hong deih hi. Zeisu Khazih nungzui na hihleh, hih laibu na simna tungtawnin Zeisu tawh kisut semsem nading hong huh thei ding hi.

Anuai-a Singlamteh Zeem In cih kimawlna bangin zeem inla, Zeisu Khazih tawh Gupkhatna ngahna thu hong kitelsak zaw ding hi.

### Singlamteh Zeem In

#### Hilhcianna:


Vantung pen ankampak mel tawh zeem ahihkeh tua sungah 1 ci-in gelh in.

Mawhna dim lungtang pen a vom tawh zeem ahihkeh tua sungah 2 ci-in gelh in.

Zeisu si pen a san tawh zeem ahihkeh tua sungah 3 ci-in gelh in.

A siangtho lungtang pen a kang tawh zeem ahihkeh tua sungah 4 ci-in gelh in.

Khazih sungah khangto cih pen a eng tawh zeem ahihkeh tua sungah 5 ci-in gelh in.



# A SUNGA OM THUTE

<b>A Khangmoi Nungzuite Ading Pasion Geelna - Khen Khatna</b>	<b>14</b>
I. Nungzuite Thuneihna leh Kicinna	16
_____ Sinna 1 - Kammal ii Thuneihna leh Kicinna	16
_____ Sinna 2 - Kha Siangtho ii Thuneihna leh Kicinna	23
II. Nungzuite Thuzuihna, Pawlmi suahna leh Phawkna	31
_____ Sinna 3 - Tuiphumna	31
_____ Sinna 4 - Khat Sungah Teengkawm	37
_____ Sinna 5 - Neekkhawm	43
III. Lai Siangtho thu sinna tawh Nungzuite khangcing	49
_____ Sinna 6 - Lai Siangtho Sinzia ding Hilhna	49
_____ Sinna 7 - Lai Siangtho Sinzia Zuihna	57
<b>A Khangmoi Nungzuite Ading Pasion Geelna - Khen Nihna</b>	<b>61</b>
IV. Nungzuite Hehpihna Taktak Lungdamna Thu tawh Kip Uh Hi	63
_____ Sinna 8 - Nungzuite Hehpihna Taktak Lungdamna thu tawh kip uh hi	63
V. Nungzuite Pasion Tawntung Geelna tawh Kip uh hi	70
_____ Sinna 9 - Nungzuite Pasion tawntung geelna tawh kip uh hi	70
VI. Nungzuite Pasion Innkuan sungah kip uh hi	79
_____ Sinna 10 - Nungzuite Pasion Innkuan sungah kip uh hi	79
VII. Nungzuite Khazih sung leh Khazih tawh kilam uh hi	90
_____ Sinna 11 - Khazih sungah na nuntakna	90
_____ Sinna 12 - Khazih tawh na nuntakna	96
_____ Sinna 13 - Pasion tawh Gamdaih Hun Lakna	105
_____ Sinna 14 - Thungetna leh Biakpiakna Zuih Ding Ngeinate	114
<b>Zeisu tawh ni 31 sung kimuhna</b>	<b>121</b>
Pasion tawh nisim na kizopna ding hong huh dingte	
Kumtawn Lai Siangtho Simzia ding	122
Hawm Sawm In!	124
Lai Sin Manna	125

# A Khangmoi Nungzuite Ading Pasion Geelna - Khen Khatna



Zeisu in, 'Naupangte ka kiangah  
a hong pai ding kham kei unla  
hong paisak zaw un. Vantung kumpigam in  
naupang tawh a kibangte aa ahi hi' aci hi.  
Matthew 19:14


Hih laibu sunga laimai 7 na sunga Lai Siangtho thute en kik inla, na hilh ding naupang le khangnote tungah genkik in.

Hih thusinna in naupangte le khangnote tungah hun masa Christian Pawlpi-te zat a manpha pen thute, leitung a kikhelsakzo thute hilh ding ahi hi. Ngimna bulpi in naupangte le khangnote thu theihna le deihna khangin tuhun nungzuite in zong leitung a kikhelsak zote ahihna ding ahi hi.


Sawltak Paul in ngimna thupi nih nei hi. **Khat pen Lungdamna thu genin tua Lungdamna thu in Zeisu Khazih hong gupna a sang mite nungzui mi suah theihna piak ding ahi hi.** Paul in, *"Midangte phuhsa khuambul tungah ka lam khakloh nadingin Khazih min a kizak ngei nai lohna munte bekah lungdamna thu tangko ding ka tup ahi hi. Hih tawh kisai Lai Siangtho sungah: 'Ama thu a kihilh ngei nailohna mite in mu ding uha, Ama thu a za ngei nailo mite in theitel ding uh hi' ci-in kigelh hi* (Rom 15:20-21).

Paul in lungdamna thu a hilh khit ciangin, **a nihna ah hong piangthak nungzuite kipsak nading le thahat nadingin hanciam hi.** Paul in thu-um thakte thutak sungah thahat theih nading le tua thutak pan pialloh nading lunggulh hi. Amaute 'upna sungah a om den nadingun huh hi' (Sawltak 14:22b).

Paul in Zeisu Khazih Lungdamna thu hun a ngah sung teng gen hi. Amah in a lauhuai munte ah khualzinin aza ngei nailote kiang Lungdamna thu puakin pai hi. Thu a gen ciangin mite in um uha, Zeisu Khazih nungzuite hong suak uh hi. Tua hong suakthak nungzuite upna lam a picin theih nading le a kip Christiante a suah theih nading lunggulh hi. Tua bang ahiah theih nadingin khualzin kawmin, a thak pawlpite tungah laikhakte gelh hi. Khat veivei ciangin amah tawh mi pawlkhat tonpiah zela, thu-um thakte a khangcin theih ding hilh hi.



Athak ahiahkeh a thazawm Singkung  
Thu-um thak nungzui ding sinsakna



Akip akho Singkung  
A khangcing thu-umte kip uh hi


Thu-um thakte a upna uh a thahat nading nasepna pen nungzui ding sinsakna kici hi. Hih sinna sungah nungzui thakte 'encikin khangsak' ding hi-a, a khangcing thu-um mi hong suah nading, amau le amau adin zawh nading ahi hi.

# I. NUNGZUITE THUNEIHNA LE KICINNA

## Sinna 1

### Kammal ii Thuneihna le Kicinna

[Pasian kammal pen Manin, Kei'n ka muang hi]



Eite in Lai Siangtho zui-in i nuntakna kilam ding hi. Pasian kammal ahilo na khat peuhpeuh tungah na nuntakna na lam leh, sawtvei kimang lo ding hi. Pasian kammal pen manin, muanhuai-a, kicing hi. Amah in a nungta a kammalte hong pia-in, Pasian hong deihsak nuntakna i neih theih nadingin lam hong lak ding hi.

#### Tangthu gen ding kiging in:

GPHD laimai 8-10 en kik in. Piansil 1:1-31, John 1:1-4, 14, le 2 Timothy 3:16-17 te simkik in.

- Pasian kammal pen bangci bang tangthu hiam, cih gen thei ding
- Lai Siangtho sunga Pasian kammalte pen muanhuai ahihna gen thei ding
- Zeisu pen mi banga hong piang Pasian Kammal ahihna gen thei ding
- Pasian kammal (Lai Siangtho) in eite ading bang hong sepsak thei cih gen thei ding
- Muh theihte le sepna tuamtuam tawh lakkhia thei dingin kiging ding
- Lai Siangtho kamngahte gelhin, naupangte muh theih dingin a mal golin gelh in.

#### Lai Siangtho Kamngah:

2 Timothy 3:16-17

*“Lai Siangtho buppi in Pasian humuapna tawh hong kipia hi-a, thuhilh nading, mawhna kiphawksak nading, kibawlphat nading, le dikna thu ah kipattah nadingin a manpha hi. Tua in Pasian mipa picing a na hoih khempeuh tawh a kiginghol mi ahih theih nading ahi hi.”*

- Na gelhsa Lai Siangtho kamngah simkhia inla, naupangte lotngah theih dingin cihpih in, a gennop thupite ciangin khut tawh limlak ding (gtn. *thuhilh* ciangin mekaww tawh lu lawng ding; *phawksak* ciangin khut lam ding; cih bang...).
- Kimawlna tawh thuah in. Kua in a lotngahin gen thei hiam sittel in.

## **Tangthu gen in 1.1:**

- Piansakna tangthu gen inla, Piansil 1 sung pan Pasion kammal banghangin muang ding cih genkhia in.
- Sinna 1 sunga muhna tawh sinnate zangin piansakna nite gen in.

### **Gen ding:**

- Piansil Laibu in leitung buppi Pasion in a piansakzia hong gena, na khempeuh bangmah omlo panin piangsak hi. Pasion sepsa le gen thute i muang ding hi.
- Piansil 1 sung ka sim sungin na ngai un.

### **Piansil 1:1-31 sim in:**

*“A kipat cil-in Pasion in vantung le leitung a piangsak hi. Leitung in limlemel nei loin a awngthawlp i ahi hi. Tuipi tung tengah khua mial bikbek a, tua tui tungah Pasion’ Kha in na a sem hi. Pasion in, “Khuavak om hen,” ci hi; tua ciangin khuavak om pah hi. Pasion in tua khuavak hoih hi, ci-in a mu hi. Pasion in khuamial panin khuavak khenkhia hi. Pasion in khuavak pen “Sun” ci a, khuamial pen “Zan” ci hi. Nitak hong bei-in, zingsang hong tung a, ni khat ni ahi hi.*

*Pasion in, “Tuite’ laizangah van kuumpi om hen la, tua van kuumpi in tui le tui kikhensak hen,” ci hi. Pasion in van kuumpi bawl a, van kuumpi tunga om tuite le van kuumpi nuai-a om tuite a khen hi. Tua mah bangin a piang pah hi. Pasion in van kuumpi pen “Vantung” ci hi. Nitak hong bei-in zingsang hong tung a, ni nih ni ahi hi.*

*Pasion in, “Vantungte nuai-a om tuite mun khatah kikhawm hen la, lei keu kidawk hen,” ci hi. Tua mah bangin a piang pah hi. Pasion in lei keu pen “Leitung” ci a, a kikaikhawm tuite pen “Tuipi” ci hi. Pasion in tua pen hoih hi, ci-in a mu hi. Pasion in, “Leitung in kung tuamtuamte piangsak hen la, tang a nei kungnote, a gah sungah tang a om singgah kungte, amau’ nam ciatin leitungah piangsak hen,” ci hi. Tua mah bangin a piang pah hi. Leitung in kung tuamtuamte piangkhiasak a, kungnote in amau’ nam ciatin tang piangsakin, singkung in a sungah tang a om gahte piangsakin, amau’ nam ciatciatin piangsak hi. Pasion in tua pen hoih hi, ci-in a mu hi. Nitak hong bei-in zingsang hong tung a, ni thum ni ahi hi.*

*Pasion in, “Sun le zan a khen dingin vantungah khuavakte om hen; tuate pen paw i hun le khuahun, ni le kumte khen nading hi hen la, leitung khua a vaksak dingin vantungah khuavak hi uh hen,” ci hi. Tua mah bangin a piang pah hi. Pasion in khuavak lian nih bawl a, khuavak lianzaw pen sun a uk ding, khuavak neuzaw pen zan a uk dingin bawl a, amah in aksite zong a bawl hi. Nitak hong bei-in zingsang hong tung a, ni li ni ahi hi.*

*Pasion in, “Tuite in a nungta ganhing honpite piangsak hen la, vantung kantanin leitungah vasate leeng ta hen,” ci hi. Tua ahih ciangin Pasion in tuipi ganhing golpite le amau nam ciatin tuipi sungah tampi a pha, nuntakna a nei a gamtang thei ganhing namkim le kha a nei vasa khempeuh amau nam ciatin a piangsak hi. Pasion in tua pen hoih hi, ci-in a mu hi.*

*Pasian in amaute thupha pia a, “Ci pha-in tampi pha-in, tuipi sung dim unla, leitungah vasate tampi pha un,” ci hi. Nitak hong bei-in zingsang hong tung a, a ni nga ni ahi hi.*

*Pasian in, “Nuntakna a nei ganhingte amau nam ciatin leitung in piangsak hen: Innsa, gamsa, le a bokvak ganhingte amau nam ciatin piang ta hen,” a ci hi. Tua mah bangin a piang pah hi. Innsa, gamsa, le a bokvak ganhing khempeuh amau nam ciatin Pasian in a piangsak hi. Pasian in tua pen hoih hi, ci-in a mu hi.*

*Tua ciangin Pasian in, “Eima lim, eimah hong sunin mihing bawl ni. Tuipi ngasate tung, huihlak vasate tung, ganhingte tung, le leitung a, a bokvakte khempeuh tungah ukna neisak ni,” a ci hi. Tua ahih ciangin Pasian in ama lim bangin mihing piangsakin, Pasian’ lim bangin amah a piangsak hi. Amah in pasal le numei a piangsak hi. Pasian in amaute thupha pia a, Pasian in amaute tungah, “Ci pha-in tampi pha unla, leitung dimin zo un. Tuipi ngasate tung, leitungah a gamtang, a nungtate khempeuh tungah ukna nei ta un,” a ci hi. Pasian in, “En un, leitung maitang khempeuhah a om, tang a piangsak kungnote khempeuh le a gah sungah tang a om singkung khempeuh note tungah kong pia khinta hi. Tuata an-in na nei ding uh hi. Leitung ganhing khempeuhte tung, huih lak vasate khempeuh tung, leitungah a bokvakte khempeuh tung, nuntakna hu a neite khempeuh tungah an dingin kung hing khempeuh ka hong pia khinta hi,” a ci hi. Tua mah bangin a piang pah hi. Pasian in a bawlsate khempeuh en a, hoih sa mahmah hi. Nitak hong bei-in zingsang hong tung a, a ni guk ni ahi hi.*

#### **Naupangte hih dotnate dong in:**

- Lai Siangtho in na khempeuh a piangsak kua hi ci hiam? \_\_\_\_\_
- Bangci bangin bawl hiam? \_\_\_\_\_
- Na khempeuh a bawl nadingin ni bangzah sawt hiam? \_\_\_\_\_
- Na deihipen ganhing in bang hiam? \_\_\_\_\_
- Na deihipen ganhing pen bangmah omlo panin na bawl thei ding hiam? \_\_\_\_\_
- Pasian in ni guk sunga a piangsak nate na bawl thei diam? \_\_\_\_\_
- Pasian pen a vanglian ahihna hong kilang hiam? \_\_\_\_\_
- Hih a piangsak Pasian pen na muang ngam hiam? \_\_\_\_\_
- Tua bang Pasian ii kammal bangin i gamtat ding dik na sa hiam? \_\_\_\_\_

#### **Tangthu genna 1.2:**

- Zeisu tangthu tawh kisai John 1 sunga kigen bangin gen in.

#### **Gen in:**

- Lai Siangtho pen eite tungah hong kipia Pasian Thu hi. Pasian in mite tungtawnin thugena, amaute in gelhkhia uh hi. A vanglian Pasian eite in muangin, ama cih bangin muantak ahih manin Lai Siangtho i muang hi.



- Pasion in leitung abawl lai-in Zeisu zong om hi. Amah Pasion ahi hi. John 1:1 sungah Zeisu pen Thu kici hi. Tua Thu mihing bangin hong pianga, leitungah nungta-in, sihna thuaka, thokikin eite i mawhna pan hong honkhia hi.
- John in Zeisu pen tua Thu ahihna en dih ni.

**John 1:1-4,14 sim in:**

*“A kipatcilin Thu a om hi. Thu in Pasion tawh a omkhawm hi. Tua Thu in Pasion ahi hi. A kipatcilin amah in Pasion tawh a omkhawm hi. Na khempeuh ama tungtawn a kibawl hi-a, a kibawl nate amah lo tawh a kibawl khat beek a om kei hi. Am sungah nuntakna oma, tua nuntakna in mihingte aa dingin khuavak ahi hi.”*

*“Tua ciangin Thu in mihing hong suaka, eite lakah hong teengin eite in ama minthanna i mu hi. Tua in, Pa in khat bek a neih a Tapa a piak minthanna hi-a, hehpihna le thuman thutak tawh a kidim hi.”*

**Hih dotnate naupangte tungah dong in:**

- John in kammal thu a gen laitak, kua thu a gen ahi hiam? \_\_\_\_\_
- Zeisu pen kua hiam? \_\_\_\_\_
- Leitung a kipiansak lai-in Zeisu zong a kihel hiam? \_\_\_\_\_
- Tua kammal \_\_\_\_\_ hong pianga, \_\_\_\_\_ lakah hong teeng hi. Bang a deihna hiam? \_\_\_\_\_
- 1 John 1:1 sungah kigelh anungta Thu, ama tungtawna tawntung nuntakna ngah nading Pa in kua hiam? \_\_\_\_\_

1 John 1:1 “A kipatcil a kipanin a om khinsa kote in ka zak uh, mit tawh en in ka muh uh le, khut tawh ka lawn uh tua nuntakna Thu tawh kisai note kiangah kong tangko uh hi.”

- Lai Siangtho le Pasion Thu in nang adingin bang hong hihsak thei ding hiam cih zong in. \_\_\_\_\_

**Tangthu genna 1.3:**

- 2 Timothy 3:16-17 tungtawnin Lai Siangtho in eite ading bang hong hihsak cih thu gen in.

**Gen in:**

- Pasion Thu pen vanglianin muantak hi. Eite in simin, zahtakin, le mang ding hi hang.
- Pasion Thu in hong huh theih nadingin eite in a lampite ngai-in zui ni.

**2 Timothy 3:16-17 sim in:**

*“Lai Siangtho buppi in Pasion humuapna tawh hong kipia hi a, thuhilh nading, mawhna kiphawksak nading, kibawlphat nading, le dikna thu ah kipattah nadingin a manpha hi. Tua in Pasion mipa picing a na hoih khempeuh tawh a kiginghol mi ahih theih nading ahi hi.”*

### **Hih dotnate naupangte tungah dong in:**

- Lai Siangtho in bang hiam? \_\_\_\_\_
- Lai Siangtho sungah kua kammalte kigelh hiam? \_\_\_\_\_
- 2 Timothy 3:16-17 in Lai Siangtho hong sepsak thu li kigen hi. Tuatate in bang teng hiam?
  1. \_\_\_\_\_
  2. \_\_\_\_\_
  3. \_\_\_\_\_
  4. \_\_\_\_\_

### **Etphatna le Nuntakpihna:**

#### **Gen in:**

- Pasion in na khempeuh piangsaka, eite in i muang hi.
- Lai Siangtho pen Pasion kammal hi-a, Zeisu pen a nungta kammal hi.
- Lai Siangtho pen man hi, ci-in eite in i muang hi.
- Lai Siangtho in Pasion thu hong hilha; a khial pan a man hong lakin, i khialh ciang hong hilha; a man thute hong theisak hi.
- Lai Siangtho hangin Topa tungah ka lungdam hi.

#### **Kikupna:**

Lai Siangtho in tuni le zingciang na nuntakna bangci bangin hong huh thei hiam?  
(Naupangte tungah nulepa thu manna, thukhensatna cihte ngaihsunin nuntak theih ding hilh in).

### **Nungzuih Kimawlinate/Khutsiam nasepte:**

- Kimawlina 1: Piansakna Nite Lim/Kimawlina le Lim zeem ding. Piansakna Nite Lim/Kimawlina le Lim Zeem dingte pen Sinna 1 sungate zang in. Naupangte in laidal tunga lim zeem ding uh hi.
- Kimawlina 2: Behlap ding Dotna Laidal: Pasion in bang teng sem lai hiam? Sinna 1 sunga Lim tawh Sinna ah om hi.

### **Lim tawh Sinna 1:**


- Piansakna Nite Lim /Kimawlina le Lim zeem ding laidal
- Behlap ding Dotna Laidal: Pasion in bang teng sem lai hiam?

# Kimawlna 1: Piansakna Nite Lim/Kimawlna/Lim Zeem ding

## Hilhcianna:

- Naupang khempeuh tungah a lim zeem ding uh Piansakna Nite dal khatciat pia in.
- Adang khat–Siate in Piansakna Nite lim atkhiat-in sabuai tungah koih thei hi. Naupangte in khat khit khat limte kaikhawm kikin Piansakna Nite amau theih bangin gualkik ding uh hi.

## Piansakna Nite



## Kimawlina 2: Behlap ding Dotna Laidal

### Hilhcianna:

- Kamngahte sim in. A kizam kammalte behlap in.
- Naupangte in limte zeem ding uh hi.

### Pasian Kammal in Bang dang hong hihsak thei lai hiam?



Late 119:105, Na khe ading  
Pasian Kammal in bang hiam:

\_\_\_\_\_




Jeremiah 23:29, Pasian Kammal  
sep nam nihte bang hiam?

\_\_\_\_\_ le \_\_\_\_\_



Jeremiah 23:29, Pasian Kammal  
bang sem hiam?

\_\_\_\_\_



Hebrews 4:12, Pasian Kammal pen  
ahiam \_\_\_\_\_, le “ngaihsutna le  
lungsim a \_\_\_\_\_.”

## Sinna 2

### Kha Siangtho Thuneihna le Kicinna

[Kha Siangtho in Vangliatna Hong Pia Hi]



Pentecost pen Zeisu Khazih nungzuite nuntakna-ah Kha Siangtho hong paina ciaptahna ahi hi. Pa Pasian in a Tapa Zeisu hong sawlin, mihing bangin Thu hong kilangsak hi. Zeisu vantungah a kah ciangin, amaute kiangah ahuh dingin Kha Siangtho hong sawl ding ahihna kamciam hi.

Pasian in nungzuite le kamsangte tungtawnin ama kammal ahi Lai Siangtho gelh dingin sawl hi. Kha Siangtho in thu-um mite tungah tua kammalte tel theih nading vangliatna pia-a, tua bangin nuntak theih nading panpih hi.

#### Tangthu gen ding kiging in:

GPHD laimai 11-13 sung enkik in. Sawltak 1:6-11, Sawltak 2:1-4, le Galatia 5:16-17, 22-25 sungte en in.

- Pentecost ni-a Kha Siangtho hong paina le a thupitna thute gen thei ding.
- Zeisu in a nungzuite tungah Kha Siangtho sawl ding ahihna thu gen in.
- Pentecost ni bang teng piang cih thu le a thupitna gen in.
- Thu-um mite in Kha Siangtho a ngah ciangin a pianzia uh gen in.
- Thu-um mite nuntakna ah Kha Siangtho nasepziate gen in.
- Limte, kimawlana le khut siamnate kiging in.
- Sinna 2 na Lai Siangtho kamngah gelhin, naupangte muh theih dingin a mal golin gelh in.

#### Lai Siangtho Kamngah:

Galatians 5:16

“Ken kong cih in ah Kha sungah na gamta un. Tua hileh cilesa lunggulhna na zui kei ding uh hi.”

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.
- Kimawlpih in. Na simsa Lai Siangtho kammalte khatkhat-in phiat inla, a cikik thei hiam cih dong in.

## Etkikna:

- Sinna 1 a tomin enkik in. Naupangte tung hih dotnate dong in:
  - Kua in leitung le asunga om teng bawl hiam?
  - Abawl Pasion eite in i muang ngam diam?
  - Lai Siangtho sunga Pasion kammalte i muang ngam diam?

## Tangthu genna 2.1:

- Sawltak 1:6-11 sunga kigelh Zeisu vankahna le Kha Siangtho hong kisawl ding ahihna thu gen in.
- Sinna 2 na sunga Zeisu vankahna lim pen zang in.

### Gen in:

- Zeisu in leitung nusia-in Pa kiang ciah ding hita hi. Amah in amaute ahuh ding Kha Siangtho hong sawl dinga, a nungzuite huh ding ci-in kamciam hi.
- Sawltak 1:6-11 simkhawm inla, Zeisu kamciamnate limtak ciamteh in.

### Sawltak 1:6-11 sim in:

*“Tua bangin Zeisu tawh a omkhawm laitakun sawltakte in Zeisu kiangah, “Topa aw, tutungin Israel minamte tungah ukna aana na piakik ding hiam?” ci-in a dot uh ciangin Zeisu in, “Ka Pa in ama thu tawh a sehsa hun le nite, cik ciangin hong tung ding cih thu note’ theih ding thu hi lo hi. Ahi zongin note tungah Kha Siangtho hong tun ciangin vangliatna tawh na kidim ding uh a, Jerusalem khuasung, Judea gam sung, Samaria gam sung, le leimong dongin note in keima thu na gen ding uh hi,” ci-in a dawng hi.*

*Hih thu a genkhit ciangin amaute’ muhtangpi mahin vanah Zeisu kilato a, meiipi in liah ahih manin amah mu thei nawn lo uh hi. Tua bangin Zeisu a kilaktoh ciangin amaute in vantung lam enenin a om laitakun amaute kiangah puanpak a silh mi nih hong dingvat a, “Galilee mite aw, bang hangin vantung lam enin ding niloh na hi uh hiam? Note kiang panin vantungah a kilato hih Zeisu pen, vantungah a paitoh na muh uh bang teekteek mahin khatvei hong paisuk kik ding hi,” a ci uh hi.*

### Naupangte hih thute dong in:

- Hih tangthu sungah Zeisu koi-ah pai hiam? \_\_\_\_\_
- Zeisu a paikhiat khith ciangin kua hong sawl ding ci-in gen hiam? \_\_\_\_\_  
\_\_\_\_\_
- Kha Siangtho in nungzuite tungah bang pia ding ahi hiam? \_\_\_\_\_

## Tangthu genna 2.2:

- Sawltak 2:1-4 sunga Pentecost ni-a Kha Siangtho pen nungzuite tungah a tunzia thu gen in.
- Sinna 2 sunga Pentecost limte zang in.

**Gen in:**

- Nungzuite in Zeisu pai ding a theih ciangun dah uh hi.
- Ahi zongin Zeisu in amaute kiangah huh ding Kha Siangtho hong sawl ding a cih ciangin amaute lungdam uh hi.
- Tua Kha Siangtho hong pai ding ngaklah mahmah uh hi.
- Zeisu nungzuite kiangah Kha Siangtho hong tun masak lai hun ngaihsun in.

**Sawltak 2:1-4 sim in.**

*“Pentekos ni hong tun ciangin Jesuh a um mi khempeuh mun khatah kikhawm uh hi. Tua laitakin huihpi nung bangin huging khat hong tungvat a, amaute’ kikhopna innsung khempeuh hong dim hi. Tua ciangin leii tawh a kibang meikuang bang pian amaute lakah hong kithehthang a, tuate in mi khempeuh sukha kim hi. Amaute khempeuh Kha Siangtho tawh kidim uh a, tua Kha in minam dangte’ pau tawh amaute a pau theisak hi.”*

**Naupangte hih thute dong in:**

Pentecost ni aa thupiangte ngaihsun inla, Zeisu nungzuite in Kha Siangtho a ngahzia uh lungngai in. Tuate lakah nang zong a kihel bangin kingaihsun in. Tua ni-a thupiang teng hong genkhia in.



- Bang za na hiam?
- 



- Bang mu na hiam?
- 



- Bang tawh kidim na hiam?
-

**Gen in:**

- Tuhun ciangin thu-um mite in Khazih pen mawh maisak dingin muangin, ama nung zuih ding a khensat uh ciangin Kha Siangtho ngah uh hi. Sawltak 2:38: “Peter in amaute kiangah, ‘Na mawhna uh kisikkik unla Zeisu Khazih min tawh tui kiphum un. Tua hileh Pasion in na mawhnate uh hong maisakin Kha Siangtho letsong na ngah ding uh hi.”
- Kha Siangtho in vang pia ding ci-in Zeisu in hong gen hi.
- Kha Siangtho in thu-um mite tungah bangci bangin vangliatna hong pia hiam, cih entel in.

**Tangthu genna 2.3:**

- Galatia 5:16-17; 22-25 bulpuhin Kha Siangtho panmun gen in.

**Gen in:**

- Zeisu in Pa kiang a ciah sungin eite tungah Kha Siangtho hong sawl. Kha Siangtho in eite adingin na lamdang tampi hong bawlsak hi.
- Kha Siangtho in nungzuite tungah a sep theih nate sim dih ni.

**Galatia 5:16-17, 22-25 sim in:**

*“Note kiangah ka hong gen thu in: Kha Siangtho’ hong sawlna bangin gamta unla, na pumpi uh utna bangin gamta kei un. Bang hang hiam cih le ei’ pumpi ut bangin gamta lehang Kha Siangtho’ deihna tawh na kituak lo a, Kha Siangtho’ deihna bangin gamta lehang ei’ pumpi deihna tawh na kituak lo zel ahih manin hih nih tegel a kilangpang niloh na hi a, note’ ut bangin a gamta thei lo na hi uh hi.”*

*“Ahi zongin Kha Siangtho’ sawlna bangin gamtatnate pen: Itna, lungdamna, lungnopna, lungduaina, migitna, hoihna, cihtakna, dikna le pumpi ki-ukzawhna hi a, hih bangin a gamta mite, Thukham in bangmah cih thei lo hi. Tua hi a, Zeisu Khazih a zui mite in a leitung lungsim pianzia uh le a leitung lungsim deihna khempeuh uh a phiat khitsa ahi hi. Kha Siangtho in eite hong nungtasak khinta ahih manin ama hong sawlna bangin eite a nungta ding ihi hi.”*

**Naupangte hih thute dong in:**

- Kha Siangtho in bang sem lo dingin hong huh hiam? \_\_\_\_\_
- Kha Siangtho in thu-um mite tungah apiak thu hoih kuate bang teng hiam? \_\_\_\_\_  
\_\_\_\_\_  
\_\_\_\_\_
- Galatia 5:25: *“Eite in Kha Siangtho panin nuntakna thak i ngah hi. Tua ahih manin ama nung i zui ding hi.”* Koi panin nuntakna thak ngah i hiam? \_\_\_\_\_ Eite in bang zui ding i hiam? \_\_\_\_\_ .



## **Etphatna le Nuntakpihna:**

### **Gen in:**

- Zeisu in a nungzuite tungah Kha Siangtho kamciam a, tua kamciam tangtungsak hi.
- Kha Siangtho hong pai keileh, eite in mawhna i bawlbawl kha dinga, na hoih i sem thei kei ding hi.
- Thu-um mite in Khazih pen mawhna a maisakpa ci-in sangin a nung azuih ciangin Kha Siangtho ngah uh hi.
- Kha Siangtho lo-in, Khazih thu mi dangte tungah i genkhia thei kei ding hi.
- Topa, Kha Siangtho hangin ka lungdam uh hi.

### **Kikupna:**

Na nuntakna ah Kha Siangtho in hong sepsak theih ding thute bang teng hiam?  
(Naupangte tungah Kha Siangtho hong huh theih thute ngaihsun sak inla, Galatia 5:22-23 sunga nuntakziate, mawhna pawlkhatte ah hong huhna, cih bangte)

## **Nungzuih Kimawlinate/Khutsiam nasepte:**

- Kimawlina 1: Vankahna le Pentecost Lim/Lim zeem ding  
Vankahna le Pentecost Lim/Lim zeem ding laidalte Sinna adingin zang in. Naupangte in lim zeem ding uh hi.
- Kimawlina 2: Lukhu bawlina - Kha Siangtho  
Naupangte lukhu bawlsakin Sinna 2 sunga limte zangsak in.
- Kimawlina 3: Behlap ding Dotna Laidal—Kha Siangtho in Bang teng sem lai hiam? Sinna 2 sunga Lim tawh sinna sungah om hi.

## **Muhna tawh Sinna 2**

- Vankahna le Pentecost Lim/Lim zeem ding
- Pentecost Lukhu Lim
- Behlap ding Dotna Laidal: Kha Siangtho in Bang teng sem lai hiam?


Vankahna Lim



Pentecost Lim



Pentecost Lukhu Bawlina



Hilhcianna:

- Naupangte in a lukhu a bawl theih nadingin a tunga lim pen ettehin a suaih theih ding huh in.
- Meikuang pen zeem inla, atkhia in.
- Lukhu bawl nadingin laidal lian (avai 1" le adung 12") zang in. A nawlte nih a kimat thei dingin laiman zang in. Na mat ma-in naupang lu tawh teh masa in. Lukhu tungah meikuang zeem pen belh in.

### Kimawlina 3: Behlap ding Dotna Laidal


#### Hilhcianna:

- Lai Siangtho munte sim in. A kism laimalte a awnnate ah behlap in.
- Naupangte in limte zeem ding uh hi.


#### Kha Siangtho in Bang Dang Sem Lai Hiam?



John 1:32-33 sungah John in Kha Siangtho pen bang tawh genteh hiam? \_\_\_\_\_  
A khatna bang hiam?  
\_\_\_\_\_



John 7:37-39 sungah, “Kei hong \_\_\_\_\_ mi peuhmah, nuntakna gun \_\_\_\_\_ a lungsim sung panin luangkha ding hi.” Zeisu in a gennop thu pen \_\_\_\_\_




Sawltak 1:8 sungah Kha Siangtho lim leh vangliatna thu-um mite  
\_\_\_\_\_  
\_\_\_\_\_



Galatia 5:22-23 sungah, Kha Siangtho in thu-um mite nuntakna ah a neih ding uh bang teng huh hiam? \_\_\_\_\_, \_\_\_\_\_, \_\_\_\_\_,  
\_\_\_\_\_, \_\_\_\_\_,  
\_\_\_\_\_, \_\_\_\_\_,

## II. NUNGZUIE THUZUIHNA, PAWLMI SUAHA LE PHAWKNA

### Sinna 3 Tuiphumna






Sihna



Kivuina



Thawhkikna



Thu-um mi khat in tuiphumna tawh Zeisu zia a zuih ciangin, tua mi in Zeisu sihna, kivuina le thawhkikna thute a lakkhia aihna kimu thei hi. Zeisu pen tui kiphumina, Pasion in thu-umte Zeisu bangin phawksakna lim azui dingin hong deiha, Kha Siangtho in hong hihsak hi. Tuiphumna in mite mawhna panin honkhia thei lo hi. Khazih i muanna in mawhna panin hong honkhia thei hi.

#### Tangthu gen ding kiging in:

GPHD laimai 14-15 ennik in. Matthew 3:13-17 le Rom 6:3-11 sung thute en in.

- Thu-um mite adingin tuiphumna thu a gen thei ding.
- Zeisu tuiphumna le eite in tuiphumna tawh Zeisu lampi bang hang zui ding cih telgen in.
- Lim tawh sinna le kimawlina kiging in.
- Naupangte et theih dingin laimal golpi tawh Lai Siangtho kamngah gelh in.

#### Lai Siangtho Kamngah:

Rom 6:4

“Ama sihna sungah hong kiphum ahih manin amah tawh hong kivuikhawm khinzo hi. Tua in misite lak pan Pa vangliatna tawh Khazih a thawhkik bangin eite zong nuntakna thakah i kalsuan theih nading ahi hi.”

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.
- Kimawlpih in. Tuiphumna tawh kisai thu thumte na khut tawh lak in (gtn: tuiphum = singlamteh lim; kiphum = na khutte na pangah khia suk; thoto = khutte na lu tungah lamto)
- Kamngah Lai Siangtho a genkik dingin dong in.

### **Etkikna:**

- Sinna 2 na a tomno-in enkik in.
- Naupangte tungah hih dotnate dong in:
  - Kha Siangtho pen kua hiam?
  - Thu-um mite in Kha Siangtho koici san theih uh hiam?
  - Kha Siangtho in eite hong koici huh hiam?

### **Tangthu genna 3.1:**

- Matthew 3:13-17 tungtawnin Zeisu kituiphumna tangthu gen in.
- Sinna 3 sunga lim tawh sinna lak inla, Zeisu kituiphumna lim pen color tawh zemsak in.

### **Gen in:**

- Tuiphumpa John pen Pasion in a sawl thugen khat hi-a, Zeisu hong pai nading lampi a sialpa ahi hi.
- Ni khat sehnel gamah thugenin a om laitak, Zeisu hong pai-in John kiangah na khat a sepsak dingin ngen hi.
- Matthew 3:13-17 sim inla, bang hong piang hiam?

### **Matthew 3:13-17 sim in:**

*“Tua laitakin Galilee gam panin Zeisu hong pai a, Johan’ khut sungah a kituiphum dingin ama omna Jordan Gun-ah a hong tung hi. Ahi zongin John in na tuiphum nuam lo a, “Nang in kei nong tuiphum dingin a kilawmzaw kimlai, kei’ phum dingin nang hong pai zawsop na hi hiam?” a na ci hi. Ahi zongin Zeisu in, “Pasion in hih dingin kisam a sak khempeuh i hih ding a kilawm thu ahih manin tu-in hong phum hoh in,” a cih ciangin John in zong a mang hi. Zeisu a kituiphum khit phetin tui sung panin a paikhia pah hi. Tua laitakin vantung hong kihong a, vakhu bangin Pasion’ Kha Siangtho hong kumsukin ama tungah a khawl a mu hi. Tua sung mahin vantung panin aw khat hong ging a, “Hih pen ka it mahmah ka Tapa hi a, ama tungah ka lungkim mahmah hi,” a hong ci hi.*

### **Naupangte hih thute dong in:**

- John in bang ahihsak dingin Zeisu in ngen hiam? \_\_\_\_\_
- Tui ka kiphum nuam hi, bang hangin ci hiam? \_\_\_\_\_
- Bangci bangin John in Zeisu tuiphum hiam? \_\_\_\_\_
- Zeisu a kituiphum khit ciangin Pasion in bang ci hiam? \_\_\_\_\_

### **Tangthu genna 3.2:**

- Rom 6:3-11 tungtawnin thu-um mi khat tui phumna thu gen in.
- Sinna 3 sunga Sihna, Kivuina le Thawhkikna limte zang in.

#### **Gen in:**

- Pasion in tui kiphumna hoihsa ahih manin, Pa thu mang nuam ahih manin tui a kiphum nuam hi.
- Zeisu pen tui sungah kipapin tuiphumna na sang hi.
- Tuiphumna in thu-um mite adingin manpha mahmah hi.
- Mawhna pan kisikkikna in Zeisu singlamteh tung sihna hong phawksak hi.
- Tui sungah i omna in Zeisu kivuina hong phawksak hi.
- Tui sung pan i thawhkikna in Zeisu sihna pan thawhkikna phawksak hi.
- Tuiphumna in thu-um mite adingin bang hong phawksak hiam cih Paul genna tungtawnin ngai in.

#### **Romans 6:3-11 sim in:**

*“Khazih Zeisu tawh i kipawl theih nadingin ama sungah a kiphum eite pen ama sihna mahah zong a sikhawm ihihlam thei lo na hi uh hiam? I Pa’ vangliatna tawh sihna panin Khrih a kithawhkiksak mah bangin eite zong nuntakna thak i nuntak theih nadingin tui i kiphum ciangin amah tawh kiphum khawmin a sikhawm ihi hi.*

*Bang hang hiam cih le ama sihna-ah sikhawmin pawlkhat i suah le amah a thawhkikna-ah zong pawlkhat suakin i thokhawm ding hi. Mawhna khutnuai-ah eite i om nawn loh nadingin mawhnopna lungsim i neihna teng i sucip a, singlamteh tungah Khazih a sih laitak mahin i ngeina luiteng a sisak khawm ihihna thu i thei hi. Bang hang hiam cih leh mi khat a sih ciangin mawhna vangliatna panin a suakta ahi hi.*

*Ahi zongin Khazih tawh i sikhawm le amah tawh ei zong i hingkhawm ding hi, ci-in i um hi. Bang hang hiam cih le sihna panin Khazih kihingkiksak khin a, si kik ngei nawn lo ding hi. Ama tungah sihna in vangliatna nei nawn lo hi, ci-in i thei hi. Ama sihna pen mawhna thu tawh kisai-a sihna hi a, sih kikkik kul loin a kuamah peuh zong khatvei bek a kisi ahi hi. Tu-a a nuntakna pen Pasion’ thu tawh kisai-a nuntakna ahi hi. Tua mah bangin note zong Khazih Zeisu tawh kipawlin mawhna thu-ah si-in, Pasion’ thu-ah a nungta-in na kingaihsut ding uh ahi hi.”*

#### **Naupangte hih thute dong in:**

- Tui kiphumna in eite mawhna pan hong honkhia thei hiam? \_\_\_\_\_
- Bang hang hiam? \_\_\_\_\_
- Bang in hong honkhia thei hiam? \_\_\_\_\_
- Bang hangin thu-um mite Zeisu bangin tuikiphum ding uh hiam? \_\_\_\_\_

## **Etphatna le Nuntakpihna:**

### **Gen in:**

- Tuiphumna pen Pasion thu i manna kilatna hi.
- Tuiphumna in mawhna pan hong honkhia thei lo hi. Na mawhna hong maisak dingin Khazih na muan kul hi.
- Tuiphumna pen Khazih na muanna le na mawhna pan na kisiklam a genkhia na hi hi.
- Tuiphumna hangin, Topa aw, ka lungdam uh hi.

### **Kikupna:**

Na mawhna zia kin na kisik khin hiam, Khazih na honpa dingin na sang hiam? Tui na kiphum nai hiam? Tua bang na hih kei leh, bang ci gamtat ding na hiam?

## **Nungzuih Kimawl nate/Khutsiam nasepte:**

- Kimawl na 1: Zeisu Tui kiphumna lim/Lim Zeem Ding  
Zeisu Tui kiphumna lim/Lim Zeem Ding-te Sinna 3 adingin zang in. Naupangte in lim zeem ding uh hi.
- Kimawl na 2: Behlap ding Dotna Laidal: Sihna, Kivuina, le Thawhkikna

## **Muhna tawh Sinna 3:**

- Zeisu Tui kiphumna lim/Lim Zeem Ding
- Behlap ding Dotna Laidal: Sihna, Kivuina, le Thawhkikna








Zeisu Kituiphumna



## Kimawlna 2: Behlap ding Dotna Laidal

### Sihna, Kivuina le Thawhkikna



Hih sinna sungah i theih thu in:


- Mawhna pan i kisikkikna in Zeisu singlamteh tunga sihna thu hong musak hi.
- Tui sungah i omna in Zeisu kivuina hong phawksak hi.
- Tui sung pan i thawhkhiatna in Zeisu thawhkikna hong kilangsak hi.

#### Hilhcianna:

- Hih nambatte, a kituakpih limte nuai-ah koih in.
  1. Mawhna pan kisikkikna
  2. Singlamteh tungah Zeisu sihna
  3. Tui sungah eite i omna
  4. Zeisu kivuina
  5. Tui sung pan i thawhkhiatna
  6. Zeisu thawhkikna (nuntakkikna)

## Sinna 4

### Khat Sungah Teengkawm



Khazih in i mawhna hong maisakin hong huh ding Kha Siangtho i muan ciang, eite in a lamdang letsong khat i ngah hi. **Tua in Khazih Pumpi sungah eite a kihel i hita a, Pasion innkuan sungah omin, Pawlpi mi i suakta hi.** Tua pen leitung bupa om Khazih nungzui mi khempeuh kipawlna ahi hi. Ei bek ihi nawn kei hi. Eite pen Pasion innkuan sunga kihel thu-um mi ihi ta hi.

#### Tangthu gen dingin kiging in:

GPHD laimai 16-17 te enkik in. 1 Corinth 12:12-27 sung sim in.

- Pasion innkuan sung mi suah theihna thu gen ding (Khazih Pumpi, Pasion Innkuanpih, ahihkeh Pawlpi)
- Eite pumpi pen a zaizaw thu-um mite kikholh khopna innkuan tawh kigenteh thei hi.
- Khazih pumpi ahihkeh innkuan sungah eite panmun neihnate gen in.
- Lim le kimawlna ding kiging khol in.
- Sinna 4 ading Lai Siangtho kamngah laimal gol tawh gelh in.

#### Lai Siangtho Kamngah:

*1 Corinth 12:12*

“Pumpi khat bek ahih hangin pumpi tung nate tampi a om hi. Tua pumpi tung nate tampi ahih uh hangin a vekpi un pumpi khat ahih bangin Khazih zong tuamah bang ahi hi.”

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.
- Sinna 4 sunga Khazih Pumpi limte zang in.
- Kimawlpih in. Kamngah Lai Siangtho a genkik dingin dong in.

## Etkikna:

- Sinna 3 a tomin enkik in.
- Naupangte hih dotnate dong in:
  - o Tuiphumna in bang hiam?
  - o Tuiphumna pen gup ngah nading kizam hiam?
  - o Bang hangin thu-um mite tui sungah kiphum kul hiam?

## Tangthu genna 4.1:

- Thu-um mite Khazih Pumpi sungah innkuan khat bangin a omna thu 2 Corinth 12:12-27 tungtawnin gen in.
- Khazih Pumpi Lim/Lim zeem ding zang in.

### Gen/Dong in:

- Na khat uh hong lak un. Na khe uh zong hong lak un. Na bil uh lawng un. Na mit phiasak un. (Tua bangin naupangte hihsak in).
- Na pumpi pen nam khat bekin kibawl hiam ahihkeh na pumpi tungah a tuamtuam om hiam? \_\_\_\_\_  
\_\_\_\_\_
- Na pumpi tunga nate min na theih zahzah anuai-ah gelh in. \_\_\_\_\_  
\_\_\_\_\_
- Na pumpi tunga nate lakah koi thupizaw na sak om hiam, na khut ahihkeh na khete? Na mitte ahihkeh na bilte? \_\_\_\_\_  
\_\_\_\_\_
- Na pumpi pen nam tampi tawh a kibawl mah bangin, leitungbup aa om Pawlpite zong a lianzaw Khazih Pumpi nate ahi uh hi.
- Lai Siangtho in thu-um mite pen tualsung pawlpite ah midangte tawh teengkawm ding uh hi, ci hi. Hebrew 10:25: “Mi pawlkhatte bangin biakpiak kikhopnate tawpsan kei ni. Topa Ni hong naita hi cih thei na hih manun khat l e khat tha na kipia semsem un.”
- 1 Corinth 12 simkhawmin Khazih pumpi sunga om Christian thu-um mite nasep dingte lungngai ciat ni.

## 1 Corinth 12:12-27 sim in:

*“Pumpi pen khat bek hinapi-in na a tuamtuam a nei hi. Pumpi in na a tuamtuam tampi a neih hangin pumpi khat bek mah ahih veve mah bangin Khazih zong pumpi na a tuamtuam a nei pumpi khat ahi hi. Jew mi ihi a, Gentail mi ihi zongin, sila ihi a, sila ahi lo ihi zongin, eite minam tuamtuam ihih hangin Kha Siangtho khat bek mah in Zeisu pumpi a suak dingin ama sungah hong phum a, eite khempeuh tungah a hong kipia pen tua a kibang Kha Siangtho khat bek mah ahi hi.*

*Pumpi in na khat bek nei loin nam tampi tak a nei hi. Khe in, “Kei, khut hi lo ka hih manin pumpi tawh ka kizom kei hi,” a cihmawk hangin pumpi na khat ahihna a bei hi tuan lo hi. Bil in, “Kei, mit hi lo ka hih manin pumpi tawh ka kizom kei hi,” a cihmawk hangin pumpi na ahihna a bei hi tuan lo hi. Pumpi khempeuh mit suakkhin le bang tawh khua za ding ahi hiam? Pumpi khempeuh bil suakkhin le bang tawh a gimnam thei ding ahi hiam? Ahi zongin tu-a i neih bang tektekin, Pasian in ama deih bangin pumpi na a tuamtuam a hong bawlsak hi. A vekpi-in pumpi na nam khat bek hi khin le a pumpi ding koi-ah om nawn ding ahi hiam? Ahi zongin tu-a i neih bangin pumpi khat bek om a, na tampi a nei hi.*

*Tua ahih manin mit in khut kiangah, “Nang ka hong kisam kei hi,” ci thei lo a, lutang in zong khe kiangah, “Nang ka hong kispna om lo hi,” ci thei lo hi. Pumpi na a ginalo tawh a kibangte a kimanna lian mahmah zawsop a, pumpi na bangmah gentaak lo i sakte pawl limtakin kep kul zawsop hi. I pumpi na hoih i sak khollohte pen, pumpi na hoih i sakte i lim et ding a kisp kholloh bang hi loin, limkep diak peuh kulzaw se hi. Ahi zongin i pumpi na thupi i sak khollohte limtakin i kepdiak ding a kisamin i pumpi a na bawl se hi. Tua ahih manin i pumpi nate khatlekhat kithutuak lo cih om loin a vekpi-in a kilemkim uh hi. Khat in natna ngah le a vekpi-un thuakkhawm uh a, khat in pahtakna ngah le a vekpi-un lungdam khawm uh hi.*

*Tu-in note khempeuh pen Khrih pumpi na hi uh a, na vekpi-un a pumpi na khat ciat na hi uh hi.”*

### Naupangte tungah hih dotnate dong in:

- Thu-um mite pen khat le khat kihuai-in \_\_\_\_\_ midangte masak ding hihang.
- Na pumpi pen nam khat bekin kibawl hiam ahihkeh na pumpi tungah a tuamtuam om hiam? \_\_\_\_\_
- Tua mah bangin, pumpi tunga na khat in a thuak ciang, a dangte in zong \_\_\_\_\_ . Khat pen a kipahtawi ciangin, a dangte zong ama ziakin \_\_\_\_\_ .

## **Etphatna le Nuntakpihna:**

### **Gen in:**

- Pawlpi khat sungah pawlmi hihna pen gupkhiatna tawh kitheikhial pahpah hi. Gupkhiatna cih pen Pasion hong maisaknate i sanna hi-a, Zeisu Khazih nungzuihna ahi hi. Tuiphumna in thu-um mi khat na hihna hong kilangsak a, Pasion innkuan sung mi khat i hihna ahi hi. Hih innkuan ahihkeh Khazih Pumpi pen thu-um mite tawh a lam innkuan hi-a, na kiim le na paam, leitung mun tuamtuam pan mite kihel uh hi.
- Khazih Pumpi sungah na kihelna pen Pasion hong sawlna bangin midangte tawh nasepkhop theihna ding ahi hi. Khazih pen eite makai ahi hi. Pasion kammal tawh kopin Kha Siangtho in eite Khazih nung i zuih theih nadingin hong huhin thu hong hilh ding hi.
- Topa aw, midangte tawh kibangin Khazih Pumpi sungah kihelkha ka hih manun lungdam ung.

### **Kikupna:**

Pawlpi sunga thu-um mite tawh kimuhkhopna in nang koici bangin hong huh thei hiam? (Naupangte in pawlpi sungah pawlmi hihna ahihkeh kimuhkhopna a thupitziante a ngaihsut theih nadingin huh inla, midangte koici huh theih ding cih zong gen in)

## **Nungzuih Kimawlnate/Khutsiam nasepte:**

- Kimawlina 1: Khazih Pumpi Lim/Lim zeem ding. Khazih Pumpi Lim/Lim zeem ding pen Sinna 4 adingin zang in. Naupangte in lim zeem ding uh hi.
- Kimawlina 2: Khazih Pumpi Laidal zang in.

## **Lim tawh Sinna 4:**

- Khazih Pumpi Lim/Lim zeem ding
- Khazih Pumpi Laidal

Khazih Pumpi  
Pumpi khat/Mimal Tampi



1 Corinth 12:12

*“Pumpi khat bek ahih hangin pumpi tung nate tampi a om hi. Tua pumpi tung nate tampi ahih uh hangin a vekpi un pumpi khat ahih bangin Khazih zong tuamah bang ahi hi.”*

## Kimawlina 2: Khazih Pumpi Laidal


### Hilhcianna:

- Limte nuai-a Lai Siangtho munte sim in.
- Laimai sima dotnate dawng in.

### Khazih Pumpi Sinna Lai



Ephesus 2:12-19 sim in



1 Corinth 12:12-14; 27 sim in.

1. Ephesus 2:12-19 tungtawnin Khazih pumpi sunga om lo mi khat bangci gen hiam, cih na tel bangin gelh in.

---

---

---

---

---

2. 1 Corinth 12:12-14, 27 tungtawnin Khazih pumpi sungah na theih thak thute na tel bangin gelh in.

---

---

---

---

---




# Sinna 5

## Neekkhawmna



Paisan Tuuno



Thuciamna Thak



Thawhkikna



Anlum



Leenggahzu



Hong paikik dong

Zeisu in a nungzuite tawh nitak nunung pen a zat hunin, amaute tawh a thupi an neekna nei uh hi. Tua pen Neekkhawm kici hi. Amah in nungzuite tungah ama pumpi le si ciapteha ahi anlum le lengtui apia hi. Eite mawhna tang dingin sihna a thuak ding hita hi. Khazih nungzui eite in zong tua Neekkhawmna i zang dinga, amah i phawk nading le singlamteh tungah hong sepsak nate hong paikik dong i tangko ding hi. Amah pen eite Paisan Tuuno ahi hi. Singlamteh tungah sisan buakhia-in, asih khit ciang thokik a, thuciamna thak, Pasian kiang pan kamciam thak tawh a thakin hong bawlkhin zo hi.

### Tangthu gen ding kiging in:

GPHD laimai 18-19 enki in. Paikhiatna 12:21-30 le Matthew 26:26-28 te sim in.

- Neekkhawm thu genkik thei ding.
- Paisan pawu Tuuno thu gen in.
- Neekkhawm i neekna thu le bang a khiatna cih gen ding.
- Lim le kimawlnate kiging in.
- Sinna 5 ading Lai Siangtho Kamngah laimal golpi tawh gelh in.

### Lai Siangtho kamngah:

Luke 22:19 - “Tua khith ciangin anlum la-in lungdam ko a, balkham in, “Hih in note aa dinga kipia ka pumpi ahi hi. Kei nong phawk nadingun hih bangin na bawl un,’ ci-in amaute a pia hi.”

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.

- Kamngah a tel baih nadingin khut tawh lakpih in (gtn: anlum la, thungetna, balkham, piakhia, cihte...).
- Kimawlpah in. Kamngah Lai Siangtho a genkik dingin dong in.

### Etkikna:

- Sinna 4 a tomin enkik in.
- Naupangte tungah hih dotnate dong in:
  - Khazih pumpi in kua hiam?
  - Bang hunin kei pen Pasion innkuan sungah kihel ka hiam?
  - Pasion in thu-um mite pen pawlpi khat sungah om dingin hong deih mah hiam?

### Tangthu genna 5.1:

- Israel mite Egypt gam panin a suahtakna uah Paisan Pawi Tuuno thu gen in (Paikhiatna 12:21-30).
- Kongkhak tunga Si kizuut lim pen Laidal awng tungah koih in: Neekkhawm

### Gen in:

- Leitung bupa om Christian-te in Neekkhawm tawh kisai phawkna hun thupi takin bawl uh hi.
- Lai Siangtho sungah thupiang nih oma, khat pen Thuciam Lui sung le Thuciam Thak sung, Neekkhawm i tel theih nading le banghangin kibawl cih thu ahi hi.
- Thuciam Lui sungah en masa lehang Neekkhawm hong pianna thu i thei ding hi. Pasion mi Israel mite Egypt gamah a teen laitak hun ahi hi. Sihna vantung mi in Israel mite inn kongkhakte tungah tuuno si baang amuh uh ciangin paisan hi. Tua nitakin amaute in a thupi an na ne uh hi.

### Paikhiatna 12:21-30 sim in:

*“Tua ciangin Moses in Israel upate khempeuh samin amaute kiangah, “Nomau adingin na innkuan uh tawh a kituakin tuunote teel unla, Paisan Pawi bawl nading tuuno go un. Puknah lomkhat la unla, kuang sunga om sisan sungah diahin, kuang sunga om sisan tawh bangtungzawl le kongkhak khuam nihte nuh un. Zingsang matengin a inn kongkhak pua-ah kuamah paikhia lo ding hi. Bang hang hiam cih le Egypt mite a that dingin Topa in hong nawk ding hi. Bangtungzawl le kongkhak khuam nih tunga sisan a muh ciangin Topa in kongkhak paisan ding a, a susia dingte pen note that dingin na innsung uhah tumsak lo ding hi.*

*Note le na tapate un hih pen biakna ngeina kipin na nei tawntung ding uh hi. Amah in hong ciamsa bangin Topa in note hong piak ding leitang na tun uh ciangin hih ngeina na zui ding uh hi. Na tate un note kiangah, ‘Hih banga hihna pen bang a cih nopna ahi hiam?’ hong cih ciangin, note in, ‘Topa’ Paisanna hangin biakpiakna ahi hi. Amah in eite’ innkuante hong khawi-in Egypt mite a thah lai-in Egypt gam sungah Israel innkuante paisan hi,’ na ci ding uh hi,” a ci hi. Mite in a lu uh kunin Pasion a bia uh hi. Tua ciangin Topa in Moses le Aaron a thupiak bangin mite a gamta uh hi.*

*Ama kumpi tokhom tunga a tu Faro' tacil a kipanin thongmial sunga a om a kiman mite' tacil le ganhing tacil khempeuh, zankim laitakin Topa in vatgawp hi. Tua zanin Faro le a nasepte khempeuh le Egypt mite khempeuh tho uh a, Egypt gam sungah kahna lianpi a om hi. Bang hang hiam cih le khat beek a sih lohna inn khat zong om lo hi."*

### **Naupangte hih thute dong in:**

- Bang hangin Moses in Israel mite tungah tuuno site a inn kongkhak khuam tungah zut dingin gen hiam? \_\_\_\_\_  
\_\_\_\_\_
- Kongkhak tungah si a kizut lo Egypt mite inn ah bang piang hiam? \_\_\_\_\_  
\_\_\_\_\_
- Kongkhak tungah si a zut Israel mite inn sungah bang piang hiam? \_\_\_\_\_  
\_\_\_\_\_

### **Tangthu genna 5.2:**

- Matthew 26:26-28 tungtawnin Khazih pen eite Paisan Pawi Tuuno hi ci-in gen in.
- Zeisu: Eite Pasion Tuuno Lim/Lim zeem ding le Singlamteh tunga Zeisu le Paisan Tuuno limte zang in.

### **Gen in:**

- Kongkhak tunga kizuut Paisan tuuno si in Israel tapate nuntakna pia-a, vantung mi hong pai ciangin tua innte paisanin a tapa upen uh that lo hi. Tua in singlamteh tunga kibua Zeisu si hong musaka, Pasion tawh kipawl theihna dingin i mawhna pan hong honkhia hi.
- I mawhna pan i kisikkik ciangin Zeisu hong sepsak sate umin sang lehang, Zeisu si in eite mawhna pan hong siangthosak hi. Zeisu pen eite Paisan Tuuno ahi hi.
- Pasion in eite tungah Zeisu hong sepsak thute i mangngilh loh nading lampi hong lak h i. Lai Siangtho sungah tua pen Thuciam Thak sungah kimu thei hi. Zeisu in asih ma deuhin a nungzuite tawh anne khawma, tua nitakin ama sepkiat thute limtakin ngai in.

### **Matthew 26:26-28 sim in:**

*"Tua bangin an a nek laitakun, Zeisu in anlum la-in lungdamna a kohkhit ciangin balnen a, a nungzuite kiangah pia-in, "La unla ne un; hih pen ka pumpi ahi hi," a ci hi. Tua ciangin hai la a, lungdamna a kohkhit ciangin amaute tungah pia-in, "Na vekpi-un dawn un. Mi tampite' mawhna a mai nadingin a luangkhia, Pasion' thuciamna a kipsak, ka sisan ahi hi."*

### **Naupangte hih thute dong in:**

- Anlum in bang khatna nei ci-in Zeisu in gen hiam? \_\_\_\_\_
- Hai in bang khatna nei ci-in Zeisu in gen hiam? \_\_\_\_\_

- Luke 22:19 sim in. Bang hangin Zeisu in thu-um mite tungah Neekkhawm neek ding hih hiam? “Tua khit ciangin anlum la in lungdam ko a, balkhamin, ‘Hih in note aa dinga kipia ka pumpi ahi hi. Kei nong phawk nadingun hih bangin na bawl un’ aci hi.”
- 

- Neekkhawm neekna in Zeisu pen eite Paisan Tuuno ahihna, eite tang dingin sihna a thuakna hong phawksak hi. Neekkhawm in eite hong honkhia theilo-a, tuiphumna in zong hong honkhia theilo hi. Bang in hong honkhia thei hiam? \_\_\_\_\_
- 

- Pasion in Neekkhawm neek zel dingin hong deiha, tua ahih manin thu-um mite in \_\_\_\_\_
- 

### **Etphatna le Nuntakpihna:**

#### **Gen in:**

- Paisan pawl tangthu in Khazih pen eite tang dingin hong kipia tuuno ahihna hong kilangsak hi.
- Khazih in Neekkhawm hong pia-a, tua in singlamteh tunga hong sepsaknate, a sisan hong luanna, i mawhna hong maisaknate hong phawksak hi.
- Neekkhawm neekna in gupkhiatna Lungdamna thu eite in koici bangin ngah thei cih thu hong phawksak hi.
- Neekkhawm nong piak Topa, nang tung lungdam kong ko hi.

#### **Kikupna:**

Neekkhawm neekna in nang ading tuni le zingciang ading hong huh thei hiam?  
(Naupangte in Neekkhawm neekna tungtawnin a thupitna a theihna ding huh in.)


### **Nungzuih Kimawlnate/Khutsiam nasepte:**

- Kimawlina 1: Zeisu, Eite Paisan Tuuno Lim/Lim zeem ding Use Zeisu, Eite Paisan Tuuno Lim/Lim zeem ding-te Sinna 5 adingin zang in. Naupangte in lim zeem ding uh hi.
- Kimawlina 2: Behlap ding Dotna Laidal: Neekkhawmna

### **Lim tawh Sinna 5:**

- Zeisu, Eite Paisan Tuuno Lim/Lim zeem ding
- Behlap ding Dotna Laidal: Neekkhawmna

## Zeisu, Eite Paisan Tuuno



“En un! Leitung mite mawhna a puakhia Pasion Tuuno!”

John 1:29b

## Kimawlna 2: Behlap ding Dotna Laidal: Neekkhawmna

### Hilhcianna:

- Lai Siangtho munte sim in. A awnnate behlap in.


## Neekkhawm



Paikhiatna 12:23: “Bangtungzawl le kongkhak khuam nih tunga sisan a muh ciangin Topa in \_\_\_\_\_.”



1 Corinth 5:7b: “\_\_\_\_\_ ahi Khazih in eite tangin a kigo zo hi.”



1 Corinth 11:23-24: “Amah a kilehhek ni nitakin Topa Zeisu in anlum la-in, lungdamna a koh khit ciangin balkham a, ‘La unla, ne un. Hih in \_\_\_\_\_.”



1 Corinth 11:25b: “Hai zong la-a, ‘Hih hai in \_\_\_\_\_.”




1 Corinth 11:23-25: “Topa Zeisu in anlum la-in, ‘Na dawn simun kei \_\_\_\_\_.”

### III. LAI SIANGTHO THU SINNA TAWH NUNGZUITE KIP

#### Sinna 6

#### Lai Siangtho Thusinzia Ding



Pasian in ama ading i nuntak theih nadingin A Kammalte Lai Siangtho tungtawnin hong pia hi. Tua bang ahih theih nadingin eite in Lai Siangtho sinzia ding i tel kula, Pasian hong deihsakna i sin kul hi. Lai Siangtho sinna dingin a thupi kal li om hi. Tuate pen: Ettlerna, Lungngaihna, Kikupna le Zatkhiatna.

#### Tangthu gen ding kiging in:

GPHD laimai 20-21 enkik in. Sawltak 8:26-38 sim in.

- Lai Siangtho koici sin theih ding cih thu gen thei ding.
- Plastic tuithawl zang inla Lai Siangtho hong genzia thu hilh cian sawm in.
- Philip le Ethiopia mipa tungtawnin Lai Siangtho sinna koici neih ding cih gen in.
- Lim le kimawlna dingte kigingkhoh in. Plastic tui thawl zong kiging in.
- Sinna 6 ading Lai Siangtho Kamngah laimal golpi tawh gelh in.

#### Lai Siangtho kamngah:

John 14:26 -“Ahi zongin Pa in kei minin a hong sawl ding Huhpa Kha Siangtho in thu khempeuh hong hilh dinga note kianga kong gensa thu khempeuh a hong phawkkiksak ding hi.”

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.
- Kimawlpih in. Kamngah Lai Siangtho a genkik dingin dong in.

#### Etkikna:

- Sinna 5 a tomin enkik in.
- Naupangte tungah hih dotnate dong in:
  - o Neekkhawm i cih bang hiam?
  - o Kuate in Neekkhawm ne thei ding uh hiam?
  - o Anlum le lenggahzu in bang khiatna nei hiam?
  - o Eite in bang hangin Neekkhawm ne i hiam?

## Lim tawh Kihilhna:

### Gen in:

- (Tuithawl khat amaute lak in.) Hih in bang hiam?
  - Hoih takin enpha dih ni. Bang na mu uh hiam?
- (Naupangte tua thawl thu gensak in. Tui adim maw a omlo cih le atunga kigelhte zong gensak in.)
- Thawl tunga kigelhte hong sim ing. (A namtui nading le siantho nadingin a kizang namte; BPA kihel lo; cihbang. A kihel namte; a kihawmkhiatna mun cih bang). Tua bang na sim kawmin, na simsate naupangte tawh kikum inla, tuate a khiatna genkik in; gentehna: “Tui thawl khat sungah calcium chloride le sodium bicarbonate a kihel lam na thei hiam? Tuate in bang a cihnopna hiam? Calcium chloride pen ci ahihlam na thei hiam? Tua pen tui sungah kisawhin tui limsak a, dangtakna hong phasak thei hi.” cihbangte...
  - (tuithawl tawi in) Tu-in tuithawl thu thei mahmahta na hih manin, bang sem ding ci-in na kingaihsun uh hiam?
  - He, dawn ding. (Tui dawn in.)
  - Lim tawh sinna in Lai Siangtho sinzia lampi khat hong ngaihsun sak thei hi. Lai Siangtho mun khat i sim ciangin anuai-a teng ngaihsun kawm ni:
    - o Khatna, tuithawl i et mah bangin i sim kammal tungtawnin i en ding hi. Ei le ei dotna kidongin: Hih mun in bang gen hiam? Kua in gelh ahihkeh kua gen hiam? Bang thu piang hiam? Kua kihel ahi hiam? cihbang.
    - o Nihna, hih kammal in bang acihnopna hiam cih i ngaihsun dinga, tui sungah sodium chloride om ahihna i theih bang hong hi ding hi. Eite theihloh kammalte zong i kantel ding hi. Pasion in bang hong gen ding hiam cih i ngaihsun lai ding hi.
    - o Thumna, tua kammal tawh kisai i muan lawm khat kiangah ama theihzia, ngaihsutzia i va dong thei hi. [Eite in a nihna le a thumna gawmkhawmin tui tawh kisai thu i kikum hi.]
    - o Lina, hih kammal tungtawnin i theih thute i nuntakpih, i zang ding hi. Tua tuithawl thu ka genkhit ciangin, bang hih ka hiam? Ka dawn hi. Tua tui ka dawn theih nadingin tui tawh kisai athu khempeuh ka thei hi. Tua khit ciangin ka dawn takpi hi. Tua mah bangin eite in zong Pasion kammal i theih ciangin a kinuntakpih thei ahi hi.
    - o Tua khit ciangin Lai Siangtho Sinzia tawh kisai Kal Li-te zangin i thusinna i zomsuak ding hi.

## Tangthu genna 6.1:

- Sawltak 8 sunga Philip le Ethiopia mipa thu gen in.
- Hih thu tungtawnin Lai Siangtho sinna neih ding gen in.
- Lim/Zeem ding ahi Philip le Ethiopia Mipa



**Gen in:**

- Zeisu nungzuite lakah Philip khaul azin laitak sakol leng tunga tu Ethiopia mi khat in Lai Siangtho a sim mu hi. Kha Siangtho in tua pa kiang pai ding Philip tungah gen hi.
- Sawltak Lai Siangtho sunga kigelh thu en dih ni. Tua tangthu tungtawnin Pasian Kammal sinzia ding hong hilh ding hi.

**Sawltak 8:26-38 sim in:**

*“Topa’ vantungmi khat in Philip kiangah, “Kithawi inla, Jerusalem khua panin Gaza khua paina lampi zuan dingin leitaw lam manawhin pai in,” a ci hi. (Tua lampi tu-in kizang pha nawn lo hi.) Philip zong kithawi-in a pai hi. Lampi-ah Ethiopia mi mang lian khat tawh kituak hi. Tua mangpa pen Ethiopia kumpinu Kandeis khutnuai-a mang lian khat hi a, kumpinu neihsa khempeuh a ukpa ahi hi. Jerusalem khua-ah Pasian bia dingin a va pai hi a, inn zuan dingin leeng sungah a tuan kawmin kamsang Isaiah laibu a sim hi. Tua laitakin Kha Siangtho in Philip kiangah, “Pai inla tua leeng mai-ah va om in,” ci-in a sawl hi.*

*Philip zong ama kiangah va tai a, kamsang Isaiah laibu a simna za ahih manin, “Na laisim a khatna na thei hiam?” ci-in a dong hi. Amah in, “Mi khatpeuh in hong hilhtel lohpi-in bangci theih ding ka hi hiam?” ci-in dawng a, ama leeng tungah Philip a tuang dingin a sam hi. Tua a sim Lai Siangtho mun pen,*

*“A kigo dingin a kikai tuuno ham lo a, a mul a kimeetsak tuuno a ham loh mah bangin, amah kam khat beek pau lo hi. Mite in amah simmawhbawl gawp a, amah a huh kuamah om lo hi. Ama nuntakna leitungah bei ahih manin, a suan a khakte’ thu, ci-a gen ding om lo hi,” ci-in a kigelhna mun ahi hi.*

*Tua ciangin mangpa in Philip kiangah, “Hih kamsangpa in amah a kicihna ahi hiam, tua ahih kei le midang khatpeuh a cihna ahi hiam, hong gen dih in,” a ci hi. Philip zong a kam ka-in thugen ding kipan a, tua a Lai Siangtho simna mun a kipanin Zeisu thu ciang dong a gen hi.*

*Lampi-ah a pai laitakun tui omna mun tung uh a, mangpa in, “Hih lai-ah tui om hi. Tui kiphum nuam peuh leng kua’n hong kham thei ding ahi hiam?” a ci hi. Philip in, “Na lungsim takpi tawh na up nakleh tui na kiphum thei ding hi,” a cih ciangin, “Zeisu Khazih pen Pasian’ Tapa hi, ci-in ka um hi,” ci-in a dawng hi. Tua ciangin a leeng a khawlsak nadingin mangpa in thu pia a, Philip tawh a nihun tui phualah pai-in Philip in amah a tuiphum hi.”*

**Naupangte hih thute dong in:**

- Philip in Ethiopia pa a muh laitak, tua pa in bang hih hiam? \_\_\_\_\_
- Tua pa in a sim laite akhatna a thei hiam? \_\_\_\_\_
- Tua mipa in atel theih nadingin kua tungah huhna ngen hiam? \_\_\_\_\_
- Philip in mipa tungah bang gen hiam? \_\_\_\_\_
- Mipa in lungdamna thu a zak khit ciangin bang sem hiam? \_\_\_\_\_

### Gen/Hilh in:

- Lungdamna thu i genna leh midangte Zeisu Khazih hong up nading i huhna pen a lamdang nasep ahi hi.
- Hih tangthu sungah Las Siangtho thusinzia ding thu li-te kimu thei-a, tampi hong huh ding hi. Hih pen Sinna 7 sungah kisin ding hi.

### Lai Siangtho Thusinna Kal Lite:

1. “En In”(Ettelna) - Bang gen hiam?  
(taang 28—“Tua mangpa in leeng sungah a tuan kawmin kamsang Isaiah laibu a sim hi.”)  
Tua thu tam veipi sim in. Nang le nang kidong in: Bang thu piang hiam? Kua teng kihel? Koimun lei bang hunin piang hiam?
2. “Ngaihsun In” (Lungngaihna)— Bang a deihna hiam?  
(taang 30— “Philip zong ama kiangah va tai a, kamsang Isaiah laibu a simna za ahih manin, “Na laisim a khatna na thei hiam?” ci-in a dong hi.”)  
Nang le nang kidong in: Pasion in hih tungtawnin bang hong theisak nuam hiam?
3. “Gen In” (Kikupna)— Midangte’n bang gen hiam?  
(taang 31-35— “Amah in, “Mi khatpeuh in hong hilhtel lohpi-in bangci theih ding ka hi hiam?” ci-in dawng a, ama leeng tungah Philip a tuang dingin a sam hi. Tua a sim Lai Siangtho mun pen, “A kigo dingin a kikai tuuno ham lo a, a mul a kimeetsak tuuno a ham loh mah bangin, amah kam khat beek pau lo hi. Mite in amah simmawhbawl gawp a, amah a huh kuamah om lo hi. Ama nuntakna leitungah bei ahih manin, a suan a khakte’ thu, ci-a gen ding om lo hi,” ci-in a kigelhna mun ahi hi. Tua ciangin mangpa in Philip kiangah, “Hih kamsangpa in amah a kicihna ahi hiam, tua ahih kei le midang khatpeuh a cihna ahi hiam, hong gen dih in,” a ci hi. Philip zong a kam ka-in thugen ding kipan a, tua a Lai Siangtho simna mun a kipanin Jesuh thu ciang dong a gen hi.”)  
Tua mun pen thu-um mite tawh kikumin kigen un.
4. “Sem In!” (Zatkhatna)— Ka nuntakna ah kei’n bangci zatkhat theih ding?  
(taang 36-38— “Lampi-ah a pai laitakun tui omna mun tung uh a, mangpa in, “Hih lai-ah tui om hi. Tui kiphum nuam peuh leng kua’n hong kham thei ding ahi hiam?” a ci hi. Philip in, “Na lungsim takpi tawh na up nakleh tui na kiphum thei ding hi,” a cih ciangin, “Zeisu Khazih pen Pasion’ Tapa hi, ci-in ka um hi,” ci-in a dawng hi. Tua ciangin a leeng a khawlsak nadingin mangpa in thu pia a, Philip tawh a nihun tui phualah pai-in Philip in amah a tuiphum hi.”)

### **Na nuntakna hong khel thei ding kammalte nuntakpih hi.**

- Kal Li tawh Kalsuanna mangngilh kei in.
  - o Lai Siangtho sinna ah kizangte khut tawh lak ding: 1. “En In” (mit lawng ding); 2. “Ngaihsun in” (lu lawng ding); 3. “Gen in” (kam lawng ding); 4. “Sem in!” (khut zankhia ding).
  - o Hih sinna kal lite naupangte in a lot ngah theih nading hanciam pih ding.

## **Etphatna le Nuntakpihna:**

### **Gen in:**

- Philip le the Ethiopia mipa tangthu in Lai Siangtho sinzia ding lim hong lak hi.
- Lai Siangtho sinna ding lampi lite ciamteh in: “En in; ngaihsun in; gen in; sem in!”
- Lai Siangtho kamngah naupangte tawh simkik in. Lai Siangtho na sim ciangin thunget ding thupi mahmah a, Kha Siangtho in na tel theih nadingin hong huh ding ngen in.
- Topa aw, Lai Siangtho sinzia ding hong hilh na hih manin ka lungdam uh hi.

### **Kikupna:**

Lai Siangtho sinzia ding theihna in nang nuntakna tuni le zingciang ading bang ci bangin hong huh thei hiam?

(Naupangte in tua sinziate a theih nading le a noptuamnate ngaihsunsak in)

## **Nungzuih Kimawlinate/Khutsiam nasepte:**

- Kimawlina 1: Philip le the Ethiopian pa Lim Philip le Ethiopia Mipa lim zeem ding.
- Kimawlina 2: Lai Siangtho sinna ding kal li - Kammalte gelh ding.
- Kimawlina 3: Sawltak 8 tungtawnin Lai Siangtho sinna kalte - Behlap ding dotnate.

## **Lim tawh Sinna 6:**

- Philip le Ethiopia mipa lim
- Lai Siangtho sinna ding kal li - Kammalte gelh in.
- Sawltak 8 sunga bangin Lai Siangtho sinna kalte en in.

## Philip le Ethiopia Mipa



Sawltak 8:30-31


*“Philip zong ama kiangah va tai a, kamsang Isaiah laibu a simna za ahih manin, “Na laisim a khatna na thei hiam?” ci-in a dong hi. Amah in, “Mi khatpeuh in hong hilhtel lohpi-in bangci theih ding ka hi hiam?” ci-in dawng a, ama leeng tungah Philip a tuang dingin a sam hi.”*

## Kimawlna 2: Lai Siangtho Sinzia Ding Kal Lite

### Hilhcianna:

- Lai Siangtho Sinzia Ding kal Lite enkik in.
- Lai Siangtho sinzia ding kal li-te mun awnnate ah gelh in.
- Tutna khe khat ciat hong kihilhna om bangin color zeem in.

### Lai Siangtho Sinzia Ding Kal Li Hih Laimalte Tutphah Khat Tungah Gelh in



Khe #1 na Ettelna (En in)— Khe khat ah Ettelna ci-in gelh inla, tua khe pen vanmel zeem in.

Khe #2 na Lungngaihna (Ngaihsun in)— Khe khat ah Lungngaihna ci-in gelh inla, tua khe pen a san zeem in.

Khe # 3 na Kikupna (Genkhia in)—Khe khat ah Kikupna ci-in gelh inla, tua pen a engmel zeem in.

Tutna pen Zatkhiatna (Sem in)—Tutna munah Zatkhiatna ci-in gelh inla, tua pen ankampaak mel zeem in.

### Kimawlna 3: Lai Siangtho Sinzia Ding Kalte

#### Hilhcianna:

- Limte nuai-a Lai Siangtho munte sim in. Dotnate behlap in.
- Naupangte in lim zeem ding uh hi.

### Sawltak 8 tungtawnin Lai Siangtho Sinna Kalte



**Sawltak 8:28** - En in: Ethiopia mipa in bang en hiam?  
\_\_\_\_\_



**Sawltak 8:30-31** - Ngaihsun in: Ethiopia mipa in bang kism hiam?  
\_\_\_\_\_



**Sawltak 8:26-39** - Kikuppih in: Mi khat peuh tawh hih tangthu kikuppih in. Amaute ngaihsutna gelh in. \_\_\_\_\_  
\_\_\_\_\_



**Sawltak 8:36-37** - Sem in! Ethiopia mipa in um in tui kiphum ding ut pah hi. Hih Lai Siangtho na sim ciangin nang bangci zat theih ding na hiam? \_\_\_\_\_  
\_\_\_\_\_

# Sinna 7

## Lai Siangtho Sinzia Zuihna

Eite in i nisim nuntakna ah Pasion thu man theih nadingin Lai Siangtho i theih kul hi. Eite in Lai Siangtho koici bangin simin, koi bangin sin ding ci-in thei lehang, Pasion in a kammal tungtawnin hong hopih ding hi.

### Tangthu gen dingin kiging in:

GPHD laimai 22 na enkik in. Mark 1:35 en in.

- Lai Siangtho sinzia ding ngeina pen Lai Siangtho sin ciangin zat theih pah dingin hilh thei ding.
- Lai Siangtho sinzia ding kal lite zatzia ding gen in.
- Lim le kimawl dingte kiging khol in.
- Sinna 7 ading Lai Siangtho Kamngah laimal golpi tawh gelh in.

### Lai Siangtho kamngah:

Mark 1:35

“Zingsang khua a vak ma-in Zeisu tho a, gamdaihna mun khatah pai-in thu a ngen hi.”

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.
- Kimawlpih in. Kamngah Lai Siangtho a genkik thei dingin dong in.

### Etkikna:

- Sinna 6 a tomin enkik in.
- Naupangte tungah dong in:
  - o “Lai Siangtho sinna ding kal lite in bang hiam?”

### Tangthu genna 7.1:

- Lai Siangtho Sinzia Ding Kal Lite zangin Lai Siangtho mun sinpih thei ding (Mark 1:35).
- A nuai-a thu genkhiat theih nadingin Lai Siangtho Sinzia Ding Kal Lite zang in.

### Gen in:

- Lai Siangtho sunga taang khat i tel theih nadingin Lai Siangtho Sinzia Ding Kal Lite zang ding hi hang.
- Mark 1:35 simkhawm ni. Lai sinna dingin hih kammal zangkik ding hi hang.

### Mark 1:35 sim in:

“Zingsang khua a vak ma-in Zeisu tho a, gamdaihna mun khatah pai-in thu a ngen hi.”

**Gen/Telgen in:**

- Lai Siangtho Sinzia Ding Kal Lite khat khit khat hong telgen ding hing.  
[Naupangte tungah Lai Siangtho Sinzia Ding Kal Lite khat khit khat kizatzia gen in. Amaute tungah dotnate dongin, Mark 1:35 tungtawnin anuai-a bangin hong piaksa ngeina zangin sinpih ins.

**LAI SIANGTHO SINNA DING KAL LI**

**1 - “Entel in” (ETTELNA) - Bang gen hiam?**

- Lai Siangtho in a gen thu le Pasion in nang tungah hong gennop thute Kha Siangtho in hong hih nadingin thungen in.
  - **Ettelna:** Mark 1:35 sim inla bang piang, kua kihel, koi ah piang, bang hun aa piang cih thu en in. Tu-in na muhkhiat thute anuai-ah gelh in.
- 
- 

**2 - “Ngaihsun in” (LUNGNGAIHNA) - Hih in bang khiatna nei hiam?**

- Koimun Lai Siangtho ah kimu thei hiam cih ngaihsun inla, Kha Siangtho in na tel theih dingin hong huh ding hi. (Midangte tawh na hihkhop leh, kal 2 leh kal 3 pen tonkhawm ding hi).
  - **Lungngaihna:** Mark 1:35 sung na simna tungtawnin laigelhpa in laisimte bang theisak nuam hiam? Hih pen Pasion Kammal sungah bang hangin kihel ahiam? Tu-in hih dotnate dawngkik in:
- 
- 

**3 - “Genkhia in” (KIKUPNA) - Midangte bangci gen hiam?**

- Tua mun pen midangte in bangci ngaihsutin, koici gen hiam cih ngaihsun inla, Kha Siangtho in midangte tungtawnin na sin theih nading thungen in. (Hih pen nang bek Lai Siangtho simna ahihleh, hih kal 3 na zang kei in).
  - **Kikupna:** Mark 1:35 tungtawnin na theihkhiat thu le nangma nuntakna, midangte nuntakna tehkaak in. Nang telzia pen midangte telzia tawh a kibang ahihkeh a lamdang ahihlam na phawkkhak a om hiam? Nang tatzia le Zeisu tatzia a kibang ahihkeh a kilamdang hiam? Tu-in hih dotnate dawngkik in:
- 
-



#### 4 - “Semkhia in!” (ZATKHIATNA) - Kei’n ka nuntakna ah bangci zatkhiat theih ding?

- Hih Lai Siangtho mun sunga ngaihsutnate pen na nuntakna sungah koici zat theih ding cih khentel inla, Kha Siangtho in hong huh nading thungen in.
  - **Zatkhiatna:** Pasion Kammal in Khazih tawh kisut theih nading nisimin lam hong lak hi. Pasion in Kha Siangtho zangin ama Kammal le i nuntakpih theih nading lampi hong lak hi. Mark 1:35 sunga na sinkhitna tungtawnin Khazih tawh kibat theih nading bangci zatkik theih ding na hiam? Na kikhel theih nadingin bang kisam na hiam? Tu-in hih dotnate dawngkik in:
- 
- 

#### Etphatna le Nuntakpihna:

##### Gen in:

- Late 119:11 sungah, “Nang tungah kong khialh loh nadingin ka lungsim sungah nangma thu ka khol hi.”  
Eite in Pasion Kammal sinin Pasion deihna bangin i nuntak theih nading i hanciam ding hi.
- Topa aw, Lai Siangtho sin thei ka hih manun ka lungdam uh hi.

##### Kikupna:

Pasion Kammal sinna in nang nuntakna koici bangin hong huh thei hiam?

(Naupangte in a sin theihna ding le Pasion Kammal zuih theih nading lampite hilh in.)

#### Nungzuih Kimawlnate/Khutsiam nasepte:

- Kimawlina 1: Lai Siangtho Na Simna Lim Suai inla, zeem in cih Kimawlina zang in.

#### Lim tawh Sinna 7:


- Lai Siangtho Na Simna Lim Suai inla, zeem in.

## Kimawlna 1: Lai Siangtho Na Sin Laitak Lim Suai In/Lim zeem ding


Hilhcianna: [Siapa in naupangte huhin hih kimawlna bawlpah ding hi.]

- Zeisu in eite Pasion Kammal tawh hunla-in, ama nungzui ding sinna neih ding lunggulh hi.
- Lai Siangtho na sin laidak lim suai in, tua lim zeem in.


### Lai Siangtho Na Sin Laitak Lim Suai In



## A Khangmoi Nungzuite Ading Pasion Geelna - Khen Nihna



A Thak ahihkeh A Thanem Singkung  
Thu-um thakte Nungzuih Thusinpihna




A Khangcing Gah Agah Singkung  
A khangcingna Thu-umte Kip Hi

GPHD laimai 23-25 sunga thute le thukhunte enkik inla naupangte le khangnote hilh ding na kipat ciangin zang in. Sawltak Paul in pawlpi 13 te tungah laikhakte gelha, tuate pen Thuciam Thak sungah kihel hi. Tua laikhakte pen a gelh ciangin tua pawlpite upna lamah a thahat theih nading, Pasion Kammal sungah thahat nading, le a manlo thuhilh siate panin kikep zawh nading ahi hi.

Paul in hih laikhakte pen Khazih ading nasep kipat tuung lam aa kipan, a laizang hun le a nunung lam agelh ahi hi. Tua laite pen ngimna tuamtuamin a kigelh ahi hi:

- A masa laikhakte pen Hehpihna Taktak Lungdamna thu bulphuh hi.  
Galatia, 1 & 2 Thessalonica, 1 & 2 Corinth, Rom
- A laizang laikhakte pen pawlpite in tupna le Tawntung Pasion Geelna sungah lampial lo-a om na ding bulphuh hi.  
Ephesus, Philippi, Colosse, Philemon
- A nunung laikhakte pen Pasion Innkuan sunga kimakaihzia ding thute kigelh hi.  
1 Timothy, Titus, 2 Timothy

Lai Siangtho in Paul pen ‘innlam siampa’ (1 Corinth 3:10) ci hi. Ama laigelhte pen innlam siamte zat theih vante tawh kibang hi. Paul vanzatte pen Pasion Innkuan sunga thu-um thak mite lamphat nading ahihkeh thapiak nading ahi hi. Tuate pen Khazih nungzuite lamphatna ding akimang vanzatte ahi hi. Gentehna-in, Paul laikhak masate sung pan Galatia pen sing-attem tawh kibang hi. Laikhak laizang Ephesus pen sek tawh kibang hi. A nunung laikhak 1 & 2 Timothy pen tehna piciang ahi hi.



Hih laikhakte khat ciat (ahihkeh Thuciam Thak bu) in Pasion Innkuan kipatkhiat nading a bulpi ngimna nei hi. Khutsiam khat in akip inn a lam theih nadingin vanzatte a zat mah bangin, piangthakte in zong Pasion kammal zatna tawh a thahat nading, upna ah a picinna ding, le midangte a huh theih nading kisin ding hi.

**Galatia** pen Paul gelh masak laikhakte lakah khat hi-a, Zeisu Khazih sungah Hehpihna Taktak Lungdamna Thu i gen theih nadingin a kician mahmah khat zong ahi hi (Sinna 8 en). **Ephesus** pen Paul in alaizang agelh hi-in, thu-um mite tungah ngimna le Pasion Geelna thu hilh hi (Sinna 9 en). **1 Timothy** pen a nunung lama gelh lai hi-a, Pasion Innkuan sunga thu-um mite kimakaihzia dingte telhna ahi hi (Sinna 10 en).

Hih sunga a omlai sinnate pen thu-um khangnote Topa sungah a khangcinna ding le midangte tungah teci gahte agah theihna ding ahuh sinnate ahi hi.

# IV. NUNGZUITE PEN HEHPIHNA TAKTAK LUNG DAMNA THU TAWH KIP UH HI

## Sinna 8


### Nungzuite Pen Hehpihna Taktak Lungdamna Thu tawh Kip Uh Hi

#### Pasian Innkuan

#### Galatia

Hehpihna Taktak

Lungdamna Thu hilh hi



Eite, Khazih sungah gupkhatna le suahtakna i ngahna pen Pasian hehpihna bek hi-a, upna tawh i ngah ahi hi. Eite in Khazih bek i muan ciangin hotkhatna kingaha, i mawhna hong kimaisakin, hoihna i bawl man, thukham zuihna, ahikkeh thudang hang hi peuhmah lo hi. Eite in Pasian Innkuan sungah Pasian Hehpihna Taktak bek tawh i kihel thei hi. Nisimin eite in hehpihna tawh i nungta dinga, sepna ahikkeh thukham zuihna hang hilo hi. Kha Siangtho in Zeisu Khazih ading i nuntak theih ding hong huh nadingin hehpihna tungtawnin i ngen ding hi.

#### Tangthu gen ding kiging in:

GPHD laimai 26-31 enki in. Galatia 3:1-5; 2:16; 3:11-12; 4:4-7; 5:16-18, 24-25; 6:14; and 1:5 te sim in.

- Paul in thu-um masate tungah gupkhatna le suahtakna pen hehpihna thu i upna hang bek ahi hi, ci hi.
- Eite in hehpihna pen thukham zuihna ahikkeh eite gamtat hoihna hang kingah lo ahihlam gen cian in.
- Paul in Pawlpi Masate tungah a thahat thu-um mi suah theih nading le i ngahsa hehpihna tungtawnin nuntak ding hilh cian in. (GPHD laimai 23-25 en).
- Eite in Kha Siangtho makaihna zui-in, thungen, le Pasian min i thangsak ding hi.
- Limte le kimawl dingte kiging khol in.
- Sinna 8 ading Lai Siangtho Kamngah laimal golpi tawh gelh in.

## Lai Siangtho kamngah:

Galatia 4:4-5

*“Ahih hangin a hun acin ciangin numei sung panin thukham nuai-a hong suak dingin Pasion in ama Tapa hong paisak hi. Eit ein tapa za i luah theih nadingin thukham nuai-a om eite hong tankhia dingin a Tapa hong paisak ahi hi.”*

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.
- Kimawlpih in. A simkhitsa laimalte phiat inla, etloh sa-in sim thei hiam cih en in.
- Kua in a lotin genkhia thei cih en in.

## Etkikna:

- Sinna 7 a tomin en in.
- Naupangte tungah dong in:
  - o Lai Siangtho sinzia ding a hoih kisinna bang sinkha na hi hiam? (Kal Lite gen in)
  - o Khazih tawh kisut theih nadingin Lai Siangtho sinzia Kal Lite na zang kha ngei hiam? Bang hiam cih nong gen thei uh diam? (Naupangte tung pan ngai in; amaute hong dawnzia tungtawnin kikuppih in).

## Tangthu genna 8.1:

- Galatia 3:1-5 tungtawnin Hehpihna Taktak thu gen in.
- Hehpihna Taktak Limte hih sinna sungah zang in.

### Gen in:

- Paul in Pawlpi masa thu-um mite tungah eite gupkhiatna le suahtakna pen hehpihna upna hang bek tawh ahi hi, ci-in hilh hi. Eite a hoih sepna, thukham zuihna, ahihkeh eite sep theih thute kimang theilo hi.
- Tua in hehpihna taktak ahi hi. Hehpihna taktak pen Khazih i theihna ding le ama sungah suahtakna le gupkhiatna tawh i nuntak theihna ding ah ihi.
- Hehpihna Taktak Lungdamna thu sim ni.

## Galatia 3:1-5 (Hehpihna Taktak Lungdamna Thu):

*“Galatia mihaite aw, singlamteh tungah Zeisu Khazih a sihna thu teltakin na theihsa uh ahih manin kua’ khemsa-in hici thei mawk na hi uh hiam? Thukham na zuihna hangun Pasion’ Kha Siangtho ngah na hi uh hiam, ahih kei le lungdamna thu za-in na upna hang uh hizaw ahi hiam? Pasion’ Kha Siangtho tawh na patkhit uh ciangin nomau’ thatanghat thu tawh khup a sawm ding zahin hici hai lawmlawm na hi uh hiam? A beisa huna na tuahsa uh thute khempeuh a mawkna suakkin zen ding ahi hiam? Tawmkhat beek phattuamna hong pia thei tei dingin ka um hi. Note in Thukham na zuihna hangun Pasion in Kha Siangtho hong pia-in nalamdang hong bawl ahi hiam, ahih kei le lungdamna thu za-in na upna hang uh hizaw ahi hiam?”*

**Naupangte hih thute dong in:**

- Galatia Christian-te koici bangun thu-um mi suak uh hiam? \_\_\_\_\_
- Amaute gupna a ngah khit uh ciangin thukham bangun gamtat ding a hanciam uh hiam?  
\_\_\_\_\_
- Eite tha le vangliatna suangin nuntak ding a kilawm diam? \_\_\_\_\_

**Tangthu genna 8.2:**

- Galatia 2:16; 3:11-12 tungtawnin hehpihna le Thukham le Hehpihna le Nasepnate thu hih in.

**Gen in:**

- Paul in Hehpihna le Thukham le Hehpihna le Na Hoih Sepna thu a gelhte en in. Tuate in eite hong honkhia theilo hi!

**Galatia 2:16 (Hehpihna le Thukham):**

*“Thukham zuihna tawh diktansakna kingah lo-a, Zeisu Khazih upna bek tawh kingah hi cih thu i thei hi. Tua ahih manin thukham zuihna tawh hilo in Khazih upna tawh diktansakna i ngah nadingin Khazih Zeisu i umzo hi. Bang hang hiam cih le thukham zuihna hangin kuamah in diktansakna a ngah kei ding hi.”*

**Galatia 3:11-12 (Hehpihna le Sepna):**

*“Midik in upna tawh a nungta ding hi,” ci-in Lai Siangtho sungah kigelh manin thukham zuihna tawh kuamah in Pasion mai ah diktansakna ngah lo hi cih teltak in a kimu hi. ‘Thukham a zuimi in tua thukham zuihna hangin a nungta ding hi’ ci-in kigelh ahih manin thukham le upna akisai kha kei hi.”*

**Naupangte hih thute dong in:**

- Thukham i zuihna hangin Khazih kiang a tung i hiam? \_\_\_\_\_
- Ei le ei-in Pasion thukhamte i zuizo diam? \_\_\_\_\_
- Thukham in eite gupna ngahin i nuntak tawntung theih nading hanciamna tawh kingah hi, ci hi. A man mah hiam? \_\_\_\_\_  
“Nungta tawntung ding” ahihkeh tawntung nuntakna ngah ding acih ciangin bang khatna nei hiam? \_\_\_\_\_
- Hih sungah, eite in Pasion tawh i kilem theihna pen \_\_\_\_\_ hang ahi hi.

**Tangthu genna 8.3:**

- Galatia 4:4-7 le Galatia 5:16-18; 24-25 bulphuhin Hehpihna le Gupkhatna le Hehpihna le Kha Siangtho thute gen in.

**Gen in:**

- Paul in Hehpihna le Gupkhatna thu bangci gen hiam en in.
- Pasion in a Tapa Zeisu hong sawla, eite ading hong si ahih manin gupkhatna i ngah thei hi.

### Galatia 4:4-7 (Hehpihna le Gupkhatna):

*“Ahih hangin ahun acin ciangin numei sung panin thukham nuai-a hong suak dingin Pasion in ama Tapa hong paisak hi. Eite in tapa za i luah theih nadingin thukham nuai-a om eite hong tankhia dingin a Tapa hong paisak ahi hi. Tapate na hih manun Pasion in a Tapa Kha note lungsim sungah hong sawl a, ‘Abba Pa aw!’ na ci uh hi. Tua ahih manin sila hi nawnlo in tapa na hih le Khazih tungtawnin Pasion innluahpa na hi hi.”*

#### Naupangte hih thute dong in:

- Kua in mawhna panin suahtakna hong pia hiam? \_\_\_\_\_
- Thu-um mite pen kuate tate hiam? \_\_\_\_\_

#### Gen in:

- Paul in hehpihna le Kha Siangtho thu gelh hi.
- Thu-um mi i hih manin, eite in Kha Siangtho nungzui-in, mawhna i nusia ding hi.

### Galatia 5:16-18; 24-25 (Hehpihna le Kha Siangtho):

*“Note kiangah ka hong gen thu in: Kha Siangtho’ hong sawlna bangin gamta unla, na pumpi uh utna bangin gamta kei un. Bang hang hiam cih le ei’ pumpi ut bangin gamta lehang Kha Siangtho’ deihna tawh na kituak lo a, Kha Siangtho’ deihna bangin gamta lehang ei’ pumpi deihna tawh na kituak lo zel ahih manin hih nih tegel a kilangpang niloh na hi a, note’ ut bangin a gamta thei lo na hi uh hi. Kha Siangtho’ deihna bangin na gamtat uhleh Thukham khutnuai-ah na om nawn kei uh hi.”*

*“Tua hi a, Zeisu Khazih a zui mite in a leitung lungsim pianzia uh le a leitung lungsim deihna khempeuh uh a phiat khitsa ahi hi. Kha Siangtho in eite hong nungtasak khinta ahih manin ama hong sawlna bangin eite a nungta ding ihi hi.”*

#### Naupangte hih thute dong in:

- Khazih nungzui i hih leh, eite in bang nusia khin i hiam? \_\_\_\_\_
- I nuntakna thak kua kiang pan hong pai hiam, nuntakna thak sungah kua nungzui ding i hiam? \_\_\_\_\_

### Tangthu genna 8.4:

- Galatia 6:14 le Galatia 1:5 tungtawnin Hehpihna le Vangliatna thu gen in.

#### Gen in:

- Paul in agen hehpihna le kuate in vangliatna ngah ding ahihna limtakin ngaihsun in. Galatia 6:14 (Hehpihna le Vangliatna):c

#### Galatia 6:14 (Hehpihna le Vang):

*“Kei ka hihleh i Topa Zeisu Khazih singlamteh longal bangmah thu ah ka kisial kei ding hi. Tua Topa tungtawnin leitung in kei aa dingin kikhailum khin a, kei zong leitung aa dingin ka kikhailum khin hi.”*

#### Galatia 1:5 (Hehpihna le Vang):

*“I Pa Pasion tungah minthanna om tawntung taken, Amen.”*



### Naupangte hih thute dong in:

- Ka nuntakna hotkhiat theih nading ka kisialhpih ding om hiam? \_\_\_\_\_
- Kua in ka nuntakna ah minthanna ngah ding ahiam? \_\_\_\_\_

### Gen in:

- Hehpihna Taktak pen eite Khazih sungah Pasion hehpihna bek upna tawh i muan ciangin eite in gupkhiatna le suahtakna i ngah hi. Tua pen eite hoihna hang hilo, thukham zuihna hang hiloin, mihing hanciamna tungtawn zong hilo hi.
- Khazih i muan khit ciangin eite in ei ngaihsutna le vangliatna tawh thahat zo lo ding hihang. Eite in thahatna le pilna pen Kha Siangtho tungtawnin i ngah hi. Amah in eite sungah hong nungta-in Khazih sungah i nuntakzia ding le Pasion kammal i telzia ding hong hilh hi.
- Dawi in mite hong khemin gupkhiatna ngahna ding Lungdamna Thu dang khat om hi, ci-in thukham le ahoih sepna ding hong hanciamsak hi. Dawi in hong khemna i ngai kei ding hi. Khazih kiang zuanin Hehpihna Taktak i ngah nading i ngen dinga, Kha Siangtho in Khazih tawh i kisut theih semsem nading nisimin hong makaih ding hi.

### Etphatna le Nuntakpihna:

#### Gen in:

- Hehpihna Taktak pen Pasion hong piakkhong hi-in, Khazih muanna tawh mawhna pan a kihonkhiate tungah hong kipia hi.
- Topa, Nong Hehpihna Taktak hangin ka lungdam uh hi.

#### Kikupna:

Hehpihna Taktak thu thei lehang, nang nuntakna bangci-in hong huh thei diam?  
(Naupangte in Hehpihna Taktak a tel theih nadingin zuih dingte genpih inla, Pasion ading a nuntakna uh ah lamhilh in.)

### Nungzuih Kimawlinate/Khutsiam nasepte:

- Kimawlina 1: Hehpihna Taktak Lim /Kimawlina  
Hih lim pen Hehpihna Taktak tel nadingin zang in. Tua lim in naupangte khat ciat ading a manphatna gensak in.
- Kimawlina 2: Hehpihna Taktak Behlap Ding Dotnate /Zeem ding


### Lim tawh Sinna 8:

- Hehpihna Taktak Lim /Kimawlina 1
- Hehpihna Taktak Behlap Ding Dotnate /Zeem ding

## Kimawlna 1: Hehpihna Taktak lim/Kimawlna

### Hilhcianna:

- Hih lim pen naupangte in Hehpihna Taktak a tel theih nading uh le midangte tung a genkik thei nadingin zang in.
- Naupangte in laimai 7 sunga behlap ding dotnate dawngsak in.
- Tua lim ii khatna naupangte khat khit khat genkhasak in.
- Naupangte tung amau lawm khat ii min anuai-a munah gelh sak inla, Hehpihna Taktak thu a gen dingin kisinsak in.



Galatia 3:1-5

Na lawm min: \_\_\_\_\_

**Kimawlna 2: Hehpihna Taktak Behlap Ding Dotnate/ Zeem Ding Laimai**

Hilhcianna:

- Anuai-a dotnate sim in. A awnnate ah dawngkik in.
- Naupangte in limte zeem ding uh hi.

**Hehpihna Taktak Behlap Ding Dotnate**

Thukham	Sawm
1. Keimah longal pasian dang na nei kei ding hi.	6. Mi na that kei ding hi.
2. A kiseek milim na bia kei ding hi.	7. Nulepa mawhna na bawl kei ding hi.
3. Topa na Pasion' min na zangkhai nagaihsut kei ding hi.	8. Na na gu kei ding hi.
4. Sabbath ni a siangtho-a zat ding phawk in.	9. Na vengte langkhat ah a man lo teci na pang kei ding hi.
5. Na nu leh pa zahtak in.	10. Na vengte zi na deihgawh kei ding hi.

Thukham 10 a vekpi-in na zuihzawh ciangin, na mawhna hong kimaisak zo hiam?

---



---

Bang hang ahihkeh Bang hang hilo?

---



---




Mawhna sal i ut keileh, kua in suahtakna hong pia thei ding hiam?

---



---



Eite <ha  
Siangtho in bangte hong pia hiam?

---



---


# V. NUNGZUITE PASIAN TAWNTUNG GEELNA TAWH KIP UH HI

## Sinna 9

### Nungzuite Pasian Tawntung Geelna tawh Kip uh hi

#### Pasian Innkuan

Galatia  
Hehiphna Taktak  
Lungdamna Thu hilh hi



Ephesus  
Pasian Ngimna &  
Geelnate Hilhna



Pasian in ama nung azui mi peuhmah Ama Tawntung Geelna sungah kihel dingin hong deiha, tua pen thu-um mite Pawlpi hi-in Khazih pen Lutangpi ahi hi. Pasian in ama sungah eite mun thakah hong koihin anung i zuih manin a lamdang thuphate hong pia hi. Ama kammal tungtawnin eite gamtat nuntakzia ding hong lak hi.

#### Tangthu gen ding kiging in:

GPHD laimai 32-36 enphakik in. Ephesus 1:7-10; 19-23; 1:3-14; 2:1-6; le 3:16-19 te en in.

- Pawlpi tangthu pen Pasian Tawntung Geelna thu aihna gen thei ding.
- Pasian Tawntung Geelna sungah thuphate le nungzuite za neihna thu gen in.
- Lim le kimawl ding kiging khol in.
- Sinna 9 ading Lai Siangtho Kamngah laimal golpi tawh gelh in

#### Lai Siangtho Kamngah:

Ephesus 1:22-23

*“Na khempeuh ama khenuai ah koihin pawlpi aa dingin amah na khempeuhte lutang a suaksak hi. Pawlpi in ama pumpi hi a, na khempeuhte na khempeuh mah tawh a kidimsakpa kicinna ahi hi.”*

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.
- Kimawlpin in. Kamngah Lai Siangtho a genkik dingin dong in.

## Etkikna:

- Sinna 8 a tomin en in.
- Naupangte tungah dotnate dong in:
  - o Pasion hehpihna taktak bang ahiam?
  - o Kua in hehpihna taktak ahi Khazih upna ding hong pia hiam?
  - o Pasion hehpihna taktak lo buang mawh maisak nading lampi dang a om hiam?

## Tangthu genna 9.1:

- Ephesus 1:7-10, 19-23 tungtawnin Pasion' Tawntung Geelna thute gen in.

### Gen in:

- Ephesus laikhak pen Paul in lungdamna thu ziakin thong akiatna mun panin a gelh ahi hi. Amah in tua laikhak pen Christian masate upna lamah a hat nading le kipumkhat nading, Khazih theihna le **Tawntung Geelna** a theihna dingin gelh hi.
- Khazih geelna pen Paul hun ma-in kiselcip a, ahi zongin Pasion in tua thu hong pholak khia hi. **Pasion Tawntung Geelna in Khazih pen Pawlpi a kici thu-um mite kipumkhatna ii lutang ahi hi. Ei thu-um mite pen tua Pawlpi sungah midangte tawh kibangin pawlpi i hi hi.**
- Hehpihna Lungdamna Thu in thu-um mi khempeuh (mimal, innkuan, le Pawlpi) pen Pasion vangliatna geelna a sunglam panin midangte tungah a kilangkhasak ding ahi hi.
- Ephesus 1 sunga Pasion Geelna thu i en lai ding hi.

### Ephesus 1:7-10, 19-23 (Pasion tawntung geelna):

*“A kicing mahmah ama hehpihna thupha tawh kizui-in ama sisan tatkhiatna ahi mawh maisakna ama sungah i ngah hi. Amah in tua hehpihna thupha ahi ciimna le pilvanna namkim eite tungah kicingtakin hong piazo hi. Ama lungkimna bangin amahmah in a ngimsa ama deihna thusim eite a hong theisak zo hi. Tua in a gelsa hunte a kicin ciangin vantung le leitung a om nate khempeuh Khazih nuai ah koih theih nading ahi hi.”*

*“A thahat mahmah ama vangliatna bangzahin khauh hiam cih na theih nading uh zong thu kong ngetsak hi. Amah in tua vangliatna tawh Khazih sungah nasemin misite lak pan a thawhkiksak khit ciangin vantung ama taklam ah a tusak hi. A zalianpente, thuneite, vangliatna neite, ukna a neite khempeuh le tuhun bek hiloin a hong tung ding hunah a kiphuak lai ding min khempeuh sangin a lianzaw thamin a koih hi. Na khempeuh ama khenuai ah koihin pawlpi aa dingin amah na khempeuhte lutang a suaksak hi. Pawlpi in ama pumpi hi a, na khempeuhte na khempeuh amah tawh a kidimsakpa kicinna ahi hi.”*

### Naupangte hih thute dong in:

- Khazih sisan le Pasion hehpihna hangin, eite \_\_\_\_\_ le mawhna pan \_\_\_\_\_.
- Pasion ngimna in leitung le vantunga na khempeuh pen kigawm khawmin \_\_\_\_\_
- Khazih pumpi pen bang pawl ahiam? \_\_\_\_\_
- Kuate in Khazih pumpi ahi Pawlpi ah kihel thei ding uh hiam? \_\_\_\_\_

### Tangthu genna 9.2:

- Ephesus 1:3-14 tungtawnin Khazih hong geelsak eite thuphate le ngah ding hamphatnate thu gen in.

#### Gen in:

- Lutang Khazih nuai-ah thu-um mi pawlpi ading Pasion Tawntung Geelna sungah thuphate le neihnate kicingkhin hi.
- Ephesus 1:3-14 sung sim inla, tua sunga thuphate le hauhnate ciamteh in. [Laimal vom tawh kigelh hi.]

#### Ephesus 1:3-14 (Khazih Ngimna sungah Thuphate le Ngah khitsate):

*“Khazih sunga om vantung khalam thupha khempeuh eite a hong pia i Topa Zeisu Khazih Pa, Pasion kiphathahen. Ama mai ah a siangtho le mawhsakna om lo dingin leitung pianma in ama sungah eite a hong teel zo hi. Tuamah bangin ama lungkimna le ama deihna tawh kizui-in Zeisu Khazih tungtawnin ama tate a suak dingin itna tawh eite hong sehkhoh khinzo hi. Tua in a vanglian ama hehpihna a kiphath theih nading hi a, tua hehpihna hangin ama ltpa sungah eite a hong sangzo hi. A kicing mahmah ama hehpihna thupha tawh kizui-in ama sisan hanga tatkhiatna ahi mawh maisakna ama sungah i ngah hi. Amah in tua hehpihna thupha ahi ciimna le pilvanna namkim eite tungah kicingtakin hong piazo hi.*

*Ama lungkimna bangin amahmah in a ngimsa ama deihna thusim eite a hong theisak zo hi. Tua in a gelsa hunte a kicin ciangin vantung le leitung a om nate khempeuh Khazih nuai-ah koih theih nading ahi hi. Ama deihna le a ngimna zui-in na khempeuh a sempa in ama ngimna tawh kizui-in eite hong sehkhoh khin ahih manin tua Khazih sungah gamhluahna i ngah zo hi. Tua in Khazih a um masa kote hangin ama minthanna a kiphath theih nading ahi hi. Note in zong note hotkhiatna lungdamna thu ahi thuman thutak na zak khith uh ciangin amah na up manun hong kamciamsa Kha Siangtho tawh ciaptehna a hong khen hi. Pasion neihsa eite a hong kitatkhiat mateng tua Kha Siangtho in eite luahna kipsakna malep ahi hi. Tua in ama minthanna kiphath theih nading ahi hi.*

**Naupangte hih dotnate dong in:**

- Khazih sungah, Pasion in nungzuite tungah hong piakte: \_\_\_\_\_
- Na makai khat peuh tawh Pasion Tawntung Geelna sunga thuphate le neihlelamte (a vom tawh kigelhte) enkik in. Tuata lakah thu thum anuai-ah gelh in: \_\_\_\_\_

---

---

---

**Tangthu genna 9.3:**

- Ephesus 2:1-6 tungtawnin Khazih Geelna sungah panmun thak thu gen inla, Ephesus 3:16-19 sunga Paul in Khazih Tawntung Geelna ading thungetna gen in.

**Gen in:**

- Khazih a um mite in Tawntung Geelna ah panmun thak khat nei uh hi.
- Ephesus 2 sungah tua panmun thak kimu thei hi. Bangci gen hiam en dih ni.

**Ephesians 2:1-6. (Khazih Geelna sungah Panmun Thak)**

*“A beisa hunah na thuman lohna uh le na mawhna uh hangin kha thu tawh kisai-ah a si na hi uh hi. Tuahun lai-in leitung gitloh gamtatnate na zui uh a, Pasion thu a um lo mite sungah tu laitakin na a sem, huihlak a ukte’ thu na mang uh hi. A taktakin eite khempeuh zong amaute mah i bang ngei a, i pianpih lungsim zui-in nungta-in, i pumpi le i lungsim deihna bangin i gamta hi. Tua ahih manin eite khempeuh zong Pasion’ hehna hangin gim a thuak dingte ihi hi.*

*Tua bang hinapi-in Pasion’ hong hehpihna le eite hong itna lian mahmah ahih manin, i mawhna hangin kha thu tawh kisai-in misi ihih laitakin Khazih tawh eite hong nungtasak hi. Pasion’ hehpihna hangin hotkhiatna a ngah thei ihi hi. Khazih Zeisu tawh eite i kipawlina hangin vantungah amah tawh i ukkhawm theih nadingin sihna panin Pasion in a hong thokhawmsak hi.”*

**Naupangte hih dotnate dong in:**

- Eite mawhna thu ah i sikhina, tu-in bang dinmun ah omta i hiam? \_\_\_\_\_
- I sih ni ciangin, eite Khazih tawh i tukhawm dinga, koimun hi ding hiam? \_\_\_\_\_

**Gen in:**

- Ephesus 3 sungah Khazih Geelsa tawntung mun ading thungetna om hi. Tua thungetna sungah bang teng kihel hiam, en ni.

### **Ephesus 3:16-19 (Khazih Tawntung Geelna aa ding thungetna):**

*“Note’ lungsim a thahat nadingin Pasion in a kicing ama vangliatna sung panin a Kha Siangtho tawh note hong thakhauh sakin, na upna hangun note lungsim sungah Khazih hong tengin, itna thu-ah zung thuk kha-in bulkip na neih nadingun thu ka ngen hi. Tua hileh note in Pasion mi ahi midangte khempeuh tawh Khazih hong itna bangzah takin sau-in zai a, bangzah takin thukin sang ahi hiam, cih na theikhawm ding uh hi. Khrih hong itna a kicing takin theihkhit zawh loh ding ahi ta zongin note in thei-in, Pasion thu a cingin na theih nadingun thu ka hong ngetsak hi.”*

### **Naupangte hih dotnate dong in:**

- Pasion in thu-um mite tungah a piak ding Paul ii ngette lakah bang teng kihel hiam?
- 
- 
- 

### **Etphatna le Nuntakpihna:**

#### **Gen in:**

- Pasion in amah azui mite Tawntung Geelna sungah kihel dingin hong tela, lutang ahi Khazih nuai-ah thu-um mite kipawlna Pawlpi ah kihel hi.
- Pasion in ama sungah dinmun thak tawh thupha hong pia-a, amah tawh a luahkhawm nungzuite i hi hi. Amah in a kammal tawh i nuntak le gamtatzia ding hong hilh hi.
- Topa aw, A Tawntung aa ding na geelna hangin ka lungdam uh hi.

#### **Kikupna:**

Pasion Tawntung Geelna theihna tungtawnin na nuntakna bangci bangin hong huh thei hiam? (Naupangte in Pasion Geelna amaute ading nuntakpih theih dingin kikuppih in.)

### **Nungzuih Kimawlnate/Khutsiam nasepte:**

- Kimawlina 1: Zom Ding - Pasion Tawntung Geelna sunga Mite Pianzia
- Kimawlina 2: Pasion Tawntung Geelna sunga Thuphate - Behlap ding Dotna Laidal
- Kimawlina 3: Pasion Galvan Kimawlina

### **Lim tawh Sinna 9:**

- Zom Ding — Pasion Tawntung Geelna sunga Mite Pianzia
- Behlap ding Dotna Laidal - Pasion Geelsa Tawntung Thuphate
- Pasion Galvan Kimawlina



## Kimawlina 1: Zom Ding – Pasion Tawtung Geelna sunga Mite Pianzia

### Hilhcianna:

- Anuai-a Lai Siangtho munte sim in. Pasion Tawtung Geelna sungah kihel mite pianzia dingte enpha in.
- Tua pianziate pen Lai Siangtho mun tawh koih khawm in.
- A awnna munte ah a kizom theite koih in.

## Pasion Tawtung Geelna sunga Mite Pianzia

Ephesus 4, 5 le 6 te in Christian-te gamtatzia ding le Pasion Geelna sungah nuntakzia ding hong lak hi. Tuате lakah pawlkhat en lehang:

### Sianthona   Khuavak   Itna   Kipumkhatna   Kithutuahna   Gualzawhna   Kidopna

- \_\_\_\_\_ sungah tum in (Ephesus 4:16)  
“Tua lutang panin pumpi na a tuamtuamte in kituaktakin kizom a, amaute limtakin a kizop dimdiamna hangin pumpi pen pumkhat a suak thei hi. Pumpi na a tuamtuamte in amau sep ding ciat a sep uh cingin ki-itna ah pumpi khangin a cingtak a suak thei hi.”
- \_\_\_\_\_ sungah tum in (Ephesus 4:22-24)  
“Khemna tawh kidim lunggulhna hanga kisia, nidang a na mi lui gamtatnate uh suahkhia in, na lungsim uh thaksak unla, Pasion in dikna le sianthona taktak tawh amah banga a piانسak mi thak na silh un.”
- \_\_\_\_\_ sungah tum in (Ephesus 5:1-2)  
“Tua ahih manin it tate bangin Pasion tatzia etteh un. Khazih in eite a hong it manin eite adingin amah mah a kipiak bangin itna tawh gamta un. Eite aa dignin namtui biakpiak nading amahmah biakpiakna le gangawh biakpiakna in Pasion tungah a kipia hi.”
- \_\_\_\_\_ sungah tum in (Ephesus 5:8-11)  
“Nidang lai-in khuamial sungah na om uh hangin tu-in khuavak sungah na om uh hi. Tua ahih manin khuavak tate bangin gamta un. Bang hang hiam cihleh Kha gah in hoihna, dikna le thuman khempeuh ahi hi. Topa lungkimna in bang ahi hiam ci-in zong un. Phattuamna a omlo khuamial gamtatnate tawh kipawl loin tua gamtatnate a hoihlohna na pholakkhia zaw un.”


- \_\_\_\_\_ sungah tum in (Ephesus 5:15-17)  
 “Mihai bangin gamta kei unla, mipil bangin pilvang takin gamta un. Hun le nite sialua ahih manin hun hoihte khahsua kei un. Tua ahih ciangin mihai bangin om kei unla, Topa deihna bang ahi hiam ci-in theitel un.”
- \_\_\_\_\_ sungah tum in (Ephesus 5:33, 6:1-2)  
 “Ahi zongin note khatpeuh in amah le amah a ki-it bangin a zi it henla, a zi in zong a pasal zahtak hen.”  
  
 “Tate aw, Topa sungah na nu na pate uh thu na mang un. Bang hang hiam cihleh hih in thuman ahi hi. ‘Na nu le na pa zahtak in’ cih thu in kamciam tawh a kithuah kahwm thupiak masa pen ahi hi.”
- \_\_\_\_\_ sungah tum in (Ephesus 6:10-13)  
 “A nunungpen in sanggamte aw, Topa le a vanglian ama hatna sungah thakhauh un. Dawimangpa hong sawmnate na nanzawh nadingun Pasion hong piak galvante a kimin na silh un. Banghang hiam cihleh silesa tawh kido i hi kei a, a zalianpente, a thuneite, tulai leitung khuamial a ukte le van lam a daw i gilo honpite tawh a kido i hi hi. Tua ahih manin hunsiate nang zoin na khempeuh zo a, na dinkip zawh nadingun Pasion hong piak galvante a kimin silh un.”

## Kimawlina 2: A awnnate behlap in – Pasion Geelsa Tawntung Thuphate

### Hilhcianna:


- Lim nuai-a Lai Siangtho munte sim in. A kizam laimalte behlap in.
- Naupangte in limte zeem ding uh hi.

### Pasion Tawntung Geelna Thuphate



Ephesus 1:7 sungah Pasion kiang pan hong pai thupha nihte pen \_\_\_\_\_ le \_\_\_\_\_.

Ephesus 3:14-21 sungah thupha khat guk vei kipulak hi. Tua in \_\_\_\_\_




Ephesus 3:18-19 le 5:8-10 sungah thupha nih kipulak pha a: \_\_\_\_\_ le \_\_\_\_\_

### Kimawlna 3: Pasion Galvan

#### Hilhcianna:

- Ephesus 6:11-18 sunga Pasion Galvan pen siatna dona ding thupha letsong khat ahi hi. Tua sungah nam 7 om hi. Ephesus 6:11-18 sung sim in.
- Galvante galkap tungah ciaptehna bangin hohtakin koih in.

### Pasion Galvan



### Ephesus 6:11-18

1. Thuman Thutak Kawnggak
2. Dikna Sik Awmdal
3. Kilemna tawh kipawl lungdamna khedap
4. Upna lum
5. Hotkhiatna sik lukhu
- 6 & 7. Kha Siangtho Galhiam (Pasion Kammal) le Kha sungah thungetna nam khempeuh.

# VI. NUNGZUITE PASIAN INNKUAN SUNGAH KIP UH HI

## Sinna 10

### Nungzuite Pasion Innkuan Sungah Kip Uh Hi

#### Pasion Innkuan

##### 1 Timothy:

Pasion Innkuan sunga kilamzia thu hilh hi.




##### Galatia:

Hehpihna Taktak Lungdamna Thu hilh hi.



##### Ephesus:

Pasion Ngimna le Geelna thu hilh hi.



Pasion Innkuan ahi Pawlpi pen Zeisu Khazih a um mi peuhmah le a nung azui khempeuh pen limtakin nasem ding uh hi. Paul in a khangno alawm Timothy tungah Pawlpi bang ci bangin kalsuan ding cih theisak nuam hi. Pasion kiang pan ama theih thute Timothy tungah gensawna, tua panin Pawlpi masate tungah a hoih thuhilhna, Pasion thu sungah lungkimna, kha lam makai ding teelna, le aman innkuan kimakaihate kizelsak hi. Paul thuhilhate pen tuhun Pasion Innkuan adingin zong thupi mahmah lai hi. Tua thute i sin kawmin midangte tungah gensawn theih dingin hanciam ni.

#### Tangthu gen dingin kiging in:

GPHD laimai 37-41 sung thute enkik in. 1 Timothy 3:14-15; 2:4-6; 1:19; 2:1-3; 4:1-16; 5:1-3, 8; 6:8-10; Ephesus 5:22-25; 6:4; Titus 2:4; le Colosse 3:20-21.

- Thu-um mite pen Pasion Innkuan sunga kihelte ahih lam gen thei ding.
- Paul in Timothy tung le midangte bang hilh ding cih a gente hilhkik thei ding.
- Lim le kimawlnate ading kiging khol in.
- Sinna 10 na Lai Siangtho kamngah naupangte muh theih dingin a mal golin gelh in.

## Lai Siangtho Kamngah:

1 Timothy 4:12

*“Khangno na hihna kuamah kisimmawhsak kei in. Kampauna, gamtatna, itna, lungsim ngaihсутна, upna le sianthonate ah thu-um mite etteh dingin om in.”*

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.
- Kimawlpah in. Kamngah Lai Siangtho a genkik dingin dong in.

## Etkikna:

- Sinna 9 a tomin enkik in.
- Naupangte hih dotnate dong in:
  - o Pasion in tawntung ading a geel bang hiam?
  - o Pasion geelna bangin i nuntakna theih nadingin bang ci bang lampite kisam hiam?

## Tangthu genna 10.1:

- 1 Timothy 3:14-15, 1 Timothy 2:4-6, 1 Timothy 1:19, le 1 Timothy 2:1-3 tungtawnin Pasion Innkuanpih thu gen in.
- Paul le Timothy Lim/Zeem ding te Sinna 11 adingin zang in.

## Gen in:

- Paul in alawm khangno Timothy tungah laigelh hi. Pasion innkuan sung mi hihna thu le ahoih nuntakzia dingte theisak nuam hi.
- Paul in innkuan ahikkeh Pasion Innkuan pen Pasion Pawlpi hi, ci hi. Nang zong thu-um mi khat na hih le tua innkuan sungah na kihel hi. Paul in tua innkuan sunga kihel mi khat nuntakzia ding hong hilh hi.

## 1 Timothy 3:14-15 sim in:

*“Nang kiangah hong pai-in nang tawh kimu baih ding cih lametna tawh hih lai a hong gelh ka hi hi. Ahi zongin ka hong zekai khak zenzen le thuman thutak khuampi le bulpi, a nungta Pasion’ pawlpi ahi Pasion’ innkuan sungah bangci gamtat ding cih na theih nadingin hih ka hong laikhak in lam hong lak ding hi.”*

## 1 Timothy 2:4-6 sim in:

*“Mi khempeuh in hotkhiatna ngahin, thuman a theihkim ding Pasion in deih hi. Bang hang hiam cih le Pasion khat bek om a, Pasion le mite a hong kilemsakkik thei Khazih Zeisu khat bek om hi. Mi khempeuh a tankhia dingin tua Jesuh hong kipiatawm a, a hun lian laitakin a hong kipiakna pen Pasion in mi khempeuh a hotkhiat nopna thu a kilatna ahi hi.”*

**Naupangte hih dotnate dong in:**

- Paul in Pasion Innkuan pen \_\_\_\_\_ ci hi. (Tua pen Pasion Innkuanpih zong kici hi.)
- Kuate Pasion in hotkhiatna ngah ding deihsak hiam? \_\_\_\_\_
- Paul in mite gupkhiatna ngah theih nadingin lampi khat bek om ci hi. Tua in bang hiam? \_\_\_\_\_

**Gen in:**

- Timothy in ama nuntakna pen Pasion Kammal pan hilhnate le aman lo thuhilhate pelh ding cih ahi hi. Sawltak Paul in Timothy pen Pawlpi masa hunah makai hoih a suah ding deih hi.
- Paul in Timothy pen a khualzinna ah zinpih kawikawi-a ama tungah laikhak nih gelh hi (1&2 Timothy). Timothy pen Christian makai khat ahih manin Paul tung panin tampi sin ding nei lai hi. Tua pen nungzui kisinna zong kici hi.
- Nang zong hih laibu tungtawnin makai khat huhna tawh na sinleh, nungzui sinna a nei na hihi. Ni khat ni ciangin nang zong mite tungah gensawn thei-in midangte Christian nuntakna a thahat theih nading na huh thei ding hi.
- Paul in Timothy tungah Pasion Innkuan sungah nuntakzia agenna en ni.

**1 Timothy 1:19 sim in (Pasion Kammal sunga thuhilhna tawh kilam)**

*“Upna lenkipin lungsim tawng kisuanna omlo a na om theih nadingin hih thute hilhin kong pia hi. Mi pawlkhatte in tua thute nial uh ahih manin a upna uh tembaw kisia tawh a kibangsak uh hi.”*

**1 Timothy 2:1-3 sim in (Thungetna):**

*“A masa penin kong gennop thu in: Mi khempeuh adingin Pasion tungah ngetna, thungetna, thumna le lungdamkohna na neih ding uh ahi hi. Eite nuamtakin om thei-in, biakna lungsim nei-in a kilawm takin i nuntak theih nadingin kumpite le uliante adingin thu na ngetsak un. Hih bang gamtatnate pen eite hong Hon Pasion’ muhna-ah a hoih a kilawm thu ahi hi.”*

**Naupangte hih dotnate dong in:**

- Timothy tungah Paul ngaihsut piak bang hiam? \_\_\_\_\_
- Paul hilhna bangin zui kei leh, bangci bangin lauhuai ding hiam? \_\_\_\_\_
- Paul in Timothy tungah a thupipen in \_\_\_\_\_
- Paul in Timothy tungah thu a ngetsak ding mite na gen thei diam? \_\_\_\_\_

## **Tangthu genna 10.2:**

- 1 Timothy 4:1-16, 1 Timothy 5:1-3, 8, le 1 Timothy 6:8-10 tungtawnin Pasion Innkuan sungah Pasion mi hihzia ding thute gen in.

### **Gen in:**

- Paul in eite kidop ding teng le Pasion Innkuan sungah sep ding kilawm teng hong gen hi.
- Khangnote pen Pasion Innkuan sungah a thupi ahihna zong kitel takin gen hi.

### **1 Timothy 4:1-16 (Pasion Innkuan Sungah Pasion Mi Hihna Ding Kisinna):**

*“Nidang ciangin a upna panun mi pawlkhat pialin, zuauthu gente le dawu thu a kigente a zuih nading uh Kha Siangtho in teltakin a gen hi. Tua bang zuau thuhilhate pen zuau genin mi a khem, sik emsa tawh tatgawp bangin a lungsim un a hoih le a hoih lo a khenthe nawn lote’ kam panin hong gingkhia ding hi. Tua bang mite in zi neih le pasal neih ding le an pawlkhat nek ding hoih lo hi, ci uh hi. Ahi zongin thu umin, thuman thutak a thei mite in lungdamna ko-in a nek dingin Pasion in tua ante a bawl ahi hi. Pasion’ bawlsa na khempeuh a hoih hi a, nial loin, lungdamna pulakin san ding ahi hi.*

*Nang in na zuihsa upna thu le thuhilhna man na zuih kawmin hih ka hong thugente, i sanggamte kiangah na gen nakleh Khazih Zeisu nasem a hoih khat na hi ding hi. Pasion’ thu tawh a kituak lo, a haihuai tangthu phuahtawmte ngaihsutin na nei vet kei in. Pasion’ deihna tawh a kituakin na nuntak zawh nadingin na kisin in. Pumpi kisekin kisinna manpha hi. Ahi zongin kha thu-ah kisekin kisinna pen tuhun laitak le a hong tung ding hunah nuntakna hong pia thei ahih manin manphazaw lai hi, ci-a kigen pen a man taktak thu hi a, umin sin dingin a kilawm thu ahi hi. A diakdiakin ei thu umte in mi khempeuh a Honkhia, a nungta Pasion muangin lamem ihih manin nakpitakin hanciamin na a sem ihi hi.*

*Ka hong gensa thute na hilhsawn in. Khangno lai na hihna thu hangin mite’ simmawh dingin na om kei inla, kampauna, gamtatna, itna, upna, le sianthona-ah thu um mite’ etteh dingin na om in. Kei ka hong pai matengin mipi mai-ah Lai Siangtho simna, a khatna genna, le hanthotnate-ah tavuan na la in. Kamsangte’ thugennate le upate in na tungah a khut uh nga-in thu hong ngetsakna ahi nangma hih theih siamnate na valkhongsak kei in. Mi khempeuh in na khantohna hong muh theih nadingin hih thute limtakin ngaihsun inla, hahkatin na sem in. Na gamtatna le na thuhilhate-ah hoihtakin kidawmin om lecin nangmah a kipan na thugen a za mite adingin phattuamna om ding ahih manin na nasepna-ah hoihtakin om in.”*

### **Naupangte hih dotnate dong in:**

- Hih thu-ah Paul in sep ding thu thum a gente gelh in. \_\_\_\_\_
- Paul in sep loh ding thu thu a gente gelh in. \_\_\_\_\_



- Khangno lai na hih manin, Pasion innkuan sungah a thupi mah na hi hiam? \_\_\_\_\_
- Paul in 1 Timothy 4:7-8 sungah “\_\_\_\_\_ nadingin nang le nang kihilh in.” Amah in “\_\_\_\_\_ lam khat peuh pan hong huh ding hi.”
- Nang thupi na hih manin, Pasion in nang pen \_\_\_\_\_ midangte Khazih kiang a tunpih dingin hong deih hi (1 Timothy 4:12).

**1 Timothy 5:1-3, 8 sim in:**

*“Nang sangin a uzaw mite taiibawl kei inla, na pa bangin ngaihsunin hanthawn in. Nang sangin a nauzawte na nau bangin bawl in. Nang sangin a uzaw numeite na nu bangin bawl inla, nang sangin a nauzaw numeite, lungsim siangtho tak tawh na nau numei bangin bawl in.*

*Meigong taktak ahi numeite zahtakbawl in.”*

*“Mi khatpeuh in a beh a phung, a diakdiakin a innkuansung mite a vak nop kei le a upna a nusia hita a, thu-um lo mite sangin siazaw lai hi.”*

**1 Timothy 6:8-10 sim in:**

*“Tua ahih manin annek ding, puansilh ding i neih zahzah tawh lungkim ni. Ahih hangin ahau nuam mite in ze-etna thang sungah awk uha, a haihuai le a lauhuai lunggulhna tampite sungah a awk uh hi. Tuat in siatna le manthanna sungah amaute a tumsuksak hi. Bang hang hiam cihleh sum deihluatna in siatna nam khempuhte bulpi khat ahi hi. Sum deihluatna panin lampial uha, lunggimna tampi a kisan uh ahi hi.”*

**Naupangte hih dotnate dong in:**

- 1 Timothy 5:1-2 sungah eite in mi pawl lite ‘siangtho takin’ pawlpih ding hong kici hi. Tua Tua pawlte i pawlpihzia ding gelh in.

Pawl	Pawlpihzia
Khangham pasal	_____ ahih manin
Khangmoi pasal	_____ ahih manin
Khangham numei	_____ ahih manin
Khangmoi numei	_____ ahih manin

- Kuat in khat guak a om meigongte don ding uh hiam? \_\_\_\_\_
- Kuat in a sanggamte don ding uh hiam? \_\_\_\_\_
- Sum deihluatna in hoih/sia hi. Koizaw hiam? \_\_\_\_\_

- 1 Timothy 6:8-10 in lungdamna dingin hauhna zong lo-in eite neihzah tawh \_\_\_\_\_

### **Tangthu genna 10.3:**

- Ephesus 5:22-25, Ephesus 6:4, Titus 2:4, le Colosse 3:20-21 tungtawnin Pasion Innkuan sunga kigualhziat tu gen in.

#### **Gen in:**

- Pasion ading athupi, le Paul ading zong a thupi aa a ngaihsut Pasion Innkuan sunga kimakaihziat a man bangin theih ding ahi hi.
- Pasion pen na khempeuh a piangsak hi-a na khempeuh uk hi. Amah in innkuante sungah a kilawm kilamzia neikhin hi. Tua innkuan sunga om mi khempeuh ki-it ding le kizahtak ding thu ahi hi. Kuamah kimai-et tuam omlo ahihkeh gawtbawl cih bang omlo-in, khat le khat kizopna ah Pasion thupiak bangin mangin om ding ahi hi.
- Paul laikhak dang nihte tungtawnin Pasion Innkuan sunga Pasion deih innkuan kilamziate en lai ni.

#### **Ephesus 5:22-25 sim in (Pasion Innkuan sungah kigualhzia):**

*“Zite aw, Topa’ thu na man uh mah bangin na pasalte uh thu na mang un. Bang hang hiam cih le Khazih pen ama pumpi ahi pawlpi a honkhia pa hi-in, pawlpi tungah ukna thu a neih mah bangin pasal in a zi tungah ukna thu a nei ahi hi. Pawlpi pen Khazih khutnuai ahih mah bangin zite zong thu khempeuhah a pasalte uh khutnuai hi ding uh hi.*

*Pasalte aw, Khazih in pawlpi itin a pumpi a piak mah bangin na zite uh na it un.”*

#### **Ephesians 6:4 sim in:**

*“Pate aw, na tate uh a heh nadingun phin kei un. Topa thu tawh hilhin pantah unla, khansuah un.”*

#### **Titus 2:4 sim in:**

*“Amaute in a khanglai nupite tungah a pasal le a tate uh a itte theih ding uh hilh ding hi.”*

#### **Colosse 3:20-21 sim in:**

*“Tate aw, na khempeuh ah nulepa thu na mang un. Banghang hiam cihleh hih in Topa a lungkimsak hi. Pate aw, na tate uh phin kei un. Amaute lungkia kha ding uh hi.”*

#### **Naupangte hih dotnate dong in:**

- Pawlpi lutang in kua hiam? \_\_\_\_\_
- Innkuan lutang in kua dingin kilawm hiam? \_\_\_\_\_
- Pasalte in zite koici it ding uh hiam? \_\_\_\_\_

- Nulepate in tate koici bawl ding uh hiam? \_\_\_\_\_
- Tate in nulepate koici bawl ding uh hiam? \_\_\_\_\_

### **Etphatna le Nuntakpihna:**

#### **Gen in:**

- Paul in I Timothy a gelhna a hang pen a khangno lawm Timothy tungah Pasion Innkuan ahi Pawlpi pen thu-um mite tawh kilamin hoih takin na a sep theih ding hilh hi. Paul om nawnloh ciangin Timothy in ama mabante a zom dingin deih hi. Timothy in ahoih thuhilhna, Pasion thu sungah lungkimna, kha lam makai ding teelna, le ahoih innkuan kimakaihzia telsak nuam hi.
- Paul in Timothy tungah a gente zong tuni Pasion Innkuan adingin thupi hi. Tuata i sin ciangin, midangte tungah zong hawmsawn ding hihang.
- Topa aw, Pasion Innkuan thu hong sinsak na hih manin ka lungdam hi.

#### **Kikupna:**

- Paul hong hilh ahi Pasion Innkuan thu in nang adingin bangci bangin phattuumna hong pia hiam?  
(Naupangte in nuntakpih thei ding Paul laigelhte hih sinna tungtawnin ngaihsunsak in.)

### **Nungzuih Kimawlnate/Khutsiam nasepte:**

- Kimawlna 1: Paul le Timothy Lim/Zem ding pen Sinna 10 kisin nadingin zang in. Naupangte in lim zeem ding uh ih.
- Kimawlna 2: Pasion Innkuan Lamna, Sinna 10 ading Limte ah om hi.
- Kimawlna 3: Sinna 10 sunga Pasion Innkuan sunga Kilamzia zang in.

### **Lim tawh Sinna 10:**

- Paul le Timothy Lim/Zem ding
- Pasion Innkuan Lamna
- Pasion Innkuan sunga Kilamzia

Paul le Timothy



## Kimawlna 2: Pasion Innkuan Lamna




### Hilhcianna:

- Paul pen 1 Corinth 3:10 sungah innlam siampa kici hi. Amah in Pasion Innkuan lam ding hanciama, mite zong Pasion sungah a thahat theih nading huh hi.
- Ama thugen le laigelhte in Pasion Innkuan sunga thu-um mi thak khat adingin zat ding kilawm vanzatte ahi hi.
- Anuai-a lim tungtawnin Thuciam Thak sunga ‘vanzatte’ na en inla, Paul ii ngimna om bangin laimal kizom dingin bawl in. [Sinna 8-10 sunga limte na kikap leh zang in.]

### **Paul laikhakte tungtawnin anuai-ate kizomsak in:**

- Amasa laikhak sungah Hehpihna Taktak Lungdamna thu hilhna
- Alaizang laikhak sungah Pasion Ngimna le Geelna thu hilhna
- A nunung laikhak sungah Pasion Innkuan sunga Kilamzia thu hilhna

## Pasion Innkuan Lamna


		
<p><b>Laibu: Galatia</b></p> <p><b>Ngimna:</b></p> <hr/> <hr/> <hr/> <hr/> <hr/>	<p><b>Laibu: Ephesus</b></p> <p><b>Ngimna:</b></p> <hr/> <hr/> <hr/> <hr/> <hr/>	<p><b>Laibu: 1 Timothy</b></p> <p><b>Ngimna:</b></p> <hr/> <hr/> <hr/> <hr/> <hr/>

### Kimawlna 3: Pasion Innkuan Sunga Kilamzia

#### Hilhcianna:

- Ephesus 5:22-24, Ephesus 6:4, Titus 2:4, Colosse 3:20-21, le 1 Timothy 5:1-3 munte simkik in. Hih munte in Pasion Innkuan sungah kilamziate gen hi. Pasion in ama innkuan pen makaihna le kizahtakna limtak a om theih nadingin geel hi. Gentehna-in, eite in eite hong makaih mite i zahtak dinga, tuate pen i nulepa ahikkeh hong makaih khat peuhpeuh le pawlpi makaite ahi uh hi.
  - Anuai-a **Pasion Innkuan Sunga Innkuan kilamzia** kimawlna in Pasion Innkuan sungah na panmun hong kitelsak ding hi.
  - A awnna munte behlap inla, kualbeem pen mel tawh zeem in. Hih dotnate pen na lawmte ahikkeh makai khat tawh kikumin behlap in.
1. Kualbeem laizanga singlamteh in Khazih a cihnopna ahi hi. Mimal nuntakna hitaleh innkuan nuntakna ah kua pen a laizangah om ding hiam? Khangno khat na hi phial zongin, Zeisu Khazih a um mi khat na hih leh, Khazih tawh a laizang ah na om hi. Tua mun ah na min gelh in. Tua mimal mun pen ankam mel zeem in. **Zeisu Khazih tawh na kizopna pen thupi mahmah-a, Khazih na theihna le ama thu na manna in innkuan sung le pawlpi sungah mihoih na suah nadingin hong huh thei hi.**
  2. A kualbeem nihna in zi le pasal kiteenna a cihnopna ahi hi. Na nu le na pate min hih munah gelh in. Tuate min na theih keileh zong, na theih khat min gelh inla, ahikkeh tua mun zong a awngin koih in. Tua mun pen vandum mel zeem in.
  3. A kualbeem thumna in **innkuan** acihna ahi hi. Tua sungah nulepa le naupangte kihel uh hi. Tua munah na min gelh inla, na sanggam numei/pasalte min zong gelh in. Innkuan khempeuh a kibang om gai tuan lo thei hi. Nang tawh a omkhawm nulepa bek hilo, pilepu zong na neilai kha dinga, ahik keileh adang khangham khat peuh, ahikkeh **nang hong kem upa khat** peuh zong hi thei hi. Tuate minte zong hih sungah gelh in. Tua innkuan kualbeem pen a **eng** mel zeem in.
  4. A kualbem lina in Pawlpi, Pasion Innkuan ahi hi. Tua sungah leitunga thu-um mi khempeuh kihel dinga, khangham pan kipan khangmoi, numei, naupang kihel ding uh hi. Hih sungah khangnote zong kihel ding uh hi. Na pawlpi sungah thu-um mi nang sangin a khangham zaw khat ii min gelh in. Hih mun pen manta mel zeem in.


# Pasian Innkuan Sunga Kilamzia



# VII. NUNGZUITE KHAZIH SUNG LE KHAZIH TAWH KILAM UH HI

## Sinna 11

### Khazih Sungah Na Nuntakna



Pasian in Khazih nungzuite hauhna hong pia-a, ama Tapa upna tawh mite telzawh loh a tawntung kimang ding nate hong pia hi. Eite in gupkhiatna le tawntung nuntakna ngah bek hilo-in, eite in kilemna, nuntakna thak, Pasian tawh kinaina, le adang thuphate i ngah hi.

#### **Tangthu gen dingin kiging in:**

GPHD laimai 42-44 ennik in. Matthew 13:44-46 le Sinna 11 sunga Lai Siangtho munte ennik in.

- Khazih sunga kingah hauhnate thu gen thei ding.
- Van Manpha Zonzia kimawlna kiging in. Naupangte ading a manpha ahi na khat peuh naupangte in a zon theih nading kimawlna khat bawltawm in (neektheih khat peuh, nau milim, laibu, cihbangte). A telbah gamlim khat kiging in.
- Lim le kimawl dingte kiging khol in. Kimawlna 2 ading a kiphiatkik thei a dal gol khat zong kiging in.
- Sinna 11 ading Lai Siangtho Kamngah laimal golpi tawh gelh in.

#### **Lai Siangtho Kamngah:**

Philippi 4:19

*“Ka Pasian in Khazih Zeisu sunga ama thupina tawh kituak hauhna tawh na kisapna khempeuh uh hong pia ding hi.”*

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.
- Kimawlpih in. Kamngah Lai Siangtho a genkik dingin dong in.



## Etkikna:

- Sinna 10 a tomin enkik in.
- Naupangte tung hih dotnate dong in:
  - o Pasion innkuan sungah kihel acih ciangin bang khatna nei hiam?

## Tangthu Genna 11.1:

- Matthew 13:44-46 tungtawnin vantung gam sunga na manphate thu gen in.

### Gen in:

- Tuni-in van manpha zonna pawlkhat nei ding hihang. Hih gamlim na zui in. Tua van manpha na muh ciangin, kem inla midang tungah zong gen sawn in. [Van manpha zonna hun pia in.]
- A kiselsim van manpha na zon ciang nuam na sa hiam? Tuni i sin ding pen Khazih sunga kimu thei van manpha kisel thu hi-a, tua pen leitunga na khempeuh sangin manpha zawlai hi.
- Zeisu in thugentehna a tom nih hilha, tuate in van manphate ahihkeh Pasion gam sunga hauhnate i tel theih nading hong huh ding hi. Tua van manpha nihte na zak nadingin limtak ngai in.

### Matthew 13:44-46 sim in:

*“Vantung ki-ukna pen lolai-ah a kiseel sum tawh kibang hi. Mi khat in a muh ciangin limtakin a seelpha hi. Amah lungdam mahmahin a inn-ah ciahpah a, a neih khempeuh a zuak khit ciangin tua lo a lei hi. “Vantung ki-ukna pen sumbawlpa in a zon kep hoihpente tawh zong kibang hi. Sumbawlpa in a manpha diak pawl kep khat a muh ciangin ciahpahin a neih khempeuh a zuak khit ciangin tua kep a lei hi.”*

### Naupangte hih dotnate dong in:

- Matthew in vantung ki-ukna tawh kisai-in a manpha nam nihte tehkaak hi. Bangte hiam? \_\_\_\_\_, \_\_\_\_\_

### Gen in:

- Pasion ukna sunga mi khat i hih theihna pen a kisel na manpha ngahna ahihkeh kep hoih a ngah tawh kibang hi.
- Khazih sunga hauhnate eite khuak tawh i tel loh tampi om hi. Tuate pen ciangtan omlo ahihkeh bei ngeilo hi. Ephesus 3:8 sungah: *“Mi siangtho khempeuh lakah a neupen sanga a neuzaw lai keima tungah Pasion in hih hehpihna thupha hong pia zo hi. Tua in a kimukhia zolo Khazih hauhna thu Gentile-te ka hilh theih nading ahi hi.”*
- Khazih sungah hauhnate le Pasion thuphate pen eite neih na khempeuh sangin manpha zawpek hi. Tua Khazih sunga hauhnate pen vanlena hilo uh hi (sum ahihkeh khamlengun ahihkeh limte). Tuate pen kha thuphate ahi hi (gupkhaitna, lungdamna, itna, kilemna, le tawtung nuntakna).

- Eite in hih hauhate i leizo kei ding hi. Tuata pen Zeisu Khazih sung bekah kimu thei hi. Ama ading i nuntak ciangin eite tungah hong pia hi. Ama hauhna bei ngeilo-a, a tawntung kimang hi.

### **Tangthu genna 11.2:**

- Paul gelh Ephesus, Colosse, and Thessalonica Lai Siangtho-te tungtawnin Khazih sunga kingah hauhate gen in.

### **Gen in:**

- Pawlpi masate tungah Paul in a laikhakna sungah Zeisu Khazih sunga om hauhate thu gelh hi.
- Anuai-a Ephesus Lai Siangtho sung en in. Hih munte ah Pasion in van manpha tampi tak hong koihsak hi.
- Anuai-a Van Manpha kimawlina tungtawnin, Lai Siangtho munte panin laigual git inla ‘Khazih sunga Van Manpha’ omna mun kaww in.

LST Mun		Khazih sunga Van Manphate
Ephesus	1:5	Itna
	1:7	Lam-etna le Hehnepna
	1:13	Adim le Aman Nuntakna
	1:19	Mawhna Maisakna
	2:5	Kilemna
	2:6	Nuntakna Thak
	2:7	Gupkhiatna
	2:13	Vangliatna/Kha Tha
	2:14	Vantung
	3:19	Pasion tawh Kinaina
Colosse	2:9-10	Hehpihna
2 Thessalonica	2:16-17	Pasion Ta Suahna

- Colosse 2:9-10 sungah, “Pasian pianzia khempeuh Khazih pumpi sungah om hi. Note in zaliatna le thuneihna khempeuhthe lutang ahi tua Khazih sungah kicingin na om uh hi.” Nang sungah Khazih hong om acih nopna in bang hiam? \_\_\_\_\_  
\_\_\_\_\_
- 2 Thessalonica 2:16 sungah, “I Topa Zeisu Khazih mahmah le eite hong it a, a hehpihna thupha tawh a tawntung hehnepna le lametna pha hong pia i Pa Pasian in na lungsim uh hong hehnep nadingin thu ka ngen hi.” I Topa Zeisu Khazih le Pa Pasian in bang hong pia hiam? \_\_\_\_\_  
\_\_\_\_\_  
\_\_\_\_\_

### **Etphatna le Nuntakpihna:**

#### **Gen in:**

- Ama Tapa i upna tawh Pasian hong piak thuphate pen eite ngaihsut zawh ding hilo-a, bei ngeilo ding hi!
- Topa, Khazih sunga hauhna le van manphate hangin ka lungdam uh hi.

#### **Kikupna:**

Khazih sungah hauhna i theih ciangin nang ading bang ci bangin hong huh thei ding hiam?

(Naupangte in Khazih sunga hauhnate a tel takpi nadingin panpih in.)

### **Nungzuih Kimawlnate/Khutsiam nasepte:**

- Kimawlina 1: Sinna 11 ading Van Manpha Kuang suai in
- Kimawlina 2: “Khazih Sungah” Khutme ciaptehma

### **Lim tawh Sinna 11:**


- Van Manpha Kuang suai in
- “Khazih Sungah” Khutme ciaptehma

# Kimawlna 1: Van Manpha Kuang suai in

Hilhcianna:

- Nambatte zui inla, van manpha kuang suai in.

## Van Manpha Kuang suai in



## Kimawlna 2: “Khazih Sungah” Khutme ciaptehna


### Hilhcianna:

- **Singlamteh in Zeisu Khazih a cihnopna hi.** Khazih in na mawhna hong maisak hi, cih na muan ciang, nang pen “Khazih sungah” mi thak na suak khinta a, thupha namkim na ngahta hi. Zeisu muangin, Khazih Pumpi ahi innkuan sungah pawlmi na hita a, anuai-a lim tungtawnin na hihna kilangsak in.
- Laitui sungah na mekaww diah inla, singlamteh tungah tua pen tum suk in.

[Gentehna:



## “Khazih Sungah” Khutme ciaptehna



## Sinna 12

### Khazih Tawh Na Nuntakna



Thu-um mi khat aading a lianpen hamphatna in a nungta Pasion omna sungah suakta taka pai theihna ahi hi. **Pasion tawh nisimin kikhoh khop ding pen na kha nuntakna dingin thupi a, Khazih tawh tonkhopna ahi hi.** A etlawm mahmah thu khat in **Pasion in eite tawh hun zat khop ding le amah tawh kizop ding hong deih hi.** 1 Corinth 1:9 sungah, “*Ama Tapa, i Topa Zeisu Khazih tawh a kipawlkhawm dinga note hong sampa in a citak Pasion ahi hi.*” Khazih tawh nuntakna zangkhawm a cih ciangin ama lawm suahna ahi hi. Topa tawh hun na zat ciangin, nang adingin a thupipen tawh a kikhawl na hi hi.

#### **Tangthu gen ding kiging in:**

GPHD laimai 45-47 sung enkik in. Luke 24:13-32; Galatia 5:16; Colosse 2:6; Rom 6:4; Ephesus 5:2; Joshua 1:8; Matthew 6:33; le John 15:4-6, 10 te simkik in.

- Khazih tawh nuntakna thak neih ding thu-um mite ading a lamdang ahihia gen ding. Pasion in amah tawh kinaitakin i om ding hong deih hi.
- Khazih tawh i ngah nuntakna sungah koici nuntak ding cihthute gen in.
- Lim le kimawlnate kiging khol in.
- Sinna 12 ading Lai Siangtho Kamngah laimal golpi tawh gelh in.

#### **Lai Siangtho Kamngah:**

Kilakna 3:20

“Ngai in, kongkhak gei ah dingin kong ka kiu hi. Mi khatpeuh in ka aw za a, kong a hong hon le ama sungah ka lut dinga, amah tawh an nekhawmin amah in zong kei tawh an a nekhawm ding hi.”

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.
- Kimawlpin in. Kamngah Lai Siangtho a genkik dingin dong in.

## Etkikna:

- Sinna 11 a tomin enkik in.
- Naupangte hih dotnate dong in:
  - Lai Siangtho in Pasian hong piak nate hangin i hau hi, ci hi. Tuata lakah koite hiam?
  - Tua bang hauhate Khazih sungah koici ngah theih i hiam?
  - Hauhna in koi ciang dong ban hiam?

## Tangthu genna 12.1:

- Luke 24:13-32 tungtawnin Khazih thawhkikna le nungzuite kiang kilaknate thu gen in.
- Emmaus Lampi tungah Zeisu Lim/Zeem dingte zangin Sinna 12 hilh in.

### Gen in:

- Zeisu si-in kivui hi. Nithum ni-in han pan thokik hi. Amah thokik hi!
- Amah a thawhkik khith ciangin a nungzuite kiangah kilang hi. Amaute tawh kikhawlin kiho uha, an nekhawmin, han sungah a om nawnloh lam gen hi.
- Nungzuite in bang thu piang cih a tel nading hun tampi la uh hi. Zeisu in lungduai takin ompih hi. Amah in amaute lungsim honsakin Lai Siangtho gen thute tel thei pan uh hi.
- Zeisu a thawhkik khith ciangin a nungzuite tawh hun pawlkhat zang hi cih thu i sim ding hi.

### Luke 24:13-32 sim in:

*“Tua ni mahin, Zeisu thu a zui mi nih, Jerusalem khua panin tai sagih bang a gamla Emmaus kici khua-ah a pai uh hi. A paikawmun hih thupiangte kikumkum uh hi. Tua bangin kiho-in thu kikumin a om laitakun Zeisu mahmah in hong naihin amaute tawh hong tonkhawm hi. Amau tegel in a muh hangun Zeisu ahihlam thei lo uh hi.*

*Zeisu in, “Na lam paikawmun bang gengen na hi uh hiam?” ci-in a dong hi.*

*Amau tegel zong dinkhawl pah uh a, a maisuah uh dahmai mahmah lai hi. Tua ciangin amau tegel sung panin Kleopas a kici pa in, “Jerusalem-a hawhte lakah tusawng tenga tua lai-a thupiang a thei lo nang bek na hi ding hi,” ci-in a dawng hi. Tua ciangin Zeisu in amaute kiangah, “Bang thu ahi hiam?” ci-in a dot ciangin amaute in, “Nazareth khuami Zeisu tunga thupiang ahi hi. Amah pen kamsang khat hi a, Pasian le mite khempeuh in a thugen le a nasepna-ah vang a nei mahmah khatin a ngaihsut uh ahi hi. Ahi zongin ka siampi liante uh le ka uliante un sihna thukhenna a thuak dingin Pilat tungah ap uh a, singlamteh tungah kithat hi. Amah pen Israel mite a honkhia ding pa hi, ci-in ka lamet uh ahi hi. Tua bang hinapi-in hih thuteng hong piang a, tu-in a thu pianzawh a ni thumna hita hi. Ko pawlte’ sung panin numei pawlkhat in lamdang ka sak uh thu hong gen uh hi. Amaute, tu zingsang tungin hanah va pai uh a, ahi zongin ama luang na om nawn lo hi. Tua ciangin amaute hong चाहकिक uh a, vantung mite a muhna uh le tua vantung mite in Zeisu a hinkik khitna thu a gennate uh hong gensawn uh hi. Tua ciangin ka lawmte uh pawlkhat zong hanah va pai uh a, numeite’ gen bang teekteekin va mu uh a, ahi zongin Zeisu mu lo uh hi,” ci-in a dawng hi.*

*Tua ciangin Zeisu in amau tegel kiangah, “Bangzah takin hai a, bang dingin kamsangte’ thugen um thei lo na hi uh hiam? Khazih in minthanna a ngah nadingin hih bangteng a thuak ding kiasm hi lo ahi hiam?” a ci hi. Tua ciangin Zeisu in Lai Siangtho sungah ama thu a kigennate khempeuh, Moses laibu a kipanin kamsangte’ laibu khempeuh a khatna a gen hi.*

*Tua khua a tun uh ciangin Zeisu a paisuak ding bangin hong om a, ahi zongin amau tegel in kho-in, “Tu-in nitak lam hita a, ni tum dektak ahih manin ko tawh hong tamkhawm in,” a ci uh hi. Tua ahih manin Zeisu zong amaute tawh a tam hi.*

*Amaute tawh an ne dingin a tut ciangin Zeisu in anlum la a, Pasion tungah lungdamna a kohkhit ciangin balnenin amaute a pia hi. Tua laitakin a haktawm bangin Zeisu ahih lamtak mu-in thei uh a, ahi zongin amau’ muhna panin Zeisu a mangpah hi. Amau tegel in, “Lampiah i paikawmin Lai Siangtho khatna hong gen laitakin i lungsim hong lawpsak mahmah hi mah lo ahi hiam?” a kici uh hi.”*

### **Naupangte hih dotnate dong in:**

- Bang hangin Cleopas le alawm Emmaus lampi tungah apai laitak dah uh ahi hiam? \_\_\_\_\_
- Mi nihte tawh a tonkhawm khualmi in kua ahi hiam? \_\_\_\_\_
- Tua mipa in mi nihte kiangah bang thu gen hiam? \_\_\_\_\_
- Tua khualmi pa bang hun ciangin tel pan uh hiam? \_\_\_\_\_

### **Gen in:**

- Zeisu a thawhkik ciangin a kipulakna muna om mite in amah pen mimal-in thei uh hi. Amaute pen a nungzuite ahi hi. A it a lawmpa uh pen nungta hi, cih a theih uh ciangin a lungdamzia uh kigen theilo ding hi.
- Zeisu tawh kisai-in a lamdang thu khat om hi. Amah pen mihing mawkmawk khat hilo hi. Amah pen Pasion Tapa ahi hi.
- Eite in Khazih pen i mawhna hong lakkhiatsak ci-in muangin amah i zuih leh, a kikhel mi i hita hi. Khazih sungah ‘mi thak’ ihi hi. 2 Corinth 5:17 sungah: *“Tua ahih manin mi khat peuh Khazih sungah a om le mi thak a suak hi. En in, a lui nate bei-in na khempeuh a thak suakzo hi!”*
- Eite in a nungta Pasion tawh mimal kizopna i nei theita hi. Tua pen Pasion deihna ahi hi. Amah tawh nisimin hun zat ding pen i kha adingin hoiha, Khazih tawh kikhohkhopna zong ahi hi. Topa tawh Ama Thu simin hun na zat le thu na nget ciang, amah tawh kinai theih nading a thupipen a sem na hi-a, amah na telzawm na ding ahi hi.
- Zeisu in a nungzuite tungah Khazih sungah nuntakna thu mite kiangah gen ding ahihna telgen hi.



## **Tangthu genna 12.2:**

- Galatia 5:16; Colosse 2:6; Rom 6:4; Ephesus 5:2; Joshua 1:8; Matthew 6:33; le John 15:4-6, 10 tungtawnin Khazih sunga nuntakna thak in koici bang hiam cih thute hilh in.

### **Gen in:**

- Paul laikhakte tungtawnin eite in pawlkhat i sim dinga, Khazih sungah a thak anungta mite nuntakzia ding i kikum ding hi.
- Tua kammalte i sim le kikap ciangin, anuai-a a awnna munte ah amanpen na sakte man pia in.

### **Galatia 5:16 sim in:**

*“Ken kong cih in ah Kha sungah na gamta un. Tua hileh cilesa lunggulhna na zui kei ding uh hi.”*

Eite sunga om Kha makaihna zui lehang, eite pen:

\_\_\_ Satan neihsa ihi hi

\_\_\_ mawhna lampi i zui nuam ding

\_\_\_ Pasion hong deihsaknate i zui ding

### **Colosse 2:6 sim in:**

*“Tua ahih manin Topa Khazih Zeisu na san khit mah bangun ama deihsa bangin gamta un.”*

Khazih i san khit ciangin, kua sungah nungta i hiam (kua in hong nei)?

\_\_\_ Satan

\_\_\_ Eimah

\_\_\_ Khazih

### **Romans 6:4 sim in:**

*“Ama sihsa sungah hong kiphum ahih manin amah tawh hong kivuikhawm khinzo hi. Tua in misite lak pan Pa vangliatna tawh Khazih a thawhkik bangin eite zong nuntakna thakah i kalsuan theih nading ahi hi.”*

Khazih sungah nuntakzia ding Pasion in koi bang hong deihsa hiam?

\_\_\_ Khazih i theihma tawh kibang

\_\_\_ Khazih sungah nuntakna thak

\_\_\_ Kei ut banga sep ding lungsim

**Ephesus 5:2 sim in:**

*“Khazih in eite hong it manin eite aa dignin amahmah a kipiak bangin itna tawh gamta un. Eite aa dingin namtui biakpiak nading amahmah biakpiakna le gangawh biakpiakna in Pasion tungah a kipia hi.”*

Khazih sunga nuntakna thak in eite bang nuntakna ah hong omsak:

\_\_\_\_\_ itna

\_\_\_\_\_ launa

\_\_\_\_\_ muanmawhna

**Joshua 1:8 sim in:**

*“Hih thukham laibu na mangngilh ngei kei ding hi. A sunga a kigelh thute khempeuh tawh kizui-in na gamtat theihna dingin sun le zanin na lungngaingai ding hi. Tua hileh na mavang dinga, na nasep tangtung ding hi.”*

Pasion Kammal pen eite in bang hun ciangin lungngai ding ihi hiam?

\_\_\_\_\_ I ut hun ciang

\_\_\_\_\_ khat veivei

\_\_\_\_\_ a tawntung (sun le zan)

**Matthew 6:33 sim in:**

*“Tua ahih manin Pasion kumpigam le Ama dikna zong masa un. Tua hileh amah in hih nate khempeuh a hong piak beh ding hi.”*

Thu-um mite in bang lunggulh pen ding uh hiam?

\_\_\_\_\_ Pasion Kumpi gam

\_\_\_\_\_ Pasion deih nate

\_\_\_\_\_ ahoih le anuam hun

**John 15:4-6, 10 sim in:**

*“Kei tawh hong kizom paisuak le-uhcin kei zong note tawh a kizom paisuak ka hi ding hi. A hiang pen a gui tawh kizom kei le gah a gah theih loh mah bangin note zong kei tawh na kizop kei uhleh gah na gah thei kei ding uh hi.*

*“Kei pen leenggui ka hi a, note pen a hiang na hi uh hi. Note in kei tawh loin bangmah hih thei lo ding na hih manun kei tawh a kizomte in gah tampi na gah ding uh hi. Kei tawh a*

*kizom lo mite pen leengui hiang bangin kipaai khia-in keutum hi. Tua bang hiangte meikhuk sungah kilawnin a kangtum hi.*

*Ka Pa' hong thupiakte zui-in ama itna sungah ka om mah bangin note in zong ka thupiaknate na hong zuih uhleh ka itna sungah a om na hi ding uh hi."*

Khazih sungah om a cih ciangin bang khatna nei hiam?

\_\_\_ kei ngaihsut a hoih pen bangin sem

\_\_\_ Pasion' thu bangin gamta

\_\_\_ Khazih itna sungah nungta

### **Etphatna le Nuntakpihna:**

#### **Gen in:**

- Nang pen Khazih nungzui hi-in ama thute simin, thungen nuam mi khat na hih ding kisam hi. Amah tawh omkhawmin, amah tawh anaipen ah om in. Ama thu mite kiangah a gen dingin kiging in.
- Khazih tawh nuntakna hangin Topa ka lungdam uh hi.

#### **Kikupna:**

Khazih tawh na nuntakna na tel semsem ziaikin tuni le zingciang ading nang bangci-in hong huh thei hiam?

(Khazih tawh nuntakna thute naupangte in a ngaihsut theih nadingin huh in.)

### **Nungzuih Kimawlinate/Khutsiam nasepte:**

- Kimawlina 1: Emmaus paina lampi tunga Zeisu Lim /Zeem ding the Emmaus paina lampi tunga Zeisu Lim /Zeem dingte zangin Sinna 12 sung sinpih in. Naupangte in limte zeem ding hi.
- Kimawlina 2: Khazih tawh Na Nuntakna Kimawlina Laidal zang ding.

### **Lim tawh Sinna 12:**

- Emmaus paina lampi tunga Zeisu Lim /Zeem ding
- Khazih tawh Na Nuntakna Kimawlina Laidal

Emmaus paina lampi tunga Zeisu



## Kimawlina 2: Khazih tawh Na Nuntakna Kimawlina laidal

### Hilhcianna:

- Pasion in amah tawh i kinai ding hong deih hi. Limte nuai-a kigelh Lai Siangtho munte sim in. Lim khat ciangin Pasion a kitheihziate gelh inla, kikum in.
- Limte tungtawnin behlap ding kisamte behlap inla, zeem in.

## Khazih Tawh Na Nuntakna

### 1. Luke 15:3-7 - Tuu Mang



---

---

---

---

---

---

---

---

---

---

### 2. Luke 15:8-10 - Dangka Mang



---

---

---

---

---

---

---


---

---

---

3. Luke 15:11-32 - Tapa Taimang Pa

Tapa Taimang Pa Inn ciah theih ding huh in



---

---

---

---

---

---

---

---

4. John 15:4-10 - Leenggui le Ahiangte



---

---

---

---

---

---

---

---

# Sinna 13

## Topa Tawh Nisim Gamdaih Hun Lakna



Nisim Gamdaih Hun neihna, Topa tawh hun lak khopna, pen a hoih nuntakzia bek hilo hi. Tua tungtawnin Khazih sungah a dimlet, a kicing, le a lungdam huai nuntakna i neihna zong ahi hi. Sinna 12 tungtawnin, eite in Khazih tawh kinai semsemin, amah tawh lawmta bang i om ding kisam hi (1 Corinth 1:9). Eite in amah nisimin hun i lak ding kisam hi.

### Tangthu gen ding kiging in:

GPHD laimai 48 enphakik in. Lai Siangtho munte sim in.

- Pasion tawh Gamdaih Hun neih ding thu gen ding.
- Lim le kimawlna dingte kiging khol in.
- Sinna 13 na Lai Siangtho kamngah naupangte muh theih dingin a mal golin gelh in.

### Lai Siangtho Kamngah:

Late 119:9-11

*“Tangval khat in ama gamtatna a siangtho-in bangci kep theih ding ahi hiam? Nangma thu zuihna tawh a gamtatna siangtho sak thei ding hi. Ka lungsim khempeuh tawh nang kong zong hi. Na thupiakte panin kei hong pialsak kei in! Nang tungah kong khialh loh nadingin ka lungsim sungah nangma thu ka khol hi.”*

- Na gelhsa Lai Siangtho kamngah pen tam veipi tak naupangte tawh a gingin simkhia in.
- Kimawlpih in. Gamlaka Thungen Zeisu lim/Sinna 13 sunga lim zeem ding zang in.
- Kua in kamngah gen thei cih en in.

### Etkikna:

- Sinna 12 atomin enphakik in.
- Naupangte hih dotnate dong in:
  - o Zeisu sungah om cih ciangin bang khatna nei hiam?
  - o Zeisu sungah i neih hahnate bangte hiam?

## Tangthu genna 13.1:

- Lai Siangtho mun tungtawnin Topa tawh Gamdaih Hun neih ding thu gen in.
- Gamdaih Hun in bang hiam cih gen in.
- Gamlaka Thungen Zeisu lim/Sinna 13 sunga lim zeem ding zang in.

## Gamdaih Hun i cih bang hiam?

### Gen in:

- Gamdaih Hun neih ding pen nisimin Pasion kammal ahi Lai Siangtho sim ding le sin ding, thunget ding cihna ahi hi.

### James 4:8a sim in:

*“Pasion naih un. Tua hileh amah ini note hong naih ding hi.”*

### Ephesus 6:18 sim in:

*“Kha sungah a tawntungin thungetna nam khempeuh le deih ngetnate na ngen un. Hih bangin pilvang takin om den unla, mi siangthote khempeuh aa ding tatsat lo-in thungetsak un.”*

### Jeremiah 29:12 sim in:

*“Tua ciang ka min nong sam ding uh hi. Kei kiangah nong pai ding uha, thu nong ngen ding uh hi. Ken zong kong dawng ding hi.”*

### Colosse 4:2 sim in:

*“Lungdamna tawh kikem kawmin thunget hahkat tawntung un.”*

### Late 1:2-3 sim in:

*[Mi nuamsa] “Ama nopsakna pen Topa thu sung bek mah hi-a, sun le zanin ama thu a ngaihsunsun mi ahi hi. Amah pen luitui luang gei-a a kisan, ama gah hunin gah a, ateh a vul ngeilo singkung tawh kibang hi. Aihna khempeuh ah a mapai hi.”*

### Naupangte hih dotnate dong in:

- James 4:8 in eite hong sam hi: \_\_\_\_\_ . Tua bang hile hang, Pasion in bang hong hih ding hiam? \_\_\_\_\_
- Late 1 in Topa thuhilhate bang hunin lungngai-in, ngaihsun ding ci-in hong hilh hiam? \_\_\_\_\_  
\_\_\_\_\_
- Eite in Pasion kiang nai-in ama hong thuhilhate koici sin theih ding ihi hiam? \_\_\_\_\_  
\_\_\_\_\_  
\_\_\_\_\_  
\_\_\_\_\_



## Tangthu genna 13.2:

- Bang hangin Topa tawh Gamdaih Hun la ding, bang hun, koimun cihte gen in.

### Bang hangin Gamdaih Hun nei ding i hiam?

#### Gen in:

- Eite in Gamdaih Hun i neih ding pen Lai Siangtho in hong gensa ahi hi.
- Zeisu in leitungah a om lai-in Vantung Pa tawh atuamin hun la den hi.
- Lai Siangtho hong sawlna man ding le Zeisu sep bang i sem ding hi.
- Khazih tawh hun i zatkhop ciangin, i nuntakna ah bang hong semsak nuam hiam cih eite in i thei ding hi.

#### Joshua 1:8 sim in.

*“Hih thukham laibu na mangngilh ngei kei ding hi. A sunga a kigelh thute khempeuh tawh kizui-in na gamtat theih nadingin sun le zanin na lung ngaingai ding hi. Tua hileh na mavang dinga, na nasep tangtung ding hi.”*

#### John 15:14-15 sim in.

*“Kong thupiak bangbang na zuih uh le ka lawmte na hi uh hi. Nasempa in a topa septe a theih khakloh hangin keimah in ka Pa kiang pana ka zaksa thu khempeuh note kong theisak zo hi. Tua ahih manin nasemte hong ci nawn loin lawmte kong ci hi.”*

#### Luke 6:12 sim in.

*“Tua hun lai ni khat, Zeisu thungen dingin mual tungah kahto a, zan tawntung Pasion kiangah thu a ngen hi.”*

#### Naupangte hih dotnate dong in:

- Moses in Joshua tungah (Joshua 1:8) Lai Siangtho tawh kisai-in thu thum sep ding vaikhak hi. Tua thu thumte bang teng hiam? \_\_\_\_\_, \_\_\_\_\_, \_\_\_\_\_ . Tuate pen Pasion in hong deihsak nasepte ahi hi.
- John 15:14 sungah, Khazih lawmte ci-in hong sap ding i ut le eite ama \_\_\_\_\_  
\_\_\_\_\_ Gamdaih Hun lakna in eite theih ding le sep ding kilawm teng Pasion in hong theihsakna hun ahi hi.
- Lai Siangtho sungah Zeisu in damdaihna mun ah pai ahihna gukvei bang kimu thei hi. Pasion mah ahi Zeisu in Vantung aa Pa tawh hunzat ding kisam ahihle, eite in Pasion tawh nisimin hun zat khop ding kisam lua hi. Bang hang ahihkeh bang hang hilo?  
(Naupangte tawh kikum in). \_\_\_\_\_  
\_\_\_\_\_
- Zeisu in bang hangin Vantung Pa tawh hun lak ding kisam ahi hiam? \_\_\_\_\_  
\_\_\_\_\_

**Matthew 4:4 sim in:**

*“Zeisu in, ‘Mihing in an bek tawh a nungta hilo in Pasion kam panin a pusuak thu khempeuh tawh a nungta ding hizaw hi,’ ci-in Lai Siangtho sungah kigelh hi, ci-in a dawng hi.”*

**1 Peter 2:2 sim in:**

*“Na khantoh theih nadingun naungek suaktungte bangin Pasion thu nawizu siangtho na lunggulh un.”*

**Naupangte hih dotnate dong in:**

- Eite i nuntakna dingin an i kisaplam i thei hi. Zeisu in aman aa nuntak theih nading tua an sangin a kisamzaw om hi ci hi. Eite in \_\_\_\_\_  
\_\_\_\_\_
- Lai Siangtho hong hilh thute i sin ciangin, nang tungah bang dan hong hilh hiam? \_\_\_\_\_  
\_\_\_\_\_  
\_\_\_\_\_

**Bang hun ciang Gamdaih Hun nei ding i hiam?**

**Gen in:**

- Pawlkhatte in Gamdaih Hun pen ni khat ii hun masa penah zang nuam uha, ni khat nuamtak a zat theih ding lunggulh uh hi.
- Pawl khatte in Gamdaih Hun pen ni khat ii hun nunung penah zang nuam uh hi.
- I tel ding khat in Khazih tawh hun na lak theih ding pen a thupi hi-a, amah i theih zawk semsem ding kizam hi.

**Matthew 6:11 sim in:**

*“Tuni a ka nek ding uh an hong pia in.”*

**Late 5:3 sim in:**

*“Topa aw, zingsangin ka aw nong za a, zingsangin nangma adingin biakna bawlin kong ngak hi.”*

**Mark 1:35 sim in:**

*“Zingsang khua a vakma in Zeisu tho a, gamdaihna mun khat ah pai in thu a ngen hi.”*

**Matthew 14:23 sim in:**

*“Mihonpite a ciahkhiatsak khit ciangin thungen dingin mualtung ah amah bek a kahto hi. Khuamial ciangin tua lai ah amah guak a om hi.”*

**Naupangte hih dotnate dong in:**

- Eite in nisimin pumpi ading an i ne hi. Tua mah bangin kha an zong i kisama, Lai Siangtho sunga Nuntakna An tawh thumanin i nungta thei bek ding hi. I kha an ding bangci danin ne ding ihi hiam? \_\_\_\_\_
- Thuciam Lui sungah David kumpipa in zingsang hunin Topa tawh kiho ding nuamsa hi. Zeisu in Pa tawh a kiho hun pen zingsang hun le nitak hun zong ahi hi. Gamdaih Hun na zat ciangin a hun a thupi hiam? \_\_\_\_\_ A thupipen in \_\_\_\_\_

**Koimun ah Gamdaih Hun zang ding i hiam?**

**Gen in:**

- Na kiim na paam ah gamlumna, buaina a om ciangin Gamdaih Hun zat ding haksa mahmah hi.
- Tua ahih manin gamdaihna mun khat zongin tua munah nang guak in Lai Siangtho sim, a thu lungngai, Topa tungah thungetna nisimin na neih ding kisam hi.

**Matthew 6:6 sim in:**

*“Note in thu na nget uh ciangin inndeih sungah lut unla kong na khak khith uh ciangin a kilanglo a om na Pa uh kiangah ngen un. Tua hileh a kilanglote a mu na Pa un a kilangtang in thaman hong pia ding hi.”*

**Luke 5:16 sim in:**

*“Amah ahihleh gamlak ah paikhia in thu a ngen zelzel hi.”*

**Naupangte hih dotnate dong in:**

- Koi ah teeng na hiam ngaihsun in. Na kiim na paam ah a gamdai, khat guak om theih nading munte teel in. \_\_\_\_\_

**Gamdaih Hun koici bangin nei ding?**

- Kimawlna 3: Gamdaih Hun geelna en lecin tua thu kitel ding hi.

## **Etphatna le Nuntakpihna:**

### **Gen/Dong in:**

- Nisim Gamdaih Hun lakna pen na hoih sepna bek hilo hi. Khazih sungah a dimlet, a kicing, le a lungdam huai nuntakna neih ding ahi hi.
- Jeremiah 15:16 sungah: “Na thute in kei hong kem a, an bangin ka ne hi. Na thute kei adingin kipahna le lungdamna ahi hi. Bang hang hiam cihleh nangma minin kei hong kilo hi. Topa, Vanglian Pasion aw.”

Jeremiah in Pasion kammal a muh ciangin bang sem hiam? \_\_\_\_\_

\_\_\_\_\_ Eite in zong tua bang mahin i sem ding hi.

- Topa aw, ka thungetna le na kammalte tungtawnin, kei tawh hun nong lak manin ka lungdam hi.

### **Kikupna:**

Thungetna le Lai Siangtho simna tawh Gamdaih Hun zatna in nang adingin bang hong huh thei hiam?

(Naupangte in Topa tawh hun lakna a neih theih nadingin lampite hilh in.)


## **Nungzuih Kimawlinate/Khutsiam nasepte:**

- Kimawlina 1: Zeisu in Gamlak ah thu a ngetna Lim/Lim zeem ding. Zeisu in a Pa tawh hun alakna na kikup kawmin naupangte in amau muhzia zong kikumsak in. Naupangte in lim zeem ding uh hi.
- Kimawlina 2: Gamdaih Hun ka neih theih nading bang kisam ka hiam?
- Kimawlina 3: Gamdaih Hun Geelna

## **Lim tawh Sinna 13:**

- Zeisu Gamlak ah Thungetna lim/Zeem ding
- Gamdaih Hun neih nading bang kisam hiam?
- Gamdaih Hun Geelna

## Gamlakah Zeisu Thungetna



**Lai Siangtho Kamngah: Late 119:9-11**

“Tangval khat in ama gamtatna a siangtho-in bangci kep theih ding ahi hiam? Nangma thu zuihna tawh a gamtatna siangtho sak thei ding hi. Ka lungsim khempeuh tawh nang kong zong hi; na thupiakte panin kei hong pialsak kei in. Nang tungah kong khialh loh nadingin ka lungsim sungah nangma thu ka khol hi.”



### Kimawlna 3: Gamdaih Hun Geelna

#### Hilhcianna:

- Anuai-a Gamdaih Hun Geelna limtakin sim in. Hih pen Khazih tawh hun nuam na ngah nading lampi khat bek hipan hi.
- Hun khat pen bangtan zang ding cih ciangtan om lo hi. Nang ading a lem penpen dingin geelkik in. A kizam bangin puahpha thei lai hiteh.

### Gamdaih Hun Geelna

#### Kipat thungetna—

Pasian in Gamdaih Hun na geelnate hong taksuaksak nadingin thungen in. Kha Siangtho in hong hilhnop thute na theih nading ki-ap in.

#### Lai Siangtho simna ----

Sinna 14 sunga Zeisu tawh Ni 31 Kimuhna tungtawna Lai Siangtho munte sim in.

#### Lai Siangtho thusinna ---

Sinna 6 le 7 sunga Lai Siangtho Sinna Kal Li te zang in. Nisimin na sinkhak thute zong gelh in. Na theihnop thute zong gelh in.

#### Thunget hun -----

Pasian tawh thu kikum zel in. Nang kisp le midangte ading thungen in. Amah in hong za-a, akiangah hong naisak nuam hi. Ama hong sepsakna hangin ama tungah lungdam ding mangngilh kei in.

[Sinna 14 sunga Thungetzia hong huh thei nam thumte le **Mimal Thunget Deihna** in Pasian tawh na kihona hong makaih thei ding hi.]

#### Huhna Ngen -----

Na simsa tungtawnin dotnate ngaihsun kik in. Kha Siangtho tungah tuate cihnopna zong dong in. Dotnop na neih lai veve leh, Lai Siangtho Sinzia Hilhnate zang ahikkeh Hilhciante sim ahikkeh na muan khat tungah zong dong thei hiteh.

#### Phawk Ding

- Na geelsa bangin, nisim na zuih zawh nading hanciam in. Hun man in.
- Na sinkhak thute phawkkik den in.
- Na sin khat peuhpeuh na tel theih nading huhna ngen in.
- Na sim le theih thute tungtawnin pilna le theihna na ngah nading thungen in.
- Pasian in hong makaih tohtohnate tungtawnin na nuntakna kikhel toto sak in.
- Ni khat na pelh khak le zong, lungkia ke'n!

## Sinna 14

### Thungetna le Phatna Zuih Ding Ngeinate



Eite in thungenin, amah i biak ciang, hong piangsak Pasion tawh a kizom ihi hi. Pasion tawh mimal kihona, ama tung lungdamna, amah phatna le ama tung deih ngetna cihte ngaihsun in. Pasion in tua bang sem dingin hong deih hi! Amah tawh naitakin kikholhkhop ding zong lunggulh hi. Sinna 13 sungah nisim Gamdaih Hun neih ding a thupitna hong gen hi. Tua sungah Lai Siangtho sinna le thungetna kihel hi. Hih sinna sungah thungetna le biakpiaknate genbeh dinga, tua pen Gamdaih Hun zat theih nading nam khat zong ahi hi.

#### **Tangthu gen ding kiging in:**

GPHD laimai 49-59 sung enkik in. Tua sunga Lai Siangtho munte sim in.

- Pasion in ama tungah thunget ding le nisimin amah biak ding hong deihna thu gen in.
- Lai Siangtho sungah thungetna thupite, thungetna kidawngte, thungetzia ding hilhnate le Pasion phatna ding a kigelhte gen in.
- Lim le kimawlna kiginghol in.
- Sinna 14 tawh kisai Lai Siangtho Kamngah laimal golpi tawh gelh in.

#### **Lai Siangtho Kamngah:**

Late 7:17

*“Ke’n ka hihleh, ama dikna om bangin Topa tungah lungdamna ka lak dinga, a Sangpen Topa min phatna la ka sak ding hi.”*

- Na gelhsa Lai Siangtho kamngah pen tam veipi tak naupangte tawh a gingin simkhia khawm in.
- Thungen le Apat Naupangte Lim/Lim Zeem dingte zang inla naupangte Lai Siangtho thu hilh in.
- Kimawlpin in. Kamngah Lai Siangtho a genkik dingin dong in.



## **Etkikna:**

- Sinna 13 atomin enkik in.
- Naupangte hih dotnate dong in:
  - o Khattang Gamdaih Hun nisimin bang hang nei ding i hiam?
  - o Gamdaih hun sungin bang sem ding i hi hiam?

## **Tangthu genna 14.1:**

- Thu-um khat nuntakna ah thungetna a manphatzia gen in.
- Thungen le Aphot Naupangte Lim/Lim Zeem dingte zang in.

## **Gen in:**

- Lai Siangtho sungah thungetna 650 kiciamteh ahihlam na thei hiam?
- Lai Siangtho sungah thungetna a kidawng 450 kiciamteh ahihlam na thei hiam?
- Lai Siangtho in Zeisu thungetna 25 vei a ciaptehnam na thei hiam?
- Lai Siangtho sungah Sawltak Paul in thungetna tawh kisai 41 vei a genlam na thei hiam?
- Thungetna tawh kisai Lai Siangtho in tampi gena, Pasion adingin a thupi mahmah ahi hi. Amah tawh kihokhop ding hong lunggulh hi. Kha Siangtho tungtawnin amah i hopih ding hong deih hi. Thungetna tungtawnin Vantung i Pa tawh hun nuam i lak ding kisam hi.

## **Gen in:**

- Vantung i Pa tawh i ut hun, sun le zan, i kiho theih pen i hamphat penna ahi hi. Amah tawh Gamdaih Hun i lak ciangin thungetna in manpha hi.
- Lai Siangtho in thungetna tawh kisai tampi gen hi. Eite in i thunget hun limtak ngaihsun pha ding hihang.

## **1 Thessalonians 5:17 sim in:**

*“Thunget khawl ngei kei un.”*

## **Philippians 4:6 sim in:**

*“Bangmah thu ah lunghimawh loin na khempeuh ah lungdam ko kawmsa in thungen unla, na kisapnate uh Pasion tungah pulakin na ngen un.”*

## **Naupangte hih dotnate dong in:**

- Bang hunin thunget ding hoih hiam? (Anuai aa khat teel in.)  
Kha khat khatvei/ Ni khat khatvei/ Hun sim
- Pasion tungah bang ngen ding i hiam? (Anuai aa khat teel in.)  
Na khempeuh/ Hong piak ding ka deih khempeuh/ kei hong lungkhamsak peuhpeuh

### Gen in:

- Khat veivei ciangin koici thunget ding cih huhna i kisam hi. Hih anuai-ate in na thungetzia ding hong huh thei ding hi.

**ZAHTAKNA**– Pasion vangliatna, hatna, thuneihnate ngaihsun in.

Kumpi tokhom tunga tupa le Tuuno in Thupha, pahtawina, minthanna, Vangliatna ngah tawntung taken! (Kilakna 5:13b)

**MAWHSUTNA**–Na mawh na khialhna hangin na dahrate Pasion kiangah gen in.

I mawhnate pulak lehang i mawhnate hong maisak ding hi. (1 John 1:9a)

**LUNGDAMKOHNA** - Nang ading hong hihsak sate le nisim hong sepsak nate hangin lungdamko in.

Lungdamkohna tawh ama kiang zuan ni. Ama tungah phatna late sa ni. (Late 95:2)

**NGETNA** - Nang le midangte kisapna teng Pasion tungah ngen in.

Bangmah thu ah lunghimawh loin na khempeuh ah lungdam ko kawmsa in thungen unla, na kisapnate uh Pasion tungah pulakin na ngen un. (Philippi 4:6)

### Tangthu genna 14.2:

- Biakna in bang hi-in, Pasion bangci biak theih ding i hiam cih thute gen in.
- Thungen le Aphot Naupangte Lim/Lim Zeem dingte zang in.

### Gen in:

- Pasion tawh Gamdaih Hun lak ciangin biakpiakna zong nam khatin kizang thei hi. Pasion biakna pen phatna, ama liatna le a lamdanna genkhatna, eite tung le midangte tunga Pasion sepzia tung lungdam kohna, le amah i itna i lahna ahi hi.
- Lai Siangtho mun 250 in Pasion phatna thu gen ahihlam na thei hiam?
- Eite in Pasion pen nam tampi tawh i bia thei hi.

### Naupangte hih dotnate dong in:

- Pasion phatna le biakna tawh kisai anuai-a Lai Siangtho munte behlap in. Lai Siangtho munte en in. Tua munte tungtawnin Pasion phatna le biakna a kilamdannate gelh in.

## **Pasian Phatna le Biakna tawh kisai Lai Siangtho munte**

Anuai-a munte sim in. Eite in Pasian i phat le biak theih ding lampite gelh in.

Late 95:6 - \_\_\_\_\_

Late 46:10 - \_\_\_\_\_

Hebrew 13:15 - \_\_\_\_\_

Late 149:3 - \_\_\_\_\_

Late 95:1 - \_\_\_\_\_

Late 150:4 - \_\_\_\_\_

Late 47:1 - \_\_\_\_\_

John 13:34-35 - \_\_\_\_\_

Nehemiah 8:6 - \_\_\_\_\_

Pasian phatna le biakna ding lampi bangzah na thei hiam? \_\_\_\_\_

Pasian phatna le biakna ding lampi dang na ngaihsun thei hiam? \_\_\_\_\_

### **Etphatna le Nuntakpihna:**

#### **Gen in:**

- Na khempeuh abawl Pasian in nang le kei tawh hun zat khop ding ut hi. Amah i theih semsem ding le i it semsem ding hong deih hi.
- Topa, nisimin Lai Siangtho simna, thungetna, le biakpiakna tungtawnin nang tawh hun ka zat theih manin lungdam ing.

#### **Kikupna:**

Thunget le biakpiakna tungtawnin na nuntakna bangci bangin hong huh thei hiam?  
(Naupangte thungetna le Pasian phatna a nuntakpih theih nadingin huh in.)

### **Nungzuih Kimawlnate/Khutsiam nasepte:**


- Kimawlna 1: Thungen le A Bia Naupang Lim /Zeem ding. Naupangte in lim zeem ding uh hi.
- Kimawlna 2: Mimal Thunget Dingte /Thungen Khut
- Kimawlna 3: Gamdaih Hun aa ding huhnate pen Sinna 14 sung limte ah kimu thei hi.
- Kimawlna 4: Zeisu tawh ni 31 Kimuhkhopna Lai Siangtho munte

## Lim tawh Sinna 14:

- Thungen le A Phat Naupangte lim/ Zeem ding
- Mimal Thunget Dingte /Thungen Khut
- Kammal Sunga Gamdaih Hun Ading Huhnate
- Zeisu tawh ni 31 Kimuhkhopna

Kimawlna 1: Lim/Zeem ding

### Thu A Ngen Naupangte



### Pasian A Phat Naupangte



Lai Siangtho Kamngah

Late 7:17

*“Ke’n ka hihleh, ama dikna om bangin Topa tungah lungdamna ka lak dinga, A Sangpen Topa min phatna la ka sak ding hi.”s*

## Kimawlna 2: Mimal Thunget Pulakna /Thungen Khut

### Hilhcianna:

- Naupangte in Mimal Thunget Pulakna pen a thunget uh ciangin zang ding uh hi.

### Mimal Thunget Pulakna

1. Innkuan/Lawmte (nulepa, adang innkuanpihte, nang tawh a kinaipen lawm khat, cihte...) \_\_\_\_\_
2. Pawlpi innkuan/Mission nasepnate (pastor, siate, mission palaite, cihte...) \_\_\_\_\_
3. Kumpi Nasemte (Kumpi, Gam-uk, Khuapi uk, Thukhen, MP, cihte...) \_\_\_\_\_
4. Mi cina ahihkeh kism mi (pumpi ahihkeh khalam haksatna nei) \_\_\_\_\_
5. Keimah (khalam khantohna ding, pilna, sangkahna, nasepna, cihte...) \_\_\_\_\_

### Thungen Khut

- Naupangte in hih thungen khut pen midang khat ii kitangsapna a ngetpih nadingin huh thei ding hi.
- Khutme khat in mimal thunget dingte nam khat acihna hi



Ka Innkuanpih/lawmte Pawlpi mipihte  
Kumpi Ulian/nasemte A cina/gimthuakte Kei ading

### Kimawlna 3: Gamdaih Hun ading Lai Siangtho Huhna

#### Hilhcianna:

- Naupangte tawh Lai Siangtho sinna kalte enkik in.
- Hun a omleh, tua kalte tawh Lai Siangtho sinna neihpih in.

### Kammal Sunga Gamdaih Hun Ading Huhnate

Nisimin kammal na sim theih nadingin, Sinna 6 le 7 sunga Lai Siangtho sinzia dingte enkik in. Tua khith ciangin laidal khat tungah Kal Thumte gelh inla, Lai Siangtho tawh tonkhawm in. Gentehna, Late 23:1-9 sim inla, tua kal suan dingte zui in. Hih sunga hong kikoihsakte sangin a tamzaw laigual zong na kizam kha ding hi. Hih pen nang ii mimal Gamdaih Hun thusinna a hih manin, kikupnate zong zat loh theih ahi hi. Na ngaihsutnate midangte kikum thei hiteh. Na kipat ma-in thunget ding mangngilh kei in.

1 - ETTELNA - “EN IN” - Bang gen hiam? \_\_\_\_\_

---

---

---

---

2 - LUNGNGAIHNA - “NGAIHSUN IN” - Bang cihnopna hiam? \_\_\_\_\_

---

---

---

---

3 - SEPKHIATNA - “NUNTAKPIH IN - SEM IN” - Bang sem ding? \_\_\_\_\_

---

---

---

---

#### Ciamteh in:

Kha khat sung Lai Siangtho sinna tawh kopin **Zeisu tawh ni 31 Kimuhkhopna** cih Lai Siangtho sim dingte en in. Lai Siangtho sim ding le sin ding hih sinna ah hong kipia hi. Tua thulute le Lai Siangtho munte tungtawnin atunga zuih ding ngeinate zang in. **Zeisu tawh ni 31 Kimuhkhopna** na sinkhit ciang, Lai Siangtho buppi sim ding kipan inla, Kha Siangtho lamlahna tawh sim in. Tua bek hilo-in Sinna 14 sunga **Kumtawn Lai Siangtho Simzia Ding** zong zang kawm in.

## Kimawlna 4: Zeisu tawh ni 31 Kimuhkhopna

### Hilhcianna:

- Naupangte in hih kha khat Lai Siangtho sinna zui-in nisim Gamdaih Hun zang ding uha, Zeisu thu thei-in, a nungta Kammal zong sin ding uh hi.

### Zeisu tawh Ni 31 Kimuhna

Ni	Thulu	Lai Siangtho mun
Ni 1	Zeisu thu kigenkhol	Isaiah 53
Ni 2	Zeisu Suahna	Matthew 1:18-25
Ni 3	Tuiphum John in Lampi Sialkhol	Matthew 3:1-4:11
Ni 4	Zeisu, Samaria Numei tawh Kimu	John 4:1-26
Ni 5	Zeisu A Munah Kisang Lo	Luke 4:14-30
Ni 6	Zeisu in Nungzuite Sam	Luke 5:1-11
Ni 7	Zangsung Thuhilhna	Luke 6:17-46
Ni 8	Meigongnu Tapa le Mimawhnu	Luke 7:11-17; 7:36-50
Ni 9	Zeisu, Pharisee-te tawh Kimu	Matthew 12:1-13; 22-45
Ni 10	Khaici vawh Thugentehna	Matthew 13:1-43
Ni 11	Zeisu in Huihpi Daisak	Luke 8:22-25
Ni 12	Zeisu in Pasal, Nupi le Nungakno	Damsak Mark 5:1-43
Ni 13	Zeisu in 5000 te Vaak	John 6:1-14
Ni 14	Peter in Zeisu Khazih Thei	Luke 9:18-27
Ni 15	Upna Tawh Damna	Mark 9:14-32
Ni 16	Thuhilh le Thugentehna Dangte	Matthew 17:24-18:20
Ni 17	Thuhilh le Thugentehna Dangte	Matthew 18:21-19:15
Ni 18	Ahau Tangval Pa	Mark 10:17-31
Ni 19	Nungzuite Sawlkhiatna	Luke 10:1-24
Ni 20	Sawlpina	Mark 12:28-44
Ni 21	Samaria Mihoih Pa Tangthu	Luke 10:25-37
Ni 22	Topa Thungetna	Luke 11:1-13
Ni 23	Zeisu in Sihna Pan Lazarus Thokiksak	John 11:1-44
Ni 24	Jerusalem ah Gualzawhna tawh Lutna	Matthew 21:1-27
Ni 25	Nitak Anneek Tawpna	John 13:1-17
Ni 26	Zeisu in Nungzuite A Itzia	John 14-15
Ni 27	Zeisu Kimatna le Bawlsiatna	Matthew 26:36-75
Ni 28	Zeisu A Kisimmawhna	John 18:19-19:16
Ni 29	Zeisu Singlamteh Tung kikhaina le Sihna	John 19:17-42
Ni 30	Zeisu Thawhkikna le Kilakna	John 20-21
Ni 31	Zeisu Hong Sawlpinate	Matthew 28:16-20

Pasian Kammal Sinna ding Thute hong tung ding laimai nihte ah kigelh hi.

## Kumtawn Lai Siangtho Simzia Ding

Pasian kammal na simna tungtawnin Thuman na muhkhiat pen ciamteh in. Thuman pen mihing ahi Zeisu Khazih hi-a, amah pen Pasian ii a nungta Kammal hi-in, Lai Siangtho in amah kawh hi. Hih anuai-a thute pen Pasian tawh Gamdaih Hun neihna huna na zat ding ahi hi. Kal khat sung sep ding khenin, ni 7 sungin tuate sim in. Na sim laitakin midangte tawh kikapna ding hun na ngah kei dinga, tuate na sinna tungtawnin a nung ciangin midang tungah na kuppihnop thu hong om ding hi.

### Lai Siangtho Simzia Ding Geelna


Nipi	Thulu	Lai Siangtho	Sim in
1	Pasian Piansakna Adam & Eve	Piancil 1 - 2:24	
2	Gulpi	Piancil 3	
3	Noah Tangthu	Piancil 6:9 - 9:17	
4	Abram Tangthu	Piancil 15	
5	Sarah Tangthu	Piancil 18:1-15; 21:1-6	
6	Jacob Tangthu	Piancil 27; 32 - 33	
7	Joseph Tangthu	Piancil 37; 39 - 42; 44 - 45	
8	Miriam Tangthu	Paikhiatna 2:1-10	
9	Pasian in Israel mite Honkhia	Paikhiatna 12:1-42; 14:5-31	
10	Moses le Thukham Sawm	Paikhiatna 20:1-21	
11	Aaron Tangthu	Paikhiatna 32:1-29	
12	Caleb Tangthu	Gamlakvakna 13	
13	Balaam Tangthu	Gamlakvakna 22:21-41	
14	Rahab Tangthu	Joshua 2	
15	Joshua Tangthu	Joshua 6	
16	Deborah Tangthu	Thukhente 4	
17	Gideon Tangthu	Thukhente 6 - 7	
18	Ruth le Naomi Tangthu	Ruth 1 - 2	
19	Hannah Tangthu	1 Samuel 1:9-28	
20	Samuel Tangthu	1 Samuel 16:1-13	
21	Naupang David Tangthu	1 Samuel 17	
22	Abigail Tangthu	1 Samuel 25:2-38	
23	Solomon Tangthu	1 Kum 3; Pau 1:1-7; 2:1-22	
24	Elijah Tangthu	1 Kumpite 18:1-40	
25	Elisha Tangthu	2 Kumpite 4:1-7	
26	Josiah Tangthu	2 Kings 22:1 - 23:25	
27	Pasian Biakinpi	Ezra 3:1-13; 7:1-10; 9:6-10:17	
28	Nehemiah Tangthu	Nehemiah 3 - 4; 6	
29	Esther Tangthu	Esther 5:1-8; 8:1-17	
30	Job Tangthu	Job 1 - 2; 13; 40; 42	



31	Kumpi David Kampau	Late 23	
32	Jeremiah Tangthu	Jeremiah 1:3-19	
33	Shadrach, Meshach le Abednego-te Tangthu	Daniel 3	
34	Daniel Tangthu	Daniel 6	
35	Jonah Tangthu	Jonah 1 - 4	
36	Tuucingte Tangthu	Luke 2:1-20	
37	Mary Tangthu	Matthew 2:13-23	
38	Tuiphumpa John Tangthu	John 1:19-34	
39	Nicodemus Tangthu	John 3:1-21	
40	Sawltakte	Matthew 10	
41	Mi Haupa Tangthu	Matthew 19:16-30	
42	Pharisee-te	Matthew 22:34-40; 23:1-36	
43	Mary le Martha Tangthu	John 12:1-8	
44	Zeisu Hong Kipiakna	Matthew 27:27 - 28:10	
45	Thomas Tangthu	John 20:24-30	
46	Christian Masate	Sawltak 2	
47	Peter Tangthu	Sawltak 3	
48	Stephen Tangthu	Sawltak 7	
49	Philip Tangthu	Sawltak 8:26-40	
50	Saul Tangthu	Sawltak 9:1-19	
51	Silas Tangthu	Sawltak 16:16-40	
52	Timothy Tangthu	Sawltak 16:1-4; 1 Timothy 4:6-16; 6:11-21; 2 Timothy 1:3-14	

LETSONG: John in Hong Tung Ding Hunte Mukhol Kilakna 21 - 22

## Hawm Sawn In!



- Hih thusinna laibu ii deihna in Pawlpi masate zatngei Lai Siangtho thukhun tungtawnin nang mahmah na kisin theih nading le leitung khempeuh Khazih adingin kilamdang sakin a hun omlai Lungdamna thu gen ding ahi hi.
- Ngimna bulpi in na theihna kibehlap nading le na deihna a khan nading, tuhun thu-um mite khat na hihna tawh Lungdamna Thu tawh leitung khelzawh nading ahi hi.
- Paul in Timothy tung a gen bangin kong gen ding hi:

*“Teci tampite mai-a ka thugen na zaksa thute, midangte zong na hilhsawn thei dingin mi muanhuaite tungah na pia in.” (2 Timothy 2:2)*

- Tu-in midang khat tungah na **sinsa thute hawmsawn in.**
- Hih Pasion Innkuan thu tawh kisai na theihsak nop na lawm nihte min anuai-ah gelh in:

- 
- Midang tung hawm sawn theih dingin thunget kipan in!

# Lai Sin Zawhna Pahtawina

## “A Khangmoi Nungzuite Ading Pasion Geelna”



‘A Khangmoi Nungzuite Ading Pasion Geelna’ Thusinna le laisinna khempeuh apat pan atawp dong zosiangkhein ahin manin hih pahtawina lai kipia hi. Tua sinna sungah mimal thusinna le thukonghong

thusinna, kikapna,

le nuntakpihnate akihel anuai-a Sinna 14 teng ahi hi.

1. Pasion Kammal ii Thuneihna leh Kicinna
2. Kha Siangtho ii Thuneihna leh Kicinna
3. Tuiphumna
4. Khat Sungah Teengkhawm
5. Neekkhawm
6. Lai Siangtho Sinzia ding Hilhna
7. Lai Siangtho Sinzia Zuihna
8. Nungzuite Hehpihna Taktak Lungdamna thu tawh kip uh hi
9. Nungzuite Pasion tawntung geelna tawh kip uh hi
10. Nungzuite Pasion Innkuan sungah kip uh hi
11. Khazih sungah na nuntakna
12. Khazih tawh na nuntakna
13. Pasion tawh Gamdaih Hun Lakna
14. Thugetna leh Biakpiakna Zuih Ding Ngeinate

Hih pahtawina lai pen atung aa mimal tungah New Foundations International le tualsung pawlpi makai in pia uh hi. Laisin mi nu/pa in Pasion minthan nadingin a gapha nungzui mi a suah ding ka lungtup uh ahi hi.

Ani: Akha: Akum:

New Foundations International

Tualsung Pawlpi Makai

